

ისტორიულ-მეცნიერული ჟურნალი №9, 2011, სექტემბერი ფასი 2 ლარი

ისტორიანი

ტაო-კლავდიის ღაბუნების სტანიონური ბუბები

სუხათუა:
ქაათა სინა



ახეობდა
თუ ახ
სინაძვირად
ტაოს სენი?

ღელი
საუთუვად
ბთის წმინდა
სახედი

ყვად ღმონ საუათუას
ისტორიული ღმანი

კონსტანტინე გამსახურდია
ღვით აღაუენაელი
8 ზოად



ტოი VII
ფასი 3 ლარი

ნიგნი „ისტორიანთა“ ერთად – 5 ლარი

ვანი ღაბაქა
მოხანთა
ბანის
ფინანსისტი

ათორიონ-
ვახინიქი
ჩლისხაბა
ტაო-კლავდიის
შაოუთუბის
შახაბა

ღმონ
ბაქინა
ჩავანელი
აღანაელი



სახიჩვი

ახალი აბეჯი

XIX საუკუნის ხელნაწერის ყდაში
 XV-XVI საუკუნეების ღოკუმენტები 6
 აღმოჩნდა 6
 ზოლიაქოს ნიშნების უცნაური
 ექსპოზიციცა 7
 ევროპელ მამაკაცის ნახევარი ფარონ
 ტუტანაჰამონის შთამომავალია(!) 8-9
 ბრინჯაოს გულა 9 მილიონ ღოლარად
 გაიყიდა 10
 5000 ფლის წინანდელი კოლესური
 დასახლება აჭარაში 10
 ჩინური ფაიფურის უღიღესი ბანკი
 ისტორიაში 11

ისპოხიის ლაზიჩინთუბი

საბჭოთა კავშირის ტერიტორიული
 პრეტენზიები თურქეთისადმი 12
 1945-1953 წლებში 12
 კათოლიკოს-კატრიარქი კალისტრატე
 ტაო-კლარჯეთის შემოერთების შესახებ 20
 თურქების მიერ მიტაცებული ქართველთა
 მკვიდრი მიწა-წყლის შესახებ 24
სახეების ისპოხი
 პირადი ნიშნები ღიღი ილიას
 მუზეუმიდან 30
ახითუაჯი უსოეთში
 ვასილ ღუმბაქა მორბანთა ბანკის
 ფინანსისტი 34



სახეჩვი

<p>იბოხიის საიუდეოება არსებობდა თუ არა სინაგოგები ტროსა ცხენი? 40</p> <p>იბოხიის უსოზი ფახსაზი რუსთაზი — ნაკოლეონის კაპლუკი 46</p> <p>ბიხილი ლუღი — სპარტეპელის მითის ფინელა სასემლი 50</p> <p>ბავაზიის ხალხი როგორ ბაქრნენ კავკასიელი ალბანელები 58</p> <p>ბიბანეხი იბოხი ზაზა კორინთელი: „არტგენი“ მარტო ჩვენ</p>	<p>აღარ გვეკუთვნის, სხალსო ზვივი ბასლა! 65</p> <p>იბოხი და ფოლკორი „ილტოვ, ცრემლბადა ნაღმნი“ 70</p> <p>სოხი თეშურ ფიკლური: ბრძოლა სპირო მავინაც კი, სიკვდილი რომ მოვა, ხელით უნდა გაგვბო 74</p> <p>ბიხი მავუა არქვი: აღრე ფიგნის კითხვა მოღური იყო, კარგი ფიგნები კი ძნელად იყოვებოდა 79</p> <p>„იბოხიანი“ ბავუაბისთის 500 ფაქტი იბოხიდან 82-89</p> <p>სკანვორდი 90</p>
--	--

ჩვენს ხელახლოვდა სპეციალისტი

1945 წლის მიწურულიდან მოყოლებული, მთელი საქართველო მოელოდა, რომ საბჭოთა არმიის ნაწილები თურქეთის რესპუბლიკის საზღვრებს გადალახავდნენ და ისტორიული საქართველოს კუთვნილ მიწა-წყალს კვლავ დედასამშობლოს დაუბრუნებდნენ. ბევრს არც კი ეჭვებოდა, რომ ეს დიდი ისტორიული მოვლენა სულ ახლო მომავალში მოხდებოდა...

წინამდებარე ნომრის მთავარ თემას წარმოადგენს სწორედ 1945 წლიდან საბჭოთა კავშირში დაწყებული იდეოლოგიური კამპანია, რომელიც მიზნად ისახავდა რუსეთის იმპერიის სამხრეთი საზღვრების აღდგენას. შედეგად საქართველოს უნდა დაბრუნებოდა ისტორიული ტაო-კლარჯეთი. 1921 წელს ეს ტერიტორია რუსეთის შუამავლობით, ქართულმა და სომხურმა მხარემ თურქეთს დაუთმო. შესაბამისად, საქართველოს სახელმწიფო ტერიტორიის მიღმა დარჩა ყოფილი ბათუმის ოლქის სამხრეთი ნაწილი — მაჭახელი, ბორჩხა და მაკრალი (936 კვკმ), ართვინის ოლქი (3339 კვკმ), არტანუჯის (არდაგანის) ოლქი (ფოცხოვის უბანთან ერთად 5725 კვკმ), ტაოს ანუ ოლთისის ოლქი (3051 კვკმ).

ჩვენ საქართველო-თურქეთის ურთიერთობის ისტორიის ერთ მოკლე პერიოდს წარმოგაჩენთ, რომელიც ორი ქვეყნის უახლესი ისტორიაა. ამიტომაც რედაქციის უმორჩილესი თხოვნაა, ამ თემის წამოწევა პოლიტიკურ ჭრილში არავინ განიხილოს.

1992 წლის 30 ივლისს ანკარაში საქართველოსა და თურქეთს შორის ხელმოწერილი მეგობრობის, თანამშრომლობისა და კეთილმეზობლური ურთიერთობის შესახებ ხელშეკრულებით, საზღვრის დემარკაციის საკითხი ყარსის 1921 წლის ხელშეკრულებით განისაზღვრა. მხარეებმა აღიარეს საზღვრის ხელშეუხებლობის პრინციპი. დღევანდელ მსოფლიოში არსებული საერთაშორისო ურთიერთობის ნორმები აღიარებს ქვეყნების ტერიტორიულ მთლიანობასა და საზღვრების ურღვევობის პრინციპს. მართალია, ჩვენმა სამშობლომ დაკარგა სამხრეთი ტერიტორიების დიდი ნაწილი, მაგრამ ამჟამად ჩვენი საზოგადოების წინაშე დგას არანაკლებ მნიშვნელოვანი საკითხი — საფუძვლიანად შევისწავლოთ „თურქეთის საქართველოს“ ტერიტორიაზე არსებული ქართული მატერიალური კულტურის ძეგლები — ხაზული, ოშკი, ოპიზა, იშხანი, ბანა, არტანუჯი, ოთხთა ეკლესია... ისინი მარტოოდენ ქართველი ხალხის კუთვნილება როდია, მსოფლიო კულტურის საგანძურის ნაწილია და სათანადო მოვლა-შესწავლა ესაჭიროება.



რვა საპარტოვლო-თურქეთის ურთიერთობის ერთ მთავარ პერიოდს წარმოგაჩენთ. რედაქციის თხოვნაა, ამ თემის წამოწევა პოლიტიკურ ჭრილში არავინ განიხილოს...

ისტორიულ-შემეცნებითი ჟურნალი „ისტორიანი“

მთავარი რედაქტორი
ჯაბა სამუშია

რედაქტორი
გელა გურგენიძე

სტილისტი-რედაქტორი
ელენე სალარიძე

კომპიუტერული უზრუნველყოფა
რეზო თხილიშვილი

სარედაქციო კოლეგია:
ალექსანდრე ბონიშვილი
ოქროპირ ჯიქური
ნინო ჯაფარიძე

კორექტორები:
ნანა მაჭავარიანი
ნინო აბესაძე

რედაქციის მისამართი:
თბილისი, იოსებძის ქ. №49
ტელ.: 38-13-72, 38-02-45

სარეკლამო განყოფილება
ტელ.: 37-78-07, 38-78-70

e-mail: istoriani@palitra.ge

ჟურნალი გამოდის თვეში ერთხელ

რედაქციის ნებართვის გარეშე
მასალების გადაბეჭდვა აკრძალულია

ჟურნალის გამომწერი სთვის მიმართეთ პრესისა და წიგნების გავრცელების სააგენტოს „ელვა.ჯი“.
ტელ.: 38-26-73, 38-28-74, 14-09-91



XIX საუკუნის ხელნაწერის ყდაში XV-XVI საუკუნეების დოკუმენტები აღმოჩნდა

საქართველოს იუსტიციის სამინისტროს ეროვნული არქივის ინფორმაციით, XIX საუკუნეში გადაწერილ წიგნის „ქორწინებისათვის და დადგინებითი გრამოტა“ რესტავრაციას, მის ყდაში XV-XVI საუკუნეების ხელნაწერების ფრაგმენტები აღმოჩნდა. ათი ფრაგმენტიდან ცხრა ნუსხურით არის შესრულებული, ხოლო ერთი რუსულად.

სპეციალისტების შეფასებით, აღმოჩენილი ფრაგმენტები ორ სხვადასხვა ხელნაწერ წიგნს ეკუთვნის. ხელნაწერი პალეოგრაფიული ანალიზით დათარიღდა — შავი მელნით ნაწერი ტექსტები, რომლებიც წითელი მელნითა და საგანგებოდ შესრულებული საზედაო ასოებითაა შემკული, XV-XVI საუკუნეებისთვის დამახასიათებელი ქართული ხელნაწერების სურათს უჩვენებს.

თვით ხელნაწერი წიგნი, რომლის ყდაშიც იყო ჩაკერებული ძველი ხელნაწერის ფრაგმენტები, მოიცავს 1723-1785 წლებში გამოცემულ ბრძანებებსა და წესებს ქორწინებისთვის.

ხელნაწერი ეკუთვნოდა თელავის საკრებულო ტაძრის წინამძღვარ დეკანოზ მიხეილ ხელაშვილს, ხოლო არქივში მიხეილის ვაჟმა ვლადიმერ ხელაშვილმა შემოიტანა.

ხელნაწერი შეიცავს სამ სხვადასხვა შინაარსის მქონე ნაწარმოებს — „ქორწინებათათვის მართლმადიდებელთა პირთასა სხუა სარწმუნოებისათა თანა“, რომელშიც გამოყენებულია პეტრე I-ის მიერ 1720 წელს გამოცემული ბრძანება; „ფორმა (დადგენილი ნიმუში, სტანდარტი დოკუმენტისა) მღუდელთმთავრისაგან მისაცემელის დრამმატიკისა ახლად ხელდასხმულისა მღუდლისადმი“, რომელიც შეეხება სასულიერო პირების დანიშვნის წესებს; „ქორწინებისა თავისთვის“, გადათარგმნილია ბერძნულიდან ქართულად 1775 წელს. ეს ნაწარმოები იწყება მიძღვნით: „უნეტარესსა და უწმინდესსა პატრიარხსა ყოვლისასა ქართუელისასა მეფის ძეს ანტონის, ჩვენსა უწმიდესის სინოდისასა უმოწონებრესი მოხსენებაი“.

ზოდიაქოს ნიშნების უცნაური ექსპოზიცია

ზოდიაქოს ნიშნების ბრინჯაოს გიგანტურ გამოსახულებათა მასშტაბური ექსპოზიცია — Circle of Animal/Zodiac Heads — მალე მსოფლიოს შემოივლის. მისი ავტორია ჩინელი მხატვარი, არქიტექტორი და საზოგადო მოღვაწე აი ვეიუეი. მხატვარს ევროპაში სწორედ ამ სახელით იცნობენ.

პროექტის იდეაც ჩინელ მხატვარს ეკუთვნის. თორმეტივე სკულპტურა ბრინჯაოსგანაა ჩამოსხმული. ცხოველთა თავების გამოსახულებანი, თუ მათ გიგანტურ ზომებსაც გავითვალისწინებთ, შესახედად საკმაოდ საშიშია. განსაკუთრებით ვირთხის, ღორისა და მაიმუნის.

ბრინჯაოს ფიგურები იმპერატორ ციან-ლონგის (1736-1795) ეპოქის ზოდიაქოების გამოსახულებათა თანამედროვე ინტერპრეტაციას წარმოადგენს, რომელიც პეკინში, მის საზაფხულო რეზიდენცია იუანმინ იუანში ამკობდა საათს.

ისტორიული ცნობების თანახმად, იმპერატორის წყლის საათი ზოდიაქოს ნიშნებით ფრანგი სასულიერო პირის, მიშელ ბენუას პროექტის მიხედვით შეიქმნა. ხოლო მისი ბრინჯაოს სამშენისების ავტორი სახელგანთქმული იტალიელი ოსტატი ჯუზეპე კასტილიონეა.

ცნობილია, რომ პეკინის ფრანგულ-ინ-



გლისური ოკუპაციის დროს, 1860 წელს, სასახლის გაპარცვისა და დანგრევის შემდეგ ამ სტატუეტებიდან ბევრი სხვადასხვა ცნობილ მსოფლიო კოლექციაში მოხვდა.

პროექტ Circle of Animal/Zodiac Heads-ის ავტორმა კი, საკუთარი ინტერპრეტაციის მიუხედავად, მსურველებს შესაძლებლობა მისცა, ამ ძეგლზე წარმოდგენა შეიქმნან.

*მომზადებულია artinfo.com-ის
მასალების მიხედვით*






ევროპელ მამაკაცთა ნახევარი ფარაონ ტუტანჰამონის შთამომავალია(?!)

აღმოსავლეთ ევროპის მამაკაცთა ნახევარი და ბრიტანელ მამაკაცთა 70% ეგვიპტის ფარაონ ტუტანჰამონის (რომელიც ეგვიპტეს 3000 წლის წინ მართავდა) მემკვიდრე და შორეული ნათესავია.

ასეთ დასკვნამდე მივიდნენ შვეიცარიის კვლევითი ცენტრის, IGENEA-ს მკვლევრები, რომლებიც გენეტიკის საკითხებზე მუშაობენ. მეცნიერებმა თავიანთი მოსაზრება ამ საკითხზე ფარაონის მუმიფიცირებული სხეულის ნაშთიდან აღებული დნმ-ის ნიმუშების შესწავლის შემდეგ გამოთქვეს.

ახალი ამბების საერთაშორისო სააგენტო „როიტერის“ ინფორმაციით, ასევე გაირკვა, რომ P161a2 ჰაპლოჯგუფს განეკუთვნება ესპანელ მამაკაცთა 70% და ფრანგ მამაკაცთა 60%. ფარაონიც მეცნიერებს ამ ჯგუფში ეგუ-





ეგვიპტის ფარაონ ტუტანჰამონის მსგავსი გენეტიკური ჯგუფი თანამედროვე ეგვიპტელთა მხოლოდ 1%-ში თუ გვხვდება

ლებათ. პოპულაციურ გენეტიკაში, რომელიც კაცობრიობის გენეტიკურ ისტორიას შეისწავლის, ჰაპლოჯგუფი მსგავსი ჰაპლოტიპების ერთობლიობაა, რომლებსაც ადგენენ ქრომოსომების თვისებების შემკვიდრებით გადაცემის მიხედვით.

აღსანიშნავია, რომ ეს ჰაპლოჯგუფი თანამედროვე ეგვიპტელთა მხოლოდ 1%-ში თუ გვხვდება. მეცნიერთა აზრით, ეს მიუთითებს, რომ ფარაონებსა და დღევანდელ ეგვიპტელებს საერთო წინაპარი ჰყავდათ.

წინაპრები კავკასიიდან?...

„საოცარი იყო, რომ ტუტანჰამონის მონათესავე გენეტიკური მასალები თანამედროვე ეგვიპტელებს აღმოაჩნდათ. ეგვიპტეში ხომ მრავალი ჰაპლოჯგუფი არსებობს, რომელსაც შესაძლოა მიეკუთვნებოდეს ძველი ეგვიპტის მეფეების დნმ-ის ნაწილები. ვფიქრობთ, რომ ფარაონისა და

თანამედროვე ეგვიპტელების საერთო წინაპარი კავკასიაში 9,5 ათასი წლის წინ ცხოვრობდა“, — აცხადებს კვლევითი ცენტრის ხელმძღვანელი რომან შოლცი.


მეცნიერთა გათვლებით, P161a2 ჰაპლოჯგუფის გავრცელება თანამედროვე ეგვიპტის ტერიტორიაზე 9000 წლის წინ, სოფლის მეურნეობის განვითარებასთან ერთად დაიწყო.

ამის მიუხედავად, მეცნიერებს უჭირთ პასუხი გასცენ კითხვას, ფარაონის გენეტიკური ზე, მამის მხრიდან, როგორ მოხვდა ძველ ეგვიპტეში.

ახლა გენეტიკოსთა წინაშე დგას ამოცანა: დნმ-ის უფრო ზუსტი ანალიზის შედეგად დაადგინონ ლეგენდარული ფარაონის „უახლოესი ნათესავები“.

მათი კვლევის შედეგებმა პუბლიკის დიდი ყურადღება უკვე მიიპყრო.

მომზადებულია BBC-ის მასალების მიხედვით



ბრინჯაოს ბუდა 9 მილიონ დოლარად ბაიყილა

ჰონგკონგში, Christie's-ის საერთაშორისო აუქციონზე ამითაბჰის (უცვლელი ცხოვრების) ბუდას ბრინჯაოს ქანდაკება 9 მილიონ ამერიკულ დოლარად გაიყიდა. მისი ასაკი 500 წელზე მეტია და მინების დინასტიის იმპერატორის, ჩჰუ ჩჰანცის მმართველობის პერიოდს განეკუთვნება. ეს უკანასკნელი იმპერიას 1425-1453 წლებში მართავდა.

თანხა, რომელიც მყიდველმა ბუდას ქანდაკებაში გადაიხადა, ორჯერ აღემატება აუდიტთა ნაგარაუდებს.

ამითაბჰის ბუდა ლონდონელმა დილერმა რიჩარდ ლიტლტონმა შეიძინა. მისი განცხადებით, ასეთი იშვიათი ეგზემპლარისთვის 9 მილიონი დოლარი სწორედ შესაფერი ფასია. ახალი მფლობელი დარწმუნებულია, რომ ეს მშვენიერი კაპიტალდაბანდებაა.

მომზადებულია Bloomberg-ის მასალების მიხედვით



5000 წლის წინანდელი ხოცხი დანახება აჭახში

ხელვაჩაურის რაიონის სოფელ ჭარნალში, მურვანეთის უბანში შემთხვევით წააწყდნენ ბრინჯაოს ხანის ნამოსახლარს. ძვ.წ. XI-X საუკუნეებით დათარიღებული იარაღების ჩამოსასხმელი ბრინჯაოს მასალა ჭარნალის ხეობაში არქეოლოგებს ადგილობრივებმა გადასცეს. სპეციალისტებმა მურვანეთში სახელოსნოსა

ამირან კახიძე: აღმოჩენილი მასალები მიუთითებს, რომ მაშინ აქ მეტალურგიას კარგად იცნობდნენ



და რკინის საწრთობ ქურასაც მიაკვლიეს. ბათუმის არქეოლოგიური მუზეუმის დირექტორის, ამირან კახიძის განმარტებით, აღმოჩენილ მასალებს შორის უმნიშვნელოვანესია ქვის სამი გობი, რომელშიც ბრინჯაოს ზოდები ეწყობ.

ამირან კახიძე: „მივაკვლიეთ გობებს, ქვაში ამოჭრილს, სადაც ხდებოდა მადნის, კერძოდ სპილენძის დაქუცმაცება. ამას გარდა ადგილობრივმა მოსახლეობამ ბრინჯაოს ზოდიც ნახა, რომელიც მუზეუმს გადმოეცა.“

აღმოჩენილი მასალები მიუთითებს, რომ იმ დროისთვის მეტალურგიას აქ კარგად იცნობდნენ. საგარაუდოდ, ნედლეულის აღება იქვე ახლოს, მურდულის ხეობაში (დღეს თურქეთის სპილენძის წარმოების უმნიშვნელოვანესი ცენტრია) ხდებოდა. ეს ადგილი ბრინჯაოსა და სპილენძის მდიდარი საბადოებით უძველესი დროიდან არის ცნობილი“.

გარდა ამისა, სპეციალისტებმა რომაული ხანის ქვევრი და მასში ჩარჩენილი ყურძნის წიპწები იპოვეს. ყურძნის ჯიშების განსაზღვრაზე სპეციალისტები უკვე მუშაობენ.

ნინო ჯაფარიძე

ჩინური ფაიფურის უდიდესი ბანკი ისტორიაში

ინდონეზიის კუნძულ იავას სანაპიროზე, ჩაძირული გემის ბორტზე, რომელიც XVI საუკუნით თარიღდება, ისტორიაში მინების დინასტიის ფაიფურის ყველაზე მსხვილ პარტიას მიაკვლიეს. ნაპოვნი ტვირთის საერთო ღირებულება დაახლოებით 70 მილიონი ამერიკული დოლარია. განცხადება აღმოჩენის შესახებ პორტუგალიურმა კომპანია Arqueonautas Worldwide-მა გააკეთა.

გამოცემა Business Wire-ი წერს, რომ ჩინური სავაჭრო გემი ვან ლის იმპერატორობის პერიოდში, 1580 წელს ჩაიძირა. მეცნიერებმა მას იავის სანაპიროდან 150 კილომეტრის მოშორებით, 50 მეტრის სიღრმეზე მიაკვლიეს.

კომპანია Arqueonautas Worldwide-ის ხელმძღვანელის, გრაფ ნიკოლას ფონ სანდიხელის განცხადებით, წინასწარი მონაცემებით ბორტზე ფაიფურის 700 ათასამდე ნაკეთობაა. ტვირთის ამოღებას კომპანია უახლოეს თვეებში გეგმავს. სააგენტო „ფრანს პრესის“ მონაცემებით, ჩაძირული ხომალდი 2009 წელს მეტეზუებმა აღმოაჩინეს. ინდონეზიის მთავრობამ კომპანია Arqueonautas Worldwide-ს დახმარებისთვის სწორედ ამის შემდეგ მიმართა.

მარადიურობის ფაქტების თავიდან ასარიდებლად ხომალდს მუდმივი დაცვა მიუჩინეს. „ვან ლის ტვირთის“ აღმოჩენას ინტერნეტში საგანგებო გვერდიც კი მიეძღვნა.

Arqueonautas Worldwide-ი გრაფმა ნიკოლას ფონ სანდიხელიმ 1995 წელს პორტუგალიაში დააფუძნა. კომპანიამ დაარსების დღიდან აფრიკაში, აზიასა და სამხრეთ ამერიკაში 300-მდე ჩაძირულ ხომალდს მიაკვლია.

მოამზადა ნინო ჯაფარიძემ



თალიზი

თმის ბალანსირების კლინიკა

ბაზილიონის ქ.27 ტელ.: 214-15-15

www.talizi.ge



იშხნის
საკათედრო
ტაძარი
ისტორიულ
ტაოში

საბჭოთა კავშირის ტერიტორიული პრეტენზიები თურქეთისადმი 1945-1953 წლებში

1945 წლის მიწურულიდან მოყოლებული მთელი საქართველო მოელოდა, რომ საბჭოთა არმიის ნაწილები თურქეთის რესპუბლიკის საზღვრებს გადალახავდნენ და ისტორიული საქართველოს კუთვნილ მიწა-წყალს კვლავ დედასამშობლოს დაუბრუნებდნენ. ბევრს არც კი ეეჭვებოდა, რომ ეს დიდი ისტორიული მოვლენა სულ ახლო მომავალში მოხდებოდა, იმდენად დიდი პოლიტიკური თუ სამხედრო სამზადისი უძღოდა წინ ე.წ. „თურქეთის საქართველოს“ შემოერთებას.

საბჭოთა კავშირის მთავრობამ საერთაშორისო მოლაპარაკებებზე ეს საკითხი პირველად საგანგებოდ პოტსდამის კონფერენციაზე წამოჭრა.

საბჭოთა კავშირი თურქეთს სთხოვდა არტაანის, ართვინისა და ყარსის ოლქების დათმობასა და 1936 წლის 20 ივნისის მონტრეს ხელშეკრულების პირობების გაუქმებას — ბოსფორის სრუტეში თავისუფალი ნავიგაციის უფლებასა და ასევე, სრუტეში საბჭოთა გემებისთვის სამხედრო-სარემონტო ბაზის შექმნას.

ეს საკითხები საგანგებოდ განიხილეს „დიდი სამეულის“ (საბჭოთა კავშირი, ამერიკის შეერთებული შტატები, ინგლისი) პოტსდამის კონფერენციაზე.

1945 წლის 22 ივლისის სხდომაზე ინგლისის პრემიერ-მინისტრმა უინსტონ ჩერჩილმა განაცხადა: „თავს უფლებას მივცემ გენერალისიმუსის ყურადღება მივაქციო, თუ რამდენად მნიშვნელოვანია, თურქეთი არ შევაშინოთ. თურქეთი უდავოდ შეშფოთებულია საბჭოთა და ბულგარეთის არმიების კონცენტრაციით ბულგარეთში, აგრეთვე საბჭოთა პრესისა და რადიოს გამუდმებული თავდასხმებით. აგრეთვე ელჩის ბატონ მოლოტოვთან მოლაპარაკებით, რომლის დროსაც ნახსენები იყო თურქეთის აღმოსავლეთი საზღვრის ცვლილება და სრუტეში საბჭოთა ბაზა“.

პრემიერის ამ განცხადების შემდეგ იოსებ სტალინმა საგარეო საქმეთა კომისარ ვიახეს-

**ისე დაუბერდი,
ველარ ვნახე ტბეთი, შატბერდი..
ვერც არტანუჯი, ოშკი, ხახული...
გიორგი ლეონიძე**

ლაე მოლოტოვს სთხოვა კონფერენციისთვის მოეხსენებინა საქმის ვითარება.

ოქმში ვკითხულობთ:

„სტალინი: გთხოვთ სიტყვა მივცეთ მოლოტოვს.“

მოლოტოვი: „სრუტეების საკითხზე წერილობით წარმოვადგენთ დოკუმენტს, შესრულებულს რუსულ და ინგლისურ ენებზე. მაგრამ მანამდე განვიმარტავთ საკითხის წინაისტორიას.“

თურქეთის მთავრობის ინიციატივით დადგა საბჭოთა მთავრობასთან სამოკავშირეო ხელშეკრულების დადების საკითხი, ჯერ ანკარაში ჩვენს ელჩთან, ხოლო მაისის ბოლოს თურქეთის ელჩის მეშვეობით მოსკოვში.

ივნისის დასაწყისში ორჯერ ვესაუბრე ელჩ სარფერს. მივეცით თანხმობა ხელშეკრულების დადებაზე, განსაზღვრული პირობით. ჩვენ უნდა მოვავაროთ ურთიერთპრეტენზიები.

ჩვენ გვაქვს ორი საკითხი. სამოკავშირეო ხელშეკრულების დადება გულისხმობს საზღვრის ერთობლივ კონტროლს, მაგრამ ზოგიერთ უბანზე სსრკ-თურქეთის საზღვარს მი-

პოტსდამის კონფერენცია. 1945 წლის ივლისი. უინსტონ ჩერჩილი, ჰარი ტრუმენი, იოსებ სტალინი





სიმონ ჯანაშია

ვიწვევთ უსამართლოდ. მართლაც, 1921 წელს თურქეთმა საბჭოთა საქართველოსა და საბჭოთა სომხეთს ჩამოაჭრა ყარსის, ართვინისა და არდაგანის ოლქები (წარმოადგენს რუკას). ამიტომ განვაცხადე, რომ ხელშეკრულების დასადებად აუცილებელია საკითხის მოგვარება, უნდა დაუბრუნდეთ მათ ეს ტერიტორიები“.

საბჭოთა დელეგაცია მხოლოდ დიპლომატიური მოლაპარაკებებისას არ აყენებდა ამ საკითხს. საზოგადოების სათანადოდ შემზადებისთვის საბჭოთა პროპაგანდამ მძლავრი იდეოლოგიური კამპანია დაიწყო თურქეთის მიერ 1921 წელს მიტაცებული მიწების დასაბრუნებლად. პროპაგანდისტული მანქანა მთელი სიმძლავრით ამუშავდა. ამ საქმეში ჩართული იყვნენ არა მარტო საბჭოთა მეცნიერები და მწერლები, პარტიული და საზოგადო მოღვაწეები, არამედ ქართული და სომხური პოლიტიკური ემიგრაცია, საქართველოსა და სომხეთის ეკლესია. ისტორიული სამართლიანობის აღდგენასა და თურქეთისგან ქართულ-სომხური მიწების დაბრუნებას ყველა ითხოვდა.

საზღვრის გადასინჯვის მოთხოვნით პირველად სომხები გამოვიდნენ. სომხეთის პარ-



ნიკო ბერბენიშვილი

ტიული ელიტა თუ ინტელიგენცია აქტიურად ჩაება ამ კამპანიაში. წამოწყებას მხარი აუბა სომხეთის პოლიტიკურმა ემიგრაციამ. სომეხი ერის მოთხოვნას გამოეხმაურნენ უცხოელი მეცნიერები, მათ შორის გამოირჩეოდა ინგლისელი საზოგადო მოღვაწე, კენტერბერის ტაძრის წინამძღვარი, დოქტორი ჰიულეტ ჯონსონი.

ეს საკითხი დაისვა 1945 წლის ივნისში ენ-შიაძინში გამართულ საეკლესიო კრებაზე. მას ესწრებოდა 111 დელეგატი მსოფლიოს 15 ქვეყნიდან. მოწვეული იყვნენ სომეხთა სათვისტომოების წარმომადგენლები ინგლისიდან, საფრანგეთიდან, აშშ-დან, ინდოეთიდან, ბულგარეთიდან, რუმინეთიდან, სირიიდან და სხვ. საეკლესიო კრებას ესწრებოდნენ კილიკიის კათალიკოსი გარეგინ I, იერუსალიმის პატრიარქი გიურეჟ I, სომხეთის სამოციქულო ეკლესიის ევროპის ეპარქიის მღვდელთმთავარი არტავაზ სიურმეიანი და სხვა მაღალი საეკლესიო იერარქები. ენშიაძინს ეწვია ინგლისის დელეგაციაც ჰიულეტ ჯონსონის ხელმძღვანელობით. 1945 წლის ივნისის მიწურულს ერევანში გამართულ პრესკონფერენციაზე ჰიულეტ ჯონსონმა განაცხადა: „მე მთლიანად და მთელი გულით ვეთანხმები იმას, რომ თურქე-



1945 წლის გაზეთ „კომუნისტი“ 14 დეკემბრის ნომერი, რომელშიც დაიბეჭდა სიმონ ჯანაშიასა და ნიკო ბერძენიშვილის განმარტებული სტატია



თის მიერ მიტაცებული ტერიტორიები რაც შეიძლება მალე უნდა დაუბრუნდეს სომხებს“.

1945 წლის ოქტომბრის დასაწყისში ამერიკის შეერთებულ შტატებში არსებულმა სომხურმა ორგანიზაციებმა საგარეო საქმეთა მინისტრთა ლონდონის საბჭოს გაუგზავნეს წერილი, რომელშიც ითხოვდნენ საბჭოთა სომხეთისთვის დაებრუნებინათ ყველა სომხური ტერიტორია, რომელიც თურქეთის შემადგენლობაში შედიოდა.

თურქეთის მიერ მიტაცებული მიწა-წყლის დაბრუნების კამპანიაში 1945 წლის დეკემბრიდან აქტიურად ჩაერთო ქართული მხარეც.

სიმონ ჯანაშიასა და ნიკო ბერძენიშვილის საგაზეთო სტატია — „თურქეთისადმი ჩვენი კანონიერი პრეტენზიების შესახებ“, საქართველოში ამ კამპანიის დასაწყისი იყო. გაზეთ „კომუნისტი“ 1945 წლის 14 დეკემბერს ამ

სტატიის გამოქვეყნებიდან მალევე, იგი რუსულად ითარგმნა და უკვე 20 დეკემბერს საკავშირო პრესაში დაიბეჭდა (გაზეთ „პრავდასა“ და „იზევსტიაში“), 22 დეკემბერს კი იგი გადაბეჭდა უკრაინის წამყვანმა გაზეთმა „პრავდა უკრაინი“.

მიუხედავად სიმონ ჯანაშიასა და ნიკო ბერძენიშვილის ტიტულებისა, არ შეეცდებოდა ვიტყვი, რომ ეს სტატია აბსოლუტურად პოლიტიკური დაკვეთით მომზადდა და არავითარ შემთხვევაში არ უნდა მივიჩნიოთ ქართველ ისტორიკოსთა ინიციატივად. ეს კარგად იცოდნენ ევროპისა და აშშ-ის პოლიტიკურმა წრეებმა და ამიტომაც საკავშირო პრესაში გამოქვეყნებისთანავე სტატია უცხოურმა გაზეთებმაც გადაბეჭდეს.

სიმონ ჯანაშიასა და ნიკო ბერძენიშვილის სტატიას მოჰყვა არნოლდ ჩიქობავას, დავით ზავრივეის, ექვთიმე თაყაიშვილისა და სხვათა პუბლიკაციები. ამ კამპანიაში ჩაერთო საქართველოს კათალიკოს-პატრიარქი კალისტრატე (ცინცაძე) და ამიერკავკასიის მუსლიმთა სასულიერო სამმართველოს წევრი, აჭარის ყადი რასიხ ბერიძე.

თურქეთისადმი ტერიტორიული პრეტენზიების საკითხი უმაღლეს პარტიულ შეკრებებზეც არაერთხელ დასმულა. მასზე ღიად საუბრობდნენ საქართველოს კომუნისტური პარტიის ლიდერები. საბჭოთა საქართველოს 25 წლისთავისადმი მიძღვნილ მოხსენებაში კანდიდ ჩარკვიანი აღნიშნავდა: „ქართველი ხალხი რესპუბლიკაში საბჭოთა ხელისუფლების



20 დეკემბერს ს.ჯანაშიასა და ნ.ბერძენიშვილის სტატია „პრავდამ“ გადაბეჭდა





ირაკლი აბაშიძე

დამყარების 25 წლისთავს ეგებება დიდი სასიხარულო მიღწევებით, რომლებმაც მიგვიყვანეს საქართველოს სახელმწიფოებრიობის საბოლოო განმტკიცებამდე სოციალისტური საზოგადოებრივი წყობილების გამარჯვების საფუძველზე.

მაგრამ ჯერ კიდევ არ განხორციელებულა ქართველი ხალხის საუკუნეობრივი ოცნება: საქართველოს ტერიტორიული მთლიანობის აღდგენა. მის საზღვრებს გარეთ ჯერ კიდევ რჩება ოდითვე ქართული მიწა-წყალი: არტაანის (არდაგანის), ართვინის, ოლთისის, თორთუმის, ბაიბურთის, ისპირის, გიუმისხანეს, ლაზისტანის რაიონები. ამიტომ გასაგებია ქართველი საბჭოთა საზოგადოებრიობის დაჟინებითი მოთხოვნები იმის შესახებ, რომ საქართველოს დაუბრუნდეს ჩვენი სამშობლოსგან მოწყვეტილი ტერიტორიები, რომლებიც ქართველი ხალხის კულტურისა და სახელმწიფოებრიობის აკვანს წარმოადგენდა“.

ლამა ბაქრაძე თავის საინტერესო სტატი-აში „ოცნება ტრაპიზონის ოლქოში“, თურქეთი-საქართველო: 1945/1946“ აღნიშნავს, რომ საქართველოს ცეკას ამ პერიოდისთვის ჯერ შემოუერთებელ ტერიტორიებზე პარტიული უჯრედების ჩამოყალიბების თადარიგი დაუჭერია. შესაბამის კანდიდატებს წინასწარ ამზადებდნენ ართვინის, არტაანის, ტრაპიზო-

ნის მხარეების რაიკომის მდივნებად. როგორც ჩანს, გრიგოლ აბაშიძის ლექსს, „ოცნება ტრაპიზონის ოლქოში“, რეალური საფუძველი ჰქონდა:

გზის გასწვრივ დგანან ალევები მწკრივად,
თუთრად გაჰკვრია ზეცას ღრუბლები...
მე ტრაპიზონის ოლქოში ვზივარ,
ოლქოში მდივანს ვესაუბრები...
წუხელ გვიანდამ ჰქონდა თათბირი,
დღეს რაიონი თვითონ არკვია...
რეკავს თბილისი და პირდაპირი
ხაზით მდივანი უსმენს ჩარკვიანს.

1946 წლის შუა ხანებიდან პროპაგანდისტული კამპანია თანდათან შენედა. ცენტრალურ პრესაში უკვე აღარ იბეჭდებოდა მკვეთრი სტატიები, მაგრამ, მიუხედავად ამისა, თურქეთის შემადგენლობაში არსებული ქართული მიწების შემოერთების საკითხი ამის შემდეგაც არ მოხსნილა. პერიოდული გამოცემებიდან ძირითადად გაზეთი „საბჭოთა აჭარა“ აქტიურობდა. ქართველი მწერლებიდან ირაკლი აბაშიძემ, გიორგი ლეონიძემ, გრიგოლ აბაშიძემ, ილო მოსაშვილმა და სხვებმა არაერთი ნაწარმოები უძღვნეს ამ პრობლემას.

ირაკლი აბაშიძემ ქართველ პოეტთაგან პირველმა 1945 წლის დეკემბერში ქართველი ერის საუკუნოვანი ოცნება ლექსად გამოხატა. „რა დაგავიწყებს...“ გაზეთ „კომუნისტში“ დაიბეჭდა 28 დეკემბერს, რასიხ ბერიძის სტატიასთან ერთად. პოეტი ქართველ ხალხს მოუწოდებდა:

გიორგი ლეონიძე





იქ არის შენი აკენის გამთლელი,
შენი დაშლილი ოდა-სართული;
ქართველო, სანამ გქვიან ქართველი,
გეძახის შენი მიწა ქართული.

1946 წლის 16 ივნისს გაზეთი „კომუნისტი“
აქვეყნებს დუტუ მგერელის „ოლთისის ციხეს“:

ვით მგლოვიარე მიჯნურსა
იზიდავს სატრფოს სამარე,
რომ მოგონებით წარსულის
დაიტკბოს აწყო მან მწარე;
აგრევე აქ გადმოტყორცნილს
მოკლებულს შშობელს მხარესა,
ძველი ძველ საქართველოსაჲ,
იზიდავ სულს მწუხარესა.
როს უცხოთ შორის მარტოდ მყოფს,
გულს სევდა შემომაწვება,
რომ მცირედ არის მაინცა,
მივცე საბრალო თავს შეება,
მოვრბივარ... შენს ნანგრევებზე
ვისვენებ დაღონებული
და დროთ სივრცეში მიმოფრენ,
ოცნებით გატაცებული!
ვიგონებ იმ დროს, როდესაც
შენ იდექ მტკიცე, ძლიერი
და შენში მედგრად ხედებოდა
მოსულის მტერს ქართველი ერი.
და შორს, შორს, ძვირფას მამულში
მიმაფრენს ეს მოგონება
და გული მიძგერს სიამით,
სანამ არ ქრება ოცნება!..

ამავე პერიოდში დაიწერა გიორგი ლეო-
ნიძის „მესხეთი“. მოკლე ხანში ეს ლექსი რამ-
დენიმე თაობის უსაყვარლეს პოეტურ ქმნი-
ლებად იქცა:

ისე დაებერდი,
ველარ ვნახე ტბეთი, შატბერდი..
ვერც არტანუჯი, ოშკი, ხაზული...

...ბუმბერაზები, გოლიათები,
გორგასლანიდან, ვიდრე ჩვენამდის,
ყველა ფეხზეა, ერთი გაფრენით,
რომ შენთან გაჩნდეს მტრის გაჩენამდის!..

1948 წელს გაზეთების „საბჭოთა აჭარი-
სა“ და „ახალგაზრდა კომუნისტის“ ფურ-
ცლებზე დაბეჭდილ ნაწარმოებებში დახატუ-
ლია თურქეთში მცხოვრებ ქართველთა მძი-
მე მდგომარეობა. ვარლამ ჟურული თავის
ლექსში „მიტაცებულ მიწაზე“ გულნაკლუ-
ლი აღნიშნავს:

ტაო-კლარჯეთში კენესის ნიაგი,
ცრემლის გუბეა ფრმათა აკვანთან.
გმინავს ჭანეთი თურქთა სიაუით,
შფოთავენ ძვლები მამა-პაპათა.

ალიო ადამიას ლექსი „ლაზური ბალადა“
გამსჭვალულია თურქეთისადმი სიძულვილით.
ასეთი საზოგადოებრივი აზრის ფორმირება
ამ კამპანიის ერთ-ერთი შემადგენელი ნაწი-
ლი იყო:

... — იყო, არ არის, ვაჟკაცო,
სარფი — სოფელი ლაზური!
დამით, სულ მოულოდნელად,
როგორც ქურდი და ლაჩარი,
თურქთა ჯარები დაგვესხნენ
და გულში დაგვეცეს ლაზვარი...
აი, შეხედე, იქ არის
დედაშვილობის გამყოფი
უსწორმასწორო საზღვარი!

ასეთივე პათოსითაა დაწერილი ნესტორ
მალაზონიას ლექსი „ქორწილი“:

შინ არ დარჩა ახალგაზრდა,
მოხუცი და ხანშესული,
მტრის საჟღერად ყველა აღდგა
სატყვარ და ხმალასხმული...
მაგრამ მტერმა ეს სოფლები
გადაწვა და გადათქერა,
დააცილა მეზობლები,
გაუცია მრავალს კერა...

ან:

მაყრად აწვიეთ მესხეთი —
ტბეთიდან არზრუმს გასვლამდე,
უარს ვერ იტყვის ვერც ერთი
ართვინ — არტანუჯ — ყარსამდე...

1948 წელს დაიწერა და უკვე 1949 წლიდან
რუსთაველის თეატრის სცენაზე დაიდგა ილო მო-
საშვილის „ჩაძირული ქვები“. ამ სპექტაკლს დი-
დი წარმატება ხვდა. პიესის ერთ-ერთი მთავარი
გმირი, ყოფილი მასწავლებელი, ტომით ქართვე-
ლი ბეჟან-აღა ახალგაზრდებს მიმართავს: „ოს-



გიორგი
აბაშიძე

მალებსა და მათს დღევანდელ ბატონებს — ამე-
რიკელ სოფდაგრებს კი უნდათ ჩვენი გულიდან
სამუდამოდ ამოშალონ სამშობლოს სიყვარუ-
ლი... მათ სწადათ დაგვაფიწყონ ჩვენი ქართუ-
ლი დედაენა, რომ პირუტყვეებს დაგვაგამსგავსონ
და უფრო ადვილად იბატონონ ჩვენზე!.. მათ უნ-
დათ ჩვენს შვილებსა და მამებს თოფი მისცენ
ხელში და თავისუფლების დიდ ქვეყანას მიუხი-
ონ, სადაც ძმები ქართველები სხვა ტომის ხალ-
ხთან ერთად ბედნიერი ცხოვრებით სტკბებიან...
ზომ გაიგონეთ, ჩემო შვეარდნებო?..“

ამავე პერიოდში გამოდის გრიგოლ აბაში-
ძის ლექსების კრებული „სამხრეთ საზღვარზე“. ეს
წიგნი მოკლე ხანში პოპულარული გახდა
მთელ საქართველოში. მასში შვეიდა ავტორის
ის პოეტური ქმნილებები, რომლებიც თურქე-
თის სახელმწიფოს საზღვრებში მოქცეული
ქართული ტერიტორიების ბედ-იღბალს ეხებო-
და. ლექსებში „ტაო“, „რაც ჩვენს მეზობლად
დასახლდა თურქი“, „ოცნება ტრაპიზონის ოლ-
ქკოშზე“ პოეტი გამოთქვამს იმედს, რომ ახ-
ლო მომავალში საბჭოთა სახელმწიფო იზრუ-
ნებს ამ ტერიტორიების დაბრუნებაზე:

შენი ხანძთა, შენი ტბეთი,
როდის აღსდგეს იავარო,
როდის იქნეს შენი ბედი
ჩვენს სადროშოს მიაბარო!
(„ტაო“)

„როცა თურქთაგან ასჯერ გათულილ
ტაოს გამოსხნას ტაშით ახარებს,
ჩემი თაობის გმირი ქართველი —
ჩვენი წარსულის ბაირახტარებს“.
(„რაც ჩვენს მეზობლად დასახლდა თურქი“)

1951 წელს ილო მოსაშვილს პიესისათვის
„ჩაძირული ქვები“ და გრიგოლ აბაშიძეს, ლექ-
სების ციკლისთვის „სამხრეთ საზღვრებზე“ და
„სამგორის ველზე“, მიენიჭათ საბჭოთა კავ-
შირის სახელმწიფო პრემია.

* * *

მსოფლიო დიპლომატია აქტიურად ამოქ-
მედდა საბჭოთა კავშირის წინააღმდეგ. ბოლოს
და ბოლოს იოსებ სტალინი იძულებული გახ-
და, თურქეთისადმი საბჭოთა კავშირის ტერი-
ტორიულ პრეტენზიებზე უარი ეთქვა და ამ მი-
წების შემოფერებებზე ხელი აეღო. ამით საქარ-
თველომ საბოლოოდ დაკარგა ტაო-კლარჯე-
თის, კოლა-არტაანისა და ლაზეთ-ჭანეთის დაბ-
რუნების შანსი. აღსანიშნავია, რომ თურქეთის



რესპუბლიკამ ამ მოვლენების შემდეგ თითქმის მთელი XX საუკუნის მეორე ნახევრის განმავლობაში მოახერხა საფუძვლიანად შეეცვალა ამ პროექციების დემოგრაფიული სურათი. ქართველთა დიდი ნაწილი თურქეთის შიდა პროვინციებში გადაასახლეს. ესეც ჩვენი ერის უახლესი ისტორიის დიდი ტრაგედია იყო.

1953 წლის 30 მაისს საბჭოთა კავშირის მთავრობამ ოფიციალურ დონეზე და საბოლო-

ოდ უარი თქვა ქართულ-სომხური მიწების დაბრუნებაზე. თურქეთის რესპუბლიკის მთავრობისადმი მიმართვაში აღნიშნული იყო, რომ კეთილმეზობლური ურთიერთობის შენარჩუნებისა და მშვიდობის განმტკიცების მიზნით, საბჭოთა საქართველო და სომხეთი უარს ამბობენ თურქეთისადმი თავიანთ ტერიტორიულ პრეტენზიებზე.

ჯაბა სამუშია

კათოლიკოს-პატრიარქი კალისტრატე ტაო-ხცხეთის შამოხთაბის შესახებ



სრულიად საქართველოს კათოლიკოს-პატრიარქი კალისტრატე ცინცაძე

ეს წერილი 1946 წლის 5 იანვარს დაიწერა, მისი ავტორი სრულიად საქართველოს კათოლიკოს-პატრიარქი კალისტრატე გახლავთ. წერილი იმ დროისთვის „ქართული საბჭოთა პრესის ფლაგმანად“ წოდებულ გაზეთ „კომუნისტში“ გამოქვეყნდა, რაც იმას ნიშნავდა, რომ მას მთელი საქართველო წაიკითხავდა. სხვათა შორის, ეს ის პერიოდი, როცა მეორე მსოფლიო ომი ახალი დასრულებულია, როცა გამძაფრებულია საკუთარი ტერიტორიების დაცვისა და პატრიოტიზმის გრძნობა, აგრეთვე, გამარჯვებული დიდი ქვეყნის ძლევაში მონაწილეობის განცდა. სწორედ ამ დროს წამოჭრა საბჭოთა კავშირის მთავრობამ ქართველებისა და სომხების ისტორიული მიწა-წყლის დაბრუნების საკითხი, გაიშალა საინფორმაციო კამპანია, გამოქვეყნდა არაერთი პუბლიკაცია, რომელთა შორის იყო კათოლიკოს-პატრიარქ კალისტრატეს წერილი.

წერილი რედაქციის მიმართ

პატივცემულო რედაქტორო!

გთხოვთ მომცეთ საშუალება გაზეთ „კომუნისტში“ ამ მოწოდების გამოქვეყნებით ჩემი და მთელი ჩემი სამწყსოს ხმა შევეუერთო ქართველი ერის სამართლიან მოთხოვნას, რომელიც წამოყენებული იყო თურქეთის მიმართ პატივცემული მეცნიერების — სიმონ ჯანაშიასა და ნიკო ბერძენიშვილის წერილში (იხ. „კომუნისტი“ №24, 14.XII.1945 წ.).

XV საუკუნეში მაჰმადიანურმა ოსმალეთმა ქრისტიანულ მსოფლიოს გულზე ფეხი დაადგა: სახელოვანი კონსტანტინოპოლი დაიპყრო და კულტურული ახლო აღმოსავლეთის

სიამაყის — ბიზანტიის სახელმწიფოს არსებობა სამუდამოდ შეწყვიტა.

იუსტინიანე კეისრის დროის გენიალურ ქმნილებაზე — წმინდა სოფიის ტაძარზე, დაპყრობილ ქრისტიანეთა სისხლით მოსვრილი ხელის ანაბეჭდი — გამომხატველი გამარჯვებული ხონთქარის მიერ ქრისტიანული ტაძრის მაჰმადიანურ მიზგითად გადაქცევისა, მომასწავებელი რამ იყო ოსმალთა პოლიტიკისა მათ მიერ დაპყრობილ ქრისტიანულ ქვეყნებში.

საქართველოს სამხრეთ-დასავლეთით ბნელი უკუნეთი ჩამოწვა, ჩვენს ქვეყანას ოსმალეთი გაუმეზობლდა. შეწყდა მრავალსაუკუნოვანი ცხოველი ურთიერთობა ქართველებისა

დასავლეთის განათლებულ ხალხებთან.

ოსმალეთი ყოველთვის შორს იდგა მეზობლებთან მშვიდობიანი კულტურული ურთიერთობისაგან. ეს აგრესიული ბუნების სახელმწიფო ყველა მეზობელს თავს ესხმოდა და გლეჯდა, ვიდრე სამისო ღონე მოსდევდა.

ამ დროიდან მოკიდებული საქართველოს სამხრეთ-დასავლეთის მხრიდან ზავი არა ჰქონია. ოსმალეთი უჩვეულო სიკუთხით ცდილობდა საქართველოს დაპყრობას ცეცხლითა და მახვილით, მაგრამ ქართველები შეუწყებელი მხნეობით თავს იცავდნენ.

300 წელს გრძელდებოდა უსწორო ბრძოლა.

მოძალადე მტაცებელმა განაზრახი ვერ შეისრულა, ქართველთა სიმტკიცე ვერ გასტეხა და საქართველო მთლიანად ხელთ ვერ იგდო. დამპყრობელს მწარედ მოაგონდება ბასიანი, ბათომი, გორი, ასპინძა, ზეკარი, ხრესილი, ჩხერის ციხე და არაერთი სხვა ადგილი — მოწმე ქართველთა მამაცური შებმისა და მომხდურის დამარცხება-უკუქცევისა.

მაგრამ უზარმაზარ მტერთან ბრძოლაში მეტად დაზიანდა ქართველი ხალხი. ოსმალეთმა თანდათან მიიტაცა საქართველოს სამხრეთით და სამხრეთ-დასავლეთით ვრცელი მიწა-წყალი: ჭანეთი, ბეიბურთ-გიუმიშხანე, თორთუმი და სპერი, შავშეთ-კლარჯეთი, ტაო-ბასიანი, კოლა-არტაანი და სამცხე.

არც ერთ დამპყრობელს შუა საუკუნეებში კულტურული ახლო აღმოსავლეთისთვის ისეთი ზიანი არ მიუყენებია, როგორც მას ოსმალეთმა მიაყენა. ბიზანტია-საბერძნეთი, რუ-

მინეთი, ბულგარეთი, სერბია, ალბანეთი, სომხეთი, საქართველო და მრავალი სხვა კულტურული ქვეყანა, ქრისტიანული თუ მაჰმადიანური, შეიქმნა მსხვერპლი ოსმალური მიმტაცებლობისა და მისი ბარბაროსული მოძალადეობისა.

შეუძლებელია სიტყვით გამოითქვას ის უსამართლობა, რომელიც გადაიტანა ხონთქრის საბრძანებელში მოყოლილმა ქართველობამ ოსმალ დამპყრობელთაგან. ფიზიკური ძალადობა, მორალური შეგინება ოსმალთა ბატონობის მთავარი იარაღი იყო.

ოსმალეთმა შეუძლებელი გახადა მის მიერ მიტაცებული ქართული ოლქების შემდგომი განვითარება. ბარბაროსული თურქული ფეოდალიზმი სულშემსუთავ ძალად დააწვა შეუდარებლად უფრო წინ მდგომ ქართულ საზოგადოებრივ წყობილებას დაპყრობილ ოლქებში. დამახასიათებელია, რომ ქართულმა საზოგადოებრივმა აზროვნებამ დამპყრობელთა მიერ შემოღებულ წესებს, ყოვლად უცხოს და შეუფერებელს ქართული ცხოვრებისათვის, უწოდა ოსმალთა, რომელიც უსამართლობის სინონიმად გადაიქცა.

წინსვლა შეჩერდა და ქვეყანა თანდათან უკან წავიდა. ქრისტიანობა, ეროვნული კანონები და ქართული ენა ცეცხლითა და მახვილით იღვენებოდა. ოდესმე აყვავებულს ქვეყანაში უკულტურობამ დაისადგურა. სასოებით და სიყვარულით ნაგები ტაძრები, ხელოვნების შესანიშნავი ძეგლები თანდათან დაიცა-ლა, დაყრუვდა. თანდათან გაქრა ბანას თუ ხა-



სრულიად საქართველოს კათოლიკოს-პატრიარქის, კალისტრატე ცინცაძის წერილი, რომელიც 1946 წლის 5 იანვარს გამოქვეყნდა გაზეთ „კომუნისტი“





ხულს ოპიზართა მიერ ნაჭედი წმინდა ხატები, წყაროსთავს მოხატული საღვთო წიგნები, შატბერდს ნათქვამი სიბრძნე, ოშკს შეთხზული საგალობლები. მათი დიდი უმრავლესობა დაიღუპა, ნაწილი სასოებით გადამალეს შევიწროებულმა მლოცველებმა, ნაწილიც თან წაიღეს გაჯოჯოხეთებული სამშობლოდან ლტოლვილებმა.

დამპყრობელთა ბარბაროსულმა მმართველობამ ხალხი გააღატაკა; მოსახლეობის რიცხვი კატასტროფულად შემცირდა, ქვეყანა გავერანდა. ოსმალური მმართველობის ჩამორჩენილობის მჭევრმეტყველური ნიშანია, რომ მას შემდეგ, რაც სამხრეთ-დასავლეთ საქართველოს ეს დამპყრობელი დაეპატრონა, იქ მოიშალა და მოისპო ოდესმე აყვავებული საქალაქო ცხოვრება, ინტენსიური სასოფლო

მეურნეობა, ჩაქრა განათლების კერა, შეწყდა ყოველგვარი მშენებლობა. მთელს ამ ვრცელ ტერიტორიაზე, რომელიც საესეა ქართველობის დროის დიდებული არქიტექტურული ძეგლებით (რამდენადაც ისინი ჯერ კიდევ არ გაუნადგურებიათ ისტორიისა და მეცნიერების წინაშე პირშავ ბარბაროსებს), არც ერთი სასახლე, არც ერთი ტაძარი, არც ერთი ქარვასლა, არც ერთი ხიდი და არც სხვა რამ ამუნებულა, რამდენადმე ღირსშესანიშნავი, არ აგებულა ოსმალთა ბატონობის დროს.

ხალხის სასიცოცხლო ძალების პარაზიტული გამოწოვით ოსმალურმა მმართველობამ დაპყრობილ ქართულ ქვეყნებში დაახლო განვითარებისა და შემოქმედების ყოველგვარი გზა.

ზემოთ თქმულში დასარწმუნებლად საკ-



**ხახლის
ტაძარი.
დეტალი**

მათა ერთიმეორეს შევადართო დღევანდელი საქართველოს ორი ნაწილი: საქართველო ოსმალეთის ბატონობის ქვეშ მყოფი და საქართველო თავისუფალი. განუზომელია ჩამორჩენა სამხრეთ-დასავლეთი ნაწილისა და მწარე კაემნის მომგვრელია ბედის უკუღმართობა: ისტორიულ საქართველოს დიდი კულტურული აღმავლობის ხანაში, IX-XII საუკუნეებში, და შემდეგ, ვიდრე ოსმალთა მიერ მიტაცებამდე, საქართველოს სწორედ ეს ნაწილი იყო ჭეშმარიტი აკანა და საძირკველი მთელი ჩვენი ხალხის სულიერი თუ ნივთიერი კულტურისა.

დიდი ოქტომბრის რევოლუციის შედეგად საბჭოთა ხალხებთან განუყრელ ძმურ კავშირში აღდგა თავისუფალი ქართველი ერი. გასაგებია, რომ საუკუნო ზრუნვის საგანი — მტრის-

გან ძალად მიტაცებული ქართული მიწა-წყლისა და დაჩაგრულ-შეგინებული ღვიძლი ძმების დედასამშობლოსათვის დაბრუნება — გარდაუვალ ამოცანად დაისვა მის წინაშე.

ქართული მართლმადიდებელთა ეკლესია ისტორიულად ყოველთვის ეროვნული მთლიანობისა და დამოუკიდებლობის მატარებელი და მქადაგებელი იყო. ჩვენი ეკლესია ამასთანავე სხვა სარწმუნოების მიმდევართა მიმართ ყოველთვის ღმობიერებით და მოთმინებით განირჩეოდა. მით უმეტეს ეს ითქმის იმ ქართველების, ჩვენი ღვიძლი ძმების მიმართ, რომელთაც მრავალსაუკუნოვანი ძალადობის შედეგად ისლამის სარწმუნოება მიიღეს.

ქართულ ეკლესიას არ ჰქონია და არც არასდროს ექნება განზრახვა სამხრეთ საქართველოს რაიონებში ქრისტიანობის აღდგენაზე იფიქროს. ხოლო რაც შეეხება საბჭოთა ხელისუფლებას, ყველასათვის ცნობილია მისი დამოკიდებულება სარწმუნოების საკითხისადმი: ჩვენი კონსტიტუციით გარანტირებულია სინდისისა და რწმუნის თავისუფლება — ყველას შეუძლია ირწმუნოს და ილოცოს ისე, როგორც თვითონ სურს.

დღეს ისტორიული უსამართლობის გასწორების ჟამია. თავისუფლებისმოყვარე ხალხებმა სამუდამოდ დაამარცხეს მძლავრობა-მიტაცებლობის კერა — ფაშისტური გერმანია და მისი მოკავშირენი.

ქართველმა ხალხმა თავდადებული ბრძოლით მნიშვნელოვანი წვლილი შეიტანა ბოროტ ძალთა განადგურების ამ საერთო საქმეში და უდავო უფლებაც მოიპოვა მოითხოვოს ისტორიული უსამართლობის გასწორება — საქართველოს ეროვნულ-ტერიტორიული გაერთიანება.

თავისუფალ ერთა გაერთიანების წევრმა ოსმალეთმა საქართველოს უნდა დაუბრუნოს ქართული მიწა-წყალი: რაიონები არტაანისა, ართვინისა, ოლთისისა, თორთუმისა, ისპირისა, ბაიბურთისა, გიუმშიშხანესი და ლაზისტანკანეთი ტრაპიზონისა და გირესუნის ჩათვლით.

მე მივმართავ გაერთიანებულ ერთა ხელმძღვანელებს, მსოფლიო მოწინავე საზოგადოებრიობას და მოვუწოდებ მათ, მხარი დაუჭირონ ისტორიული სამართლიანობის აღდგენის ამ წმინდა საქმეს.

**კალისტრატო,
სრულიად საქართველოს
კათოლიკოს-პატრიარქი,
1946 წლის იანვრის 5**

თურქების მიერ მიტაცებული ქართველთა მკვიდრი მიწა-წყლის უსასახებო

აკადემიკოსი სერგი ჯიქია. 1946 წ.
(სტილი დაცულია)



თურქთა მომთაბარე ტომი, ისტორიაში ცნობილი ოსმალო თურქთა სახელწოდებით, აღმოსავლეთიდან მოვიდა და შეცვალა სელჯუკი თურქები, რომელნიც თავის მხრივ პირველად XI საუკუნეში გამოჩნდნენ მცირე აზიაში. ეს ტომი საქართველოში შემოჭრას იწყებს XV საუკუნიდან.

საქართველოს მაშინ კიდევ ვერ მოესწრო წელში გამართულიყო მონღოლების გამანადგურებელ შემოსევათა შემდეგ და დასუსტებული იყო შინაგანი პოლიტიკური არეულობის გამო. ამიტომ ხანგრძლივი და სისხლის მღვრელი ომების შედეგად ოსმალო თურქებმა შეძლეს თავიანთი ჭარბი ძალებით XVI საუკუნის მეორე ნახევარში ხელში ჩაეგდოთ სამხრეთი საქართველო და იქ დაპყრობილი ქვეყნის მმართველობის მკაცრი რეჟიმი დაამყარეს.

საქართველოს ამ ნაწილის ხელში ჩაგდების მომენტიდან თურქები შეუდგნენ ქართველთა მთელი ეროვნული ყოფის მეთოდურად აღმოფხვრას მოსახლეობის გათურქებისა და ქრისტიანული კულტურის მოწინავე ქვეყანაში ისლამის რელიგიის ძალდატანებით დაწერვის გზით. თურქები ნახევრად ველურ მომთაბარეთა მორალით ხელმძღვანელობდნენ და თავიანთ განზრახვათა განსახორციელებლად არაერთარ საშუალებას არ ერიდებოდნენ. თურამდენად მკაცრი იყო ეს ღონისძიებანი, ამა-

ზე შეგვიძლია წარმოდგენა ვიქინიოთ იმის მიხედვით, რომ საქართველოს დაპყრობილი ოლქების მრავალი მცხოვრები, მშობლიურ წრეს მოწყვეტილი, მასობრივად გარბოდა დასავლეთ და აღმოსავლეთ საქართველოში, რათა „თავი ეხსნათ თურქების მიერ ფანატიკური დევნისაგან“ (დიმიტრი ბაქრაძე, არქეოლოგიური მოგზაურობა გურიასა და აჭარაში, გვ. 119) და შეძლებისდაგვარად გადაერჩინათ თავიანთი კულტურის ძეგლები (ხელნაწერები, ხელოვნების საგნები და სხვ.). ცნო-

**შეშეთის ხედი
6060 ბაქეძის ფოტოგრაფია**



ბილია, მაგალითად, რომ სამცხის ზარზმის მონასტრიდან პატრიოტთა ჯგუფმა თავისი მშობლიური მხარე მიატოვა, თან წაიღო ეროვნული კულტურის ძეგლები და თავშესაფარი პოვა გურიაში, შემოქმედის მონასტერში (დიმიტრი ბაქრაძე, იქვე).

ამ მკაცრ პოლიტიკას, რომელსაც ოსმალთა ხელისუფალნი მხარის გასათურებლად და გასამაჰმადიანებლად ახორციელებდნენ, მოწმობს ის უცილობელი მონაცემებიც, რომლებსაც შეიცავს საქართველოს სსრ მეცნიე-

რებათა აკადემიის მიერ გამოცემული „საქართველოს ვილაიეთის ვრცელი დავთარი“. ეს ოფიციალური თურქული დოკუმენტი თურქ ხელისუფალთა წარმომადგენლების მიერ არის შედგენილი საქართველოს ახალდაპყრობილი ნაწილისათვის და ამიტომ წარმოადგენს ობიექტურ წყაროს, საიდანაც შეიძლება ამოღებულ იქნას თურქეთის პოლიტიკის დამახასიათებელი მასალები; დასახლებული პუნქტების ჩამოთვლასთან ერთად იგი შეიცავს აგრეთვე იმ სოფლების გრძელ სიებს, რომლებიც შიშით შეპყრობილ ქართველ მოსახლეობას მიუტოვებია. ეჭვგარეშეა, რომ ეს, „დავთარის“ მიხედვით „მოსახლეობისგან თავისუფალი სოფლები“ იმ ქართველ პატრიოტთა საცხოვრებელი ადგილები იყო, რომლებმაც, ამაყობდნენ რა თავიანთი მრავალსაუკუნოვანი კულტურით, ნახევრად ველურ მომთაბარეებს თავი აბუჩად არ ააგდებინეს. მიუხედავად უდიდესი მატერიალური და მორალური მსხვერპლისა, თავიანთი მშობლიური ადგილები დატოვეს და საქართველოს სხვადასხვა რაიონში გადასახლდნენ. ამ გადასახლების მასშტაბს თუნდაც ის ფაქტი მოწმობს, რომ „მცხოვრებთაგან თავისუფალი სოფლების“ რიცხვი საქართველოს მართლ იმ ნაწილში, რომელიც „დავთარშია“ შეტანილი, 300-ს აღწევს!

იმ ძალადობას, რასაც თურქები დაპყრობილ მხარეში ჩადიოდნენ, აღნიშნავს XVIII საუკუნის ცნობილი მეცნიერი ვახუშტი ბაგრატიონიც, როცა ამბობს, რომ დაპყრობილი მხარის წარჩინებულ ქართველთა წოდება თურქულ ენაზე გადავიდა, „დამჭირნეობისათვის ოსმალთა“ (იხ. ვახუშტი, „აღწერა სამეფოსა საქართველოსა“, გვ. 131).



აკადემიკოს სერგი ჯიქიას სტატია ვახუთი „კომუნისტში“ 1946 წლის 29 იანვარს გამოქვეყნდა



მაგრამ თურქი ხელისუფალნი პირდაპირი რეპრესიების გარდა, რასაც ქართველი მოსახლეობა სასოწარკვეთილებამდე მიჰყავდა, მიმართავდნენ არაპირდაპირი ზემოქმედების ზომებსაც იმისათვის, რომ დაპყრობილი მოსახლეობა იძულებული გაეხადათ ხელი აეღო თავის საუკუნეობრივ ეროვნულ ტრადიციებზე. ეს იყო ეკონომიკური ზეგავლენა, რაც გამოიხატებოდა აუტანელი გადასახადების შეწერით, რომლებითაც სპეციალურად დაბევრეს არამუსლიმანი მოსახლეობა. იმავე „დავთარში“ არის მასალები, რომლებიც ახასიათებენ ხალხის ჩაგვრის ამ ხერხს. „დავთარის“ მიხედვით, მრავალ სხვა გადასახადს გარდა, არამუსლიმანი, ამ შემთხვევაში ქართველი მოსახლეობა, იხდის კომლობრივ გადასახადს, ეგრეთ წოდებულ „ისფენჯს“ 25 ახჩის ოდენობით, რაც იმ დროის მიხედვით მძიმე ტვირთს წარმოადგენდა განსაკუთრებით იმ მოსახლეობისათვის, რომელიც თავდადებულად იბრძოდა თავისი დამოუკიდებლობის დასაცავად და გადატაკებული იყო მომთაბარეთა ურდოების ხანგრძლივი თავდასხმებით. ამავე დროს კი, მუსლიმანი გაცილებით ნაკლებს იხდიდა: ეგრეთ წოდებულ „ბენაქს“ და „მუჯერეთს“, 18 ან 12 ახჩს. „დავთარში“ 127, 262, 274, 358, 365 და სხვა გვერდებზე მუსლიმის ყოველ სახელთან არის სპეციალური აღნიშვნა, რაც მიუთითებს იმაზე, რომ ეს პირი მუსლიმანია და ამიტომ შეღავათიან გადასახადს იხდის.

ასევე მკაცრი იყო თურქეთის პოლიტიკა თურქების მიერ დაპყრობილ მეორე სექტორ-

ში — ჭანეთში (ლაზთა ქვეყანაში). დამპყრობი თურქების დაფინებით მისწრაფებას — ჩაეხშოთ ლაზებში საუკუნეობით განმტკიცებული ეროვნული თვითმყოფობის ყოველგვარი გამოვლინება — ლაზები უპირისპირებდნენ მტკიცე ეროვნულ თვითშეგნებას და, მიუხედავად სრული იზოლაციისა და მშობლიურ მიწა-წყალს მოწყვეტისა, დღემდე შეინარჩუნეს მშობლიური ლაზური ენა. ლაზებისადმი თურქების მხრივ ზიზღით აღსაყვად და ეროვნულად შეურაცხყოფ დამოკიდებულებას მოწმობს თურქული ანდაზა: „ლაზლარინ თერმონი-მისლიმან იემეზ ონი“, ე.ი. „ლაზური ფელამუში მუსლიმანს არ ეჭმევაო“ (ნიკო მარი, თურქეთის ლაზისტანში მოგზაურობიდან, გვ. 627).

ვფიქრობ, აქ უადგილო არ იქნება ცოტა რამ ვთქვათ ლაზთა ტერიტორიული გავრცელების შესახებ. ეჭვგარეშეა, რომ ლაზთა ქართველური ტომის ქვეყანა ვრცელდებოდა შავი ზღვის სანაპიროს გაყოლებით სამსუნის ვილაიეთამდე ჩათვლით. ამის შესახებ ინგლისელი კონსულის ჯიფორდ პალგრევის ანგარიში, რომელიც მოყვანილია აკადემიკოს სიმონ ჯანაშიას და აკადემიკოს ნიკო ბერძენიშვილის სტატიაში (იხ. გაზეთი „კომუნისტი“, 1945 წლის 14 დეკემბერი) სხვა ფაქტითაც დასტურდება. საქმე ის არის, რომ მსოფლიო სპეციალურ ლიტერატურაში შავი ზღვის სანაპიროს ყველა თურქული დიალექტი, მათ შორის სამსუნის ვილაიეთის დიალექტებიც, უსაფუძვლოდ როდია ცნობილი „ლაზურ-თურქული“ სახელწოდებით (გერმანულად —

ბაგრატ IV-ის ბანაში ჯვრისწერის სცენა, ოშკის ტაძრის ფრესკიდან





გზამ პირდაპირ ოპიზის ტაძრის საკურთხეველზე გაიარა

Lazisch — Türkisch, იხ. მაგალითად, პოლონელი პროფესორის, ტადეუს კოვალსკის სამიმოხილო სტატია *Enzyklopädie des Islam*-ის IV ტომში, გვ. 996 და სხვ.). ცხადია, რომ ანატოლიის ამ ნაწილში გაბატონებული ლაზური ენობრივი სუბსტრატი ფრიად ქმედითი ფაქტორი იყო, რაც სპეციფიკურ ლაზურ ელფერს აძლევდა ლაზთა ამ ტერიტორიაზე ძალდატანებით გავრცელებულ თურქულ ენას.

ეს გარემოება მოწმობს არა მარტო ლაზთა ტერიტორიულ გავრცელებას აღნიშნულ ფარგლებამდე, არამედ ლაზებისა და საერთოდ ქართველთა ტომების კულტურულ უპირატესობასაც დამპყრობ თურქებთან შედარებით.

და მართლაც, ოსმალთა თურქები, რომლებიც აღმოსავლეთიდან დასავლეთში შემოიჭრნენ, ოსმალთა სახელმწიფოს ჩამოყალიბების პერიოდისთვის მომთაბარე ტომების ტიპური წარმომადგენლები იყვნენ. მცირე აზიისა და კავკასიის ცივილიზებულ სახელმწიფოებს რომ შეეჯახნენ, ისინი ცეცხლითა და მახვილით ანადგურებდნენ მაღალი კულტურის მქონე ხალხებს. თურქებმა ჯერ ბიზანტია დაამარცხეს და შემდეგ ხელი მიჰყვეს საქართველოს, ჩამოაშორეს იგი ევროპას და გაბატონდნენ მის სამხრეთ-დასავლეთ ნაწილში. დაპყრობილ ქართველთა ტომებს თურქებმა შემდგომი განვითარების გზა დაუხშეს და ფეხი მოიკიდეს ანატოლიაში, მაგრამ ამავე დროს

არ შეიძლებოდა, რომ მათ არ განეცადათ ქართველი ხალხის მრავალსაუკუნოვანი მატერიალური და სულიერი კულტურის კეთილმოყვანილი გავლენა. ამ მდგომარეობის დამახასიათებელ ფაქტებს არაერთხელ მიუპყრიათ ყურადღება სპეციალურ ლიტერატურაში. ცნობილია, მაგალითად, რომ სოფლის მეურნეობის დარგში ქართველებმა, მათ შორის ლაზებმაც, რომლებსაც იმ დროისათვის მაღალი სამიწათმოქმედო კულტურა ჰქონდათ, აღმოსავლეთ ანატოლიაში გაავრცელეს როგორც სასოფლო-სამეურნეო კულტურები, ისე მიწის დამუშავების გაუმჯობესებული მეთოდები. უეჭველია, რომ ჩრდილო-აღმოსავლეთ ანატოლიის ერთ-ერთი უმთავრესი სასოფლო-სამეურნეო კულტურა — სიმინდი ანატოლიის ამ ნაწილის თურქებმა ლაზებისგან გადაიღეს. ამაზე მიუთითებს სიმინდის თურქული სახელწოდება — „ლაზოთი, ლაზუთი“, რაც ნიშნავს „ლაზურ მცენარეს“ (იხ. რედჰაუსი, თურქულ-ინგლისური ლექსიკონი, გვ. 1619, აჰმედ ვეფიკ-ფაშა, ლეხჯე-ი ოსმანი გვ. 748 და შრომა „სიტყვა lazut-ის წარმოშობისათვის“ საქართველოს სსრ მეცნიერებათა აკადემიის უწყებებში, ტ. V, № 2 გვ. 227).

აკადემიკოსმა ივანე ჯავახიშვილმა „საქართველოს ეკონომიურ ისტორიაში“ გამოარკვია, რომ მთელი რიგი გაუმჯობესებული სასოფლო-სამეურნეო იარაღები (გუთანა, ჯილა) აღმოსავლეთ ანატოლიის თურქებმა

მკაცრი იყო თურქეთის პოლიტიკა თურქების მიერ დაპყრობილ მეორე სექტორში — ჭანეთში (ლაზთა ქვეყანაში). დამპყრობი თურქების დაქინებით მისწრაფებას — ჩაეხშოთ ლაზებში საუკუნეობით განმტკიცებული ეროვნული თვითმყოფობის ყოველგვარი გამოვლინება — ლაზები უპირისპირებდნენ მტკიცე ეროვნულ თვითშეგნებას და, მიუხედავად სრული იზოლაციისა და მშობლიურ მიწა-წყალს მოწყვეტისა, დღემდე შეინარჩუნეს მშობლიური ლაზური ენა

ქართველებისგან გადაიღეს (იხ. დასახელებული შრომა, I, გვ. 248 და სხვ.).

თურქების მიერ უსამართლოდ მიტაცებული სამცხის მხარე საქართველოსათვის იყო არა „განაპირა მხარე, არა პერიფერია, არამედ ცენტრი“ ქართული კულტურისა. ამ კულტურის შემოქმედნი, რომელთა სახელებთანაც დაკავშირებულია ხალხური და ფილოსოფიუ-

ოშის გუმბათქვეშა სვეტის დეკორის დეტალი



რი შემოქმედების შედეგები, სამხრეთ საქართველოდან წარმოსდგებოდნენ. აქვე იქმნებოდა ქართული ეროვნული ხუროთმოძღვრების ცნობილი შესანიშნავი ძეგლები, რომლებიც მოსულ დამპყრობთა მიერ მოსპობის, დანგრევისა და აბუჩად აგდების საგანი გახდა. აკადემიკოსი ნიკო მარი, რომელიც ამ მხარეებში 1904 წელს მოგზაურობდა, ყველგან ხედავდა მატერიალური კულტურის ქართული ძეგლების „ულმობლად გამარცხულ კედლებს“; კელესიები გადაკეთებული იყო მეჩეთებად. „მუემინის ძახილი ბერთის საყდართან, — ამბობს აკადემიკოსი ნიკო მარი, — ახლა მე იმდენად სვედის მომგვრელი არ მეჩვენება, რამდენადაც დაბისა და ჯმერქის ეკლესიების, სამონასტრო ტაძრების ახლანდელი უბადრუკი მდგომარეობა“ („მოგზაურობის დღიური“, გვ. 182). ისტორიის უკუღმართობაზე, თურქთა ძალადობაზე აკადემიკოსი ნიკო მარი „მოგზაურობის დღიურში“ ამბობს: „სვედის მომგვრელი იყო ოდესლაც ცოცხალი ქრისტიანობის ბურჯზე ისლამის გამარჯვებული ხმის მოსმენა... იმათი დვიძლი შვილები, ვინც ქრისტიანობის ეს ძეგლები ააგო, მიისწრაფოდნენ მაღლა ტაძარში, რათა თავიანთი ლოცვა აღველინათ ისეთ ფორმებში, რაც უცხოა ბერთის მშენებელთათვის. სვედის მომგვრელი იყო ამის დანახვა, სვედის მომგვრელი იყო ამის მოსმენა“.

სურათი ნათელია. უადრესად განვითარებული კულტურისა და აყვავებული ეკონომიური კეთილდღეობის ქვეყანა გაპარტახნდა და „დღემდე გაყინულია გავლურებაში“. ამ ქვეყნის ასეთი სავალალო მდგომარეობა (მისი დაპყრობის შედეგად) მკაფიოდ დაახასიათა მისმა საუკეთესო მცოდნემ, აკადემიკოსმა ნიკო მარმა: „მალე (ქართველებისაგან მოწყვეტის შემდეგ) ამ მხარეში ჩაიფერფლა და ჩაქრა ყოფილი ცხოვრების უკანასკნელი შუქი, და ახალი შუქი აღარ ამობრწყინებულა. მხარის კულტურული ცხოვრება ჩაკვდა. ადამიანი მოკვდა“ (ნიკო მარი, ბათუმი — არტაანი — ყარსი, გვ. 47).

მაგრამ თურქთა ტყვეობაში მყოფ ქართულ მოსახლეობაში მუდამ იყვნენ პატრიოტთა ცალკეული ჯგუფები, რომელთა გულშიც ღვიოდა ჩაუქრობელი სიყვარული სამშობლოსადმი. ეს პატრიოტები, ამა თუ იმ საშუალებით, თაობიდან თაობას გადასცემდნენ მშობლიურ მემკვიდრეობასა და მშობლიურ დამწერლობას. ერთეული როდი იყო იმის შემთხვევები, რომ

ისმებოდა მიტაცებულ ტერიტორიებზე სკოლებში მშობლიური ენის შესწავლის შემოღების საკითხი. მაგრამ ასეთ ცდებს სულთნის მთავრობა ყოველთვის ანშობდა. ცნობილია, თუ რა ბედი ეწია ლაზ ფაიკფენდის, რომელმაც სცადა „გამოეგონებინა ჭანური (ლაზური) ანბანი: იგი გადაასახლეს და საჰერობილეში ჩასვეს, მისი სახლი გაჩხრიკეს და მთელი მისი ნაშრომები და წიგნები დასწვეს“ (ნიკო მარი, მოგზაურობიდან, გვ. 626). მშობლიურ ენაზე დაბრუნების ასეთსავე ცდებს ეკუთვნის სტამბოლში ქართული ენის სახელმძღვანელოს გამოცემის ცდა. თურქეთის ქართველთა ჯგუფის ინიციატივით, XX საუკუნის 20-იან წლებში, ბავშვებისთვის ქართული ენის სასწავლებლად ქართველ კათოლიკეთა კოლონიამ სტამბოლში სახელმძღვანელო გამოსცა. მაგრამ საქმე იმით დამთავრდა, რომ მთავრობამ ძირშივე აღკვეთა ეს ღონისძიება, რომელიც მიმართული იყო ქართული ეროვნული თვითშეგნების გაღვივებისკენ.

თურქეთის ქართველთა სიყვარულს სამშობლოსადმი შემდეგი ფაქტიც მოწმობს: სტამბოლში შევხვდი ერთ შუახნის ქართველ მაკპადიანს, რომელიც ცენტრალურ ანატოლიაში ცხოვრობდა და საქართველოში არასოდეს ყოფილა. მას თავისი მამისგან ესწავლა ქართული კითხვა და მოქერხებინა რამდენიმე ქართული წიგნის წაკითხვა. მას აინტერესებდა საქართველო და მისი ისტორია და დიდი სურვილი ჰქონდა საქართველოში წამოსულიყო. მე საესებით დავრწმუნდი მისი სურვილის გულწრფელობაში, როდესაც მან ჯიბიდან ამოიღო ქართული წიგნი, აკაკი წერეთლის „რჩეული ლექსები“. რამდენიმე ლექსი ზეპირად დაესწავლა.

დღეს, როდესაც დემოკრატიამ უდიდესი გამარჯვება მოიპოვა ფაშინშე, რომელიც ხალხთა მონობასა და ჩაგვრას ქადაგებდა, — საქართველოს, ჩვენის აზრით, იმდენად ის კი არ სჭირდება, რომ დამატაციოს თავისი შეურყეველი უფლებები სამხრეთ და სამხრეთ-დასავლეთ საქართველოს მშობლიურ, მიტაცებულ მიწა-წყალზე, რამდენადაც ის, რომ მსოფლიო საზოგადოებრივი აზრის წინაშე აღმადლოს ხმა თავის სამართლიან პრეტენზიებზე თურქეთის მიმართ.

ამ პრეტენზიათა სამართლიანობა კარგად ცნობილია ობიექტურად მოაზროვნე კულტურული სამყაროსთვის, ყველა თავისუფლებისმოყვარე ხალხისა და ყველაზე უკეთესად თვით



იშხნის ტაძარი, გუმბათის მოხატულობა

თურქებისთვის, რომლებიც ასე უსახელოდ გამოვიდნენ დემოკრატიული ქვეყნების დიდი ომიდან კულტურისა და ჰუმანიზმის მტრების წინააღმდეგ. საქართველოს მიწა-წყლის დაპყრობა არც იმდენად შორეულ წარსულში მოხდარა. თურქებმა ან მოსპეს, ან მშობლიური ადგილებიდან განდევნეს მთელი ხალხები. მაგრამ ქართველმა ხალხმა შეძლო არათუ შეენარჩუნებინა თავისი ფიზიკური არსებობა და სახელმწიფოებრიობა, არამედ კიდევ გაეგრძელებინა მრავალსაუკუნოვანი კულტურით დაგვირგვინებული ტრადიციები თავისი წინაპრებისა, რომლებიც დიდ შემოქმედებით მუშაობას ეწეოდნენ სწორედ იმ პროვინციებში, ახლა რომ მოწყვეტილნი არიან საქართველოს. საქართველო სისხლხორცეულად დაინტერესებულია ამ პროვინციების მიღებით და კიდევაც უნდა მიიღოს ისინი.

პირადი ნივთები დიდი ილიას მუზეუმიდან

ილიას
„ნაკლულევანება“
ბანქოს თამაში
ყოფილა...


ჟამთა სვლასთან ერთად სულ უფრო ძვირფასი ხდება ყველაფერი, რაც წმინდა ილია მართლის სახელს უკავშირდება. ყველაფერი, რაც მისი ცხოვრების განუყოფელი ნაწილი იყო, რასაც ხელით შეხებია და მისი საკუთრება ყოფილა. ამგვარად გვინდა წარმოგიდგინოთ ილიასეული რამდენიმე ნივთი, რომელიც საგურამოს სახელმწიფო მუზეუმშია დაცული. თითოეული მათგანი განსაკუთრებული და ორიგინალურია.



პოლიფონი შვეიცარიული წარმოების მუსიკალური ინსტრუმენტია. გერმანელები მას მუსიკალურ საათსაც უწოდებენ. ეს პოლიფონი ილია ჭავჭავაძის მეგობარმა, პროფესორმა ილია ოქრომჭედლიშვილმა გერმანიაში შეიძინა და საჩუქრად გადასცა საქართველოს „უგვირგვინო მეფეს“. პოლიფონი მექანიკურად იმართება და მელიოდებს გამოსცემს. ძალიან ჰყვარებია ამ პოლიფონის ჰანგების მოსმენა დიდ მწერალს.

მუზეუმში დიდი მოღვაწის რამდენიმე საათია დაცული. მათ შორის გამოჩენულია კედლის საათი-კალენდარი, რომელიც სპეციალისტთა დასკვნით პარიზშია დამზადებული. იგი ერთდროულად გვიჩვენებს როგორც დროს, ისე თვეს, რიცხვსა და დღეს. ფრანგული წარწერები ილიას თვითონვე შეუცვლია ქართულით და დღესაც ასეა წარმოდგენილი.

ილიას სიკვდილის შემდეგ მისი საოჯახო ნივთების დიდი ნაწილი ისევე გაიყიდა, რო-



*ილია ჭავჭავაძის
სახლ-მუზეუმი
საგურამოში*

გორც ქართველ მოღვაწეთა მრავალი მემორიალური ნივთი იყიდებოდა მწერალთა საზოგადოების ზელმოკლეობის გამო. ეს საათი ცნობილ მეცნიერ კორნელი კეკელიძეს (რომელიც მაშინ ახალგაზრდა იყო) შეუძენია და მრავალი წლის განმავლობაში ოჯახში ინახავდა. საათის მუზეუმში დაბრუნება მხოლოდ 1965 წელს გახდა შესაძლებელი.

ილიას მუზეუმისთვის თითქოსდა შეუფერებელ ბანქოს სათამაშო მაგიდასთან ბევრი






პოლიფონი



ფრანგული წარმოების სიგარა



პოლიფონის დეტალი

თავადი, ბანკირი და მეფის მოხელე აზარტული თამაშით იქცევდა თავს. სტუმრებს არც მასპინძელი ჩამორჩებოდა, რომელმაც ეს მაგიდა თვითონვე ჩამოიტანა გერმანიიდან და ტიტანური შრომით დადლილი, განსამუხტავად დიდი გატაცებით თამაშობდა დროდადრო ბანქოს. ამ ამბავმა ილიას სულიერ მოძღვრამდე მიადწია თურმე. ეპისკოპოს ალექსანდრე ოქროპირიძის დამოკიდებულება ამ საკითხისადმი საკმაოდ კრიტიკული ყოფილა და ილიასთვის საყვედური უთქვამს.

— გთხოვთ მომიტყვეოთ, მეუფეო, გულახდილი გამჟღავნება და გულწრფელი აღსარება. ცოლო გამჟღავნებული სჯობიან. ჩემი ნაკლულეკვანება ეგ არის... მაგას ვერ მოვიშლი, თვეში ან ორ-სამ თვეში ერთხელ ვთამაშობ. ამის შემდეგ თითქო ვისვენებ და უფრო მუყაითად ვმუშაობო, — გამოსტყდომია ილია ეპისკოპოსს (ვასილ კარბელაშვილის მოგონებიდან).

იონა მეუნარგია თავის მოგონებებში აღნიშნავს, რომ ილიამ მთელი დამე თურმე ბანქო ითამაშა რომელიღაც კლუბში და ათას ხუთასი მანეთი წააგო. გამეზინისას შინ რომ დაბრუნდა და ეტლის გასასტუმრებლად ქისა ამოიღო, აღმოჩნდა, რომ უკანასკნელი თუმანიდა შერჩენოდა. ისიც მეეტლისთვის უჩუქებია. მას კი გაუფიქრია, წუხელ ალბათ ბევრი მოიგო, თორემ ამდენს არ გადამიხდიდაო და განარებულმა მიაძახა თურმე, — დმერთმა ყოველთვის ასე მოგაგებინოსო.

ილიას მუზეუმში ასევე ინახება ფრანგული წარმოების სიგარები. ილია ბევრს ეწეოდა. იგი ხომ დარდმა და ლექსმა თამბაქოსთან დაამძობილა. როგორც მისი თანამედროვე იაკობ მანსვეტაშვილი აღნიშნავს, „პირიდან განუგდებელი პაპიროსი“ მისი ცხოვრების განუყოფელი ნაწილი იყო. რა თქმა უნდა, მოჭარბებულმა თამბაქომ მის ჯანმრთელობაზე



კედლის
საათი



ჯოხ-სკამი



ბანქოს
სათამაშო
მაგიდა

ნეგატიურად იმოქმედა. სიცოცხლის ბოლო წლებში ილია ასთმით დაავადდა.

ცნობილმა საზოგადო მოღვაწემ ილია წინამძღვრიშვილმა საკუთარ მამულში, სოფელ წინამძღვრიანთკარში, 1883 წელს პირველი სასოფლო-სამეურნეო სასწავლებელი დააარსა, სადაც გლეხის შვილები სწავლობდნენ და ქვეყნისთვის საჭირო პროფესიებს ეუფლებოდნენ. სკოლის გახსნაში დიდი წვლილი შეიტანა ილია ჭავჭავაძემ.

მუზეუმში ინახება ჯოხ-სკამი, რომელიც ამ სკოლის მოსწავლეებმა დაამზადეს და ერთ-ერთ ილიაობა დღეს საჩუქრად გადასცეს ერის წინამძღვრს. ჯოხ-სკამი გასაშლელია. დიდი ილია მას ჯოხდაც იყენებდა და სკამადაც...

ნიკოლოზ დორეაული

ვანო ღებიაძე

მორბანთა ბანკის ფინანსისტი

ბაჩანი აზნაუჩის საოსანი თავბანასავენი ხასათის იბრაჰიმსა და აშშ-ში

ყურნალ „ისტორიანის“ მესამე ნომერში დაბეჭდილ სტატიას მსოფლიოში ერთ-ერთი უმდიდრესი ადამიანის, ჯონ მორგანის შესახებ ვინც წაიკითხავდა, ალბათ ვერ წარმოიდგენდა, რომ მორგანთა იმპერიის წამყვან ფინანსისტთა შორის იყო ამერიკაში ქართული ემიგრაციის წარმომადგენელი ვასილ ღუმბაძე. ამ გასაოცარი კაცის, მიხეილ ჯავახიშვილის რომანის „კვაჭი კვაჭანტირაძის“ მთავარი გმირის ერთ-ერთი პროტოტიპის რეაბილიტაცია რამდენიმე წერილში ვცადეთ, რადგან მის შესახებ საზოგადოებაში მკვეთრად უარყოფითი აზრი იყო გავრცელებული, განსაკუთრებით, გერონტი ქიქოძის მოგონებათა ფრაგმენტ „აფერიისტი ღუმბაძის“ გამოკვეთების შემდეგ. ბოლო წლებში ქველი ჩხატარაიშვილის ნარკვევსა და ალეკო ასლანიშვილის ორ წერილში ვასო ღუმბაძე ერთგვარად რეაბილიტირებულია. მისი ბიოგრაფია ნამდვილად იმსახურებს, რომ კიდევ ერთხელ შევახსენოთ მკითხველს. მით უმეტეს, მკვლევართა წერილებში ვასოს ემიგრანტულ მოღვაწეობაზე არაფერია მოთხრობილი, საიდანაც ვასაგები ზდება, ვინ იყო ღუმბაძე — საერთაშორისო რანგის აფერიისტი და ავანტიურისტი, თუ პატრიოტი.



ვასილ ღუმბაძე (მარჯვნივ)
და სპირიდონ კელია

ვასილ (ვასო) ღუმბაძე ოზურგეთის მახრაში დაიბადა, სოფელ შემოქმედის მღვდლის, ცნობილი მგალობლის, დავით ღუმბაძის ოჯახში. ღუმბაძეებს ორი ვაჟის გარდა ცხრა ქალიშვილი ჰყავდათ. დავითის უფროსი ძმა, იმპერატორის ამაღლის წვერი, გენერალ-მაიორი ივანე ღუმბაძე, იალტის ქალაქის თავად დანიშნეს. უსაზღვრო ძალაუფლებით სარგებლობდა ყირიმში, რომელსაც „ღუმბაზიასაც“ უწოდებდნენ.

გიმნაზიის დამთავრების შემდეგ ვასო გერმანიაში გაემგზავრა და სტუდენტობიდანვე მიიქცია ქართველი საზოგადოების ყუ-

რადღება. „ივერია“ 1904 წლის ივლისში წერდა, რომ ლაიფციგის ეთნოგრაფიულ მუზეუმში სტუდენტ ვასილ ღუმბაძეს სამო-ას ეთნოგრაფიაზე წაკითხავს რეფერატი და დამსწრეთა მოწონება დაუმსახურებია. მუზეუმის დირექტორს, პროფესორ ვოილეს უთხოვია ახალი რეფერატის წაკითხვა თემაზე: „ქართველები და სომხები“. ოქტომბერში დაიბეჭდა ცნობა, რომ ვასო ორ დისერტაციას ამზადებდა: „ქართველები — ეთნოგრაფიული მიმოხილვა“ და „ნავთის ინდუსტრია კავკასიაში და მისი ამერიკის ნავთთან შედარება“. თვით ვასოს იმავე წელს

გაზეთ „ცნობის ფურცელისთვის“ გამოუგზავნია სტატია „ფრიდრიხ რეტცელი და მისი მნიშვნელობა მეცნიერებაში“. როგორც ვხედავთ, თავისი სპეციალობის გარდა, ინტერესი გამოუჩენია ეთნოგრაფიისადმიც.

1906 წელს ვასომ დაამთავრა ლაიფციგის უნივერსიტეტის საინჟინრო ფაკულტეტი. წიგნად გამოცემული მისი სადიპლომო ნაშრომი ბაქოს ნავთობსარეწებზე სოლიდური გამოკვლევაა, ვორონცოვის მამულებში დნებრის ჭორომების ექსპლუატაციის გეგმა გამოირჩევა გრანდიოზულობითა და სითამამით, პეტროგრადის კანალიზაციის გეგმას უმაღლესმა სამეცნიერო-ტექნიკურმა კომისიამ „იდეალურად დამუშავებული“ უწოდა. მეცნიერებას რომ გაჰყოლოდა, დიდ წარმატებებს მიაღწევდა, მაგრამ ვასომ კომერციას მოჰკიდა ხელი და მალე იმდენად გაითქვა სახელი, რომ მორგანთა რუსეთ-ამერიკის ბანკის დამფუძნებელთა შორის, გრაფ ვორონცოვ-დაშკოვისა და აშშ-ში რუსეთის ელჩ ბახმეტევის გვერდით ისიც აღმოჩნდა.

გავლენიანი ბიძისა და მეგობრის მამის, კაკასიის მეფისნაცვალ ილარიონ ვორონცოვ-დაშკოვის (რომლის მამულების მმართველიც ვასო იყო) წყალობით, იგი პეტერბურგის უმაღლეს წრეებში გაერია. მის პოპულარობას ხელს უწყობდა გარეგნობა, განათლება, მომხიბვლელობა, ავანტიურისტული ბუნება, ეკონომიკური ტალანტი, ფული და ევროპული ენების — გერმანულის, ინგლისურის, ფრანგულის ცოდნა. ვასო ყურადღებას იქცევს პატრიოტული საქმიანობითაც: პირველი მსოფლიო ომის დროს იყო ნიკო დადიანის მიერ შექმნილი ქართველ დაჭრილ ჯარისკაცთა საზოგადოების გამგეობის წევრი. საზოგადოება 20 ათასამდე დაჭრილს დაეხმარა სურსათით, ტანსაცმლით, ქართული წიგნებით, გაჭირვებულთა ოჯახებს — ფულით. მნიშვნელოვანი როლი შეასრულა პეტროგრადში ქართული ეკლესიის დაფუძნებაშიც. ომის წინ აქტიურად თანამშრომლობდა გიორგი მაჩაბელთან, გიორგი შარვაშიძესა და სხვებთან ილია ჭავჭავაძის დაწესებული საქმის დასავიკრიფებლად — რუსეთის იმპერიის ფარგლებში საქართველოს ავტონომიის მისაღწევად, მაგრამ წიგნის გმირად და ცნობილ ავანტიურისტად იგი საიდუმლო დიპლომატიურმა საქმიანობამ და მსხვილ სამხედრო დაკვეთათა ხელში ჩაგდება ამქცია.



ვასილ დუმბაძის მამა, სოფელ შემოქმედის მღვდელი იდათ დუმბაძე უმცროს მასთან ერთად

სამხედრო წრეებს ვასო ომამდე დაუკავშირდა და სამხედრო შეკვეთებაც მიიღო. გაიცნო სამხედრო მინისტრ ვლადიმერ სუხოვლინოვის ნდობით აღჭურვილი პირი. ალტშულერი, სუხოვლინოვის ცოლის ბიძაშვილი, ინჟინერი და საქმოსანი ნიკალაი გომსკევიჩი, შემდეგ კი მინისტრის ახალგაზრდა ცოლი. 1914 წელს გამოსცა სუხოვლინოვის აპოლოგეტური ბიოგრაფია და სამხედრო შეკვეთებმაც მისკენ იწყო დენა, საიდანაც სოლიდურ საკომისიოს იღებდა. მანვე მოაგვარა სამხედრო მინისტრისთვის მორგანთა ბანკის საშუალებით ამერიკაში 150 ავტონომიის შექმნა.

მიხეილ ჯავახიშვილის რომანის ორ თავში, „ამბავი საიდუმლო ვალდებულობისა“ და „ამბავი უდიდეს სამხედრო საქმის გაიმასქნებისა“, მოთხრობილია პირველი მსოფლიო ომისდროინდელი ამბავი, რომელმაც საერთაშორისო სკანდალის სახე შეიძინა. რეზო გაბაშვილის მოგონებებში ჩამოთვლილია ამ



სამხედრო
მინისტრი
ვლადიმირ
სუხოლინოვი

1914 წელს სუხოლინოვის აპოლოგეტური ბიოგრაფიის გამოცემის შემდეგ, სამხედრო შეკვეთებმა ვასო დუმბაძეს იწყო დენა



გრანდიოზული აქტის ოთხი მთავარი მონაწილე: გიორგი მაჩაბელი, ვასო დუმბაძე, რუსეთის სამხედრო მინისტრი სუხოლინოვი და მინისტრის ლამაზი ცოლი. ვის რა წილი ედო სკანდალში, სამხედრო ტრიბუნალმაც ვერ გარკვია. საქმე კი ამგვარად წარიმართა: რუსეთის სამხედრო უწყებამ ამერიკაში 15 მილიონი ოქროს მანეთის ყუმბარების შეკვეთა, მინისტრის ცოლის წყალობით, ვასოს მიანდო. შვეიცარიაში დაარსებული „საქართველოს დამოუკიდებლობის კომიტეტის“ აქტიურმა წევრმა, ვასოს ძველმა მეგობარმა გიორგი მაჩაბელმა დაარწმუნა დუმბაძე, რომ ომში რუსეთის დამარცხების შემდეგ საქართველო დამოუკიდებლობას მოიპოვებდა. მათ შეიმუშავეს მზაკვრული გეგმა და სხვა კალიბრის ჭურვები შეუკვეთეს, რომლებიც რუსულ ქვემეხებს არ მოერგო. დაიწყო კარპატებამდე მისული რუსეთის არმიის კატასტროფული უკანდახვევა.

კატასტროფამდე დუმბაძემ კიდევ ერთი მნიშვნელოვანი მისია შეასრულა.

დოკუმენტურადაა დასაბუთებული, რომ ნიკოლოზ II-მ სეპარატული ზავის დასადებად გერმანიაში ვასილ დუმბაძე გაგზავნა, როგორც გერმანიის მმართველ წრებთან დაახლოებული პირი. 1915 წლის ზაფხულში, გერმანიაში ვასომ მეფისთვის შედგენილი, სამხედრო უწყების 1909-14 წლებში უმთავრეს ღონისძიებათა ჩამონათვალის 13-პუნქტიანი საიდუმლო დოკუმენტიც წაიღო. სტოკჰოლმში მას დახვდა გიორგი მაჩაბელი. ფონ ლუციუსმა იგი საგარეო საქმეთა სამინისტროს წარუდგინა. საიდუმლო დოკუმენტის გადაცემის შემდეგ ორივე ქართველი ბერლინს გაემგზავრა. იქ მათ განსაკუთრებული პატივით შეხვდნენ. რუსეთში დაბრუნებულმა ვასომ 19-გვერდიანი მოხსენება წარადგინა, რომელიც ორი ნაწილისგან შედგებოდა: „კავკასიის საკითხი“ და „სამხედრო ტყვეები“. მოხსენებაში ნათქვამი იყო, რომ გერმანია მზად არის სეპარატული ზავისთვის და მისი ჩარევით შეუძლებელია მდგომარეობა სამხედრო ტყვეებს.

რუსეთში მისი დაბრუნება ჭურვების სკანდალს დაემთხვა. ჯილდოს ნაცვლად, საიდუმლო დოკუმენტების გერმანელებისთვის გადაცემის ბრალდებით, ვასო დააპატიმრეს. სკანდალს შეეწირა მინისტრის კარიერა, ვასო დუმბაძეს კი სიკვდილი მიუსჯვეს, რომელიც ნიკოლოზ II-მ კატორღით შეუსცვალა.

„კვამი გურული“

თებერვლის რევოლუციის შემდეგ სუხომ-ლინოვ-დუმბაძის საქმე გადაისინჯა. სუხომ-ლინოვს კატორღა მიუსჯვეს, საიდანაც იგი საზღვარგარეთ გაიქცა. დუმბაძე კი თავდებით გამოიხსნა გიორგი მაჩაბლის ძმამ, ილომ და თავის თეატრ „ბი-ბა-ბოსთან“ ერთად კიევიში წაიყვანა. 1919 წლის ზაფხულში სამოქალაქო ომის ალში გახვეული კიევიდან ვასო ჯერ ოდესაში გაემგზავრა, შემდეგ — სტამბოლში, იქიდან კი ვეროპაში. საქართველოს ოკუპაციის შემდეგ, სხვა მრავალ ქართველთან ერთად, ვასო დუმბაძეც ემიგრაციაში აღმოჩნდა.

1924 წელს ვასო ამერიკაში ჩავიდა. 1925 წელს ნიუ-იორკში გამოსცა წიგნი „კავკასიის რესპუბლიკები“, რომელმაც მიიპყრო არა მარტო ამერიკული საზოგადოების, არამედ ქართველ ემიგრანტთა ყურადღება და საფრანგეთში მყოფმა საქართველოს მთავრობამ ვასო ამერიკაში თავის წარმომადგენლად დანიშნა. ვასოც ენერგიულად შეუდგა საქმეს. საჭირო იყო საქართველოს ოკუპაციის საკითხის განმაურება, რადგან ამერიკა საქართველოს რუსეთთან ნებაყოფლობით შეერთებულ ქვეყნად მიიჩნეოდა. ვასოს თაოსნობითა და სენატორ ჰენრი ვილსონის თავმჯდომარეობით დაარსდა „ამერიკული საზოგადოება კავკასიისთვის“, რომელშიც მრავალი ცნობილი მოღვაწე გაერთიანდა. განთქმულ იურისტთა კომისიამ შეისწავლა საქართველოს წარსული, არსებული მდგომარეობა და დაადგინა მისი „დამოუკიდებლობის უდავო უფლება და ვეროპაში განიზნული დემოკრატიული მთავრობის კანონიერება“, — იუწყებოდა ჟურნალი „ბროდლი“.

1926 წლის 10-11 მარტს ამერიკის შეერთებული შტატების წარმომადგენელთა პალატასა და სენატში ერთდროულად შეიტანეს წინადადება საქართველოს დიპლომატიური წარმომადგენლის დანიშვნაზე ვირჯინიის დეპუტატმა კოპლენდმა და სენატორმა ვალტონ-მურმა. კონგრესმა დაადგინა, საქართველოს დიპლომატიური წარმომადგენლისთვის გამოეყო თანხა, როცა ამას პრეზიდენტი მიიჩნეოდა მიზანშეწონილად. საქართველოს საერთაშორისო უფლების, მისი დამოუკიდებლობის საკითხი და 11 მარტის რეზოლუცია კონგრესმა 1-2 აპრილს ხელახლა განიხილა. ჯონ სტიუარტისა და ჰენრი ობდაივის გამოსვლების შემდეგ კონგრესმა ამ სხდომათა ოქმებით, 22 დანართით და 17 ფოტოთი, სახელმწიფო ხარჯით საქართველოზე 361-გვერდი-



ნიკოლოზ II, მინისტრი სუხომლინოვი და დიდი მთავარი ნიკოლოზ ნიკოლოზის ძე. 1914

ანი წიგნი გამოსცა, მაგრამ საბოლოო გადაწყვეტილება ვერ გამოიტანა. საქართველოს საკითხი მხოლოდ 1929 წლის 23 აპრილს დაისვა. სენატორმა კოპლენდმა მე-17 კონგრესის I სესიაზე კავკასიის ოთხ რესპუბლიკაში (საქართველო, აზერბაიჯანი, სომხეთი, ჩრდილოეთ კავკასია) დიპლომატიური წარმომადგენლის დანიშვნის საკითხი შეიტანა. „ბილი“ მოუწოდებდა ამერიკელ კანონმდებლებს, გამოეწოდებინათ წინამორბედთა შეცდომა და დაედასტურებინათ ქართველი ხალხის დამოუკიდებლობის უფლება. წინადადების მიღების შემდეგ ვასილ დუმბაძე საქართველოს წარმომადგენლად დამტკიცდა. იმავე 1929 წელს ცნობილი დიპლომატის, ლეონ ვილსონის თავმჯდომარეობით შეიქმნა „საქართველოს უფლებე-

1925 წელს ვასილ დუმბაძემ ნიუ-იორკში გამოსცა წიგნი „კავკასიის რესპუბლიკები“, რომელმაც მიიპყრო არა მარტო ამერიკული საზოგადოების, არამედ ქართველ ემიგრანტთა ყურადღება და საფრანგეთში მყოფმა საქართველოს მთავრობამ ვასო ამერიკაში თავის წარმომადგენლად დანიშნა. საჭირო იყო საქართველოს ოკუპაციის საკითხის განმარტება, რადგან ამერიკა საქართველოს რუსეთთან ნებაყოფლობით შეერთებულ ქვეყნად მიიჩნედა.

ბის დაცვის კომიტეტი“, რასაც შედეგად ამერიკის კონგრესში საქართველოს საკითხის რამდენჯერმე განხილვა მოჰყვა.

1933 წელს საფრანგეთმა ცნო საბჭოთა კავშირი, გაუქმდა საქართველოს მთავრობის ლეგაცია და შეწყდა საქართველოს მთავრობის, საელჩოებისა და საკონსულოების უფლებამოსილება. დუმბაძემ საქართველოს საკითხის ახალარჩეული პრეზიდენტის, რუზველტის წინაშე წამოჭრა სცადა და წერილი მის მდივანს, მაკინტაირს გადასცა. მაკინტაირმა კი კონგრესის გამოცემულ წიგნში შესაბამისი ადგილები მოუნიშნა პრეზიდენტს. ვასო ემადლიერება კონსულ კოლუს, პრეზიდენტის მეგობარს, საარჩევნო კამპანიის ერთ-ერთ აქტიურ წევრს ედვინ ვალდმანს, 1926 წელს საქართველოს საკითხის კურატორ კელეის, ჰენ-

რი ვილსონსა და სხვებს. საქართველოსთვის ამ ბრძოლაში ვასოს არ დაუზოგავს სახსრები და ენერჯია. ამის შესახებ გიორგი მაჩაბელი სპირიდონ კედიას წერდა: „ვასომ აქ მართლაც დიდებულად იმუშავა, მაგრამ როგორც სათავეში ვუთხარ, ტყუილად ჩააბნია მთელი თავისი ქონება ამ მუშაობაში. არ იყო დრო და უკეთესი იქნებოდა ეს ფული რაიმე საქმეში მოეხმარა, ახლა მილიონური იქნებოდა და ასჯერ უფრო მეტად შესძენდა თავის სამშობლოს საქმეს. არ დამიჯერა. მისი საქმეა, მაგრამ მაინც დიდი პატივის საცემია მისი თავდადება და მსხვერპლი სამშობლოს სამსახურისთვის“.

საქართველოს არაოფიციალური ელჩი აშშ-ში

ვასო შემდეგაც ცდილობდა საქართველოს საკითხით ამერიკის ხელისუფლების დაინტერესებას, მაგრამ ევროპაში მწიფდებოდა დიდი ომი და აშშ-ის ადმინისტრაციას საქართველოსთვის აღარ ეცალა. ვასო კი დიდხანს ასრულებდა საქართველოს არაოფიციალური და არააკრედიტებული ელჩის როლს ამერიკაში. ეს მით უფრო საშური იყო, რომ 1924 წლის აჯანყების დამარცხების, ევროპაში 1929-33 წლების ეკონომიკური კრიზისის — „დიდი დეპრესიისა“ და 1932 წელს იაპონიის მიერ მანჯურიის ოკუპაციის შემდეგ, სადაც ბევრი ქართველი ცხოვრობდა, ამერიკაში ქართველ ემიგრანტთა

უკან, მარჯვნივ — ვასო დუმბაძე



რიცხვი მკვეთრად გაიზარდა. 1931 წელს დაარსდა ნიუ-იორკის სათვისტომო, რომლის ერთ-ერთი ინიციატორი პავლე და თამარ კვარაცხელიებთან, ვანო კობახიძესა და გიორგი მაჩაბელთან ერთად ვასო ღუმბაძეც გახლდათ. ვასო აქტიურად მონაწილეობდა სათვისტომოს საქმიანობაში, ფინანსურადაც ხშირად ეხმარებოდა, ოთხგზის იყო მისი თავმჯდომარე. ქართველთა შესაკავშირებლად ხშირად აწყობდა თავყრილობებსა და ნადიმებს. 1938 წელს ვასოს ინიციატივით აისლიბში შეიძინეს სათვისტომოს სახლი. ვასომ თავისი ხარჯით გაარემონტა, გააწყო ავეჯით, გააშენა ბალ-ბოსტანი, რომელსაც კოსტა ხუნწარიას ცოლ-შვილთან ერთად უვლიდა. ღუმბაძის დახმარებითა და თანადგომით ამერიკაში ჩავიდა და შესაბამის სტრუქტურებს დაუკავშირდა არაერთი ქართველი, რომელთაც შემდეგ მნიშვნელოვანი წვლილი შეიტანეს ამერიკის ეკონომიკისა და კულტურის განვითარებაში.

მართალია, მას ამერიკაში ისეთი საკუთარი დიდი საქმე არ წამოუწყია, როგორც გრიგოლ კობახიძესა და გიორგი მაჩაბელს, მაგრამ როგორც მორგანების ბანკის წამყვანი ფინანსისტი — მდიდარ ადამიანად ითვლებოდა. ამერიკაში ჩასვლის შემდეგ ვასომ შეირთო უმდიდრესი ქალი, რომელსაც წილი ჰქონდა ერთ-ერთ უდიდეს, დღეში რვა მილიონიანი ტირაჟით გამოძვალ გაზეთ „ჩიკაგო ტრიბიუნში“. საკუთარი მდგომარეობის, ცოლისა და გაზეთის წყალობით ვასო ყველა უწყებაში ადვილად ახერხებდა შეღწევასა და ქართველების დახმარებას. ეხმარებოდა ევროპაში მცხოვრებ ქართველებსაც, ახალგაზრდებისთვის კი ამერიკის უნივერსიტეტებიდან საცხოვრებლით, კვებითა და სტიპენდიით უზრუნველყოფილი ადგილები ჩაჰქონდა.

ვასო ღუმბაძე გარდაიცვალა 1943 წელს ამერიკაში. მისი უმცროსი დის, ეკატერინეს ქალიშვილმა რუსუდან (ლულუ) ჩეჩელაშვილმა ვასოს ფოტოები მოგვაწოდა და გვიამბო, რომ კარგად ახსოვს 1943 წელს სოფელ შემოქმედში ვასილ ღუმბაძის ანდერძი რომ მივიდა ფოსტით. „ჩაბარებაზე ჩვენებს ხელიც მოაწერინეს. მე თვითონ მაქვს წაკითხული. ვასომ იცოდა, რომ მამა ცოცხალი აღარ ჰყავდა, კომუნისტებმა საკუთარ სახლში მოკლეს. ანდერძი ასე იწყებოდა: „ჩემს ძვირფას ნენას! ჩემს ძვირფას დებს,



სპირიდონ და სოფიო კელიები, ზურაბ ავალიშვილი, შალვა ამირეჯიბი, ვასო ღუმბაძე

დისშვილებს, სიძეებს. ჩემი უძრავ-მოძრავი ქონება...“ ანდერძში დასახელებული იყო 27 მილიონი, მე ასე მახსოვს. ქველი ჩხატარა-იშვილს მგონი 42 მილიონი უწერია. შემდეგ ეწერა, რომ თუ არავინაა ცოცხალი, იმ ფულით სკოლა ან საავადმყოფო უნდა აშენებულიყო. იცოდა, რომ აფთიაქი სოფელში უკვე იყო. ეს ანდერძი მერე მილიციის უფროსმა შალამბერიძემ წაიღო და დღემდე არ ვიცით, სად არის. როცა სუხიშვილები საზღვარგარეთ პირველად გავიდნენ, ნინო რამიშვილი, რომელიც დეიდასთან მეგობრობდა, ყვებოდა: „ამერიკას რომ ვათვალიერებდით, გიდმა ხელი გაიშვირა და გვითხრა, ეს არის თქვენი თანამემამულის, ვასო ღუმბაძის ვილაო. შესვლით ვერ შევედით, მაგრამ ვინც ნამყოფი იყო, ამბობდნენ, რომ შესასვლელში, ფოიეში კიბის ერთ მხარეს ჩიხტიკოპსა და ქართულ კაბაში გამოწყობილი დედის სურათი ეკიდა, მეორე მხარეს — ანაფორაში შემოსილი მამის“.

ვასო ღუმბაძე — ევროპულ-ამერიკულ უმაღლეს არისტოკრატიულ წრეებში მიღებული ეს საოცარი ბიოგრაფიის კაცი ისე გარდაიცვალა, რომ მემკვიდრე არ დარჩენია. დასაფლავებულია ნიუ-იორკში. ვასო ღუმბაძის მილიონები და ანდერძის მეორე დედანი კი ალბათ მორგანების ბანკში ინახება. იქ, სადაც წამყვან ფინანსისტად მუშაობდა.

რუსუდან დაუზვილი



არსებობდა თუ არა სინამდვილეში ტროას ცხენი?

ჩოგოჩი ლინაჩი მიხანაძისა და ხეთაბის ომი ბეჩქანთა და ხეოქანთა ომად

მსოფლიო ისტორიაში დღემდე განსჯის საგნად რჩება ძველი ბერძნული ისტორია ტროას ათწლიანი ალყის შესახებ. ამბავმა, რომელიც ბერძენმა პოეტმა ჰომეროსმა აღწერა, ისე მყარად გაიდგა ფესვი ადამიანთა ცნობიერებაში, რომ იგი დღემდე ყველა დროის უდიდეს გამოცანად რჩება. ეს მხოლოდ მითია, როგორც უწინ მიაჩნდათ, თუ როგორც ზოგი ფიქრობს, ახლა უფრო მეტი საფუძველი არსებობს იმის დასამტკიცებლად, რომ რაც ჰომეროსმა დაწერა, სიმართლეა?

ტროას ადგილას დღეს ლეგენდარული ცხენის უზარმაზარი ასლი დგას. როგორც ჰომეროსი „ოდისეაში“ აღწერს, ბერძენებს გიგანტური ცხენის მეშვეობით სურდათ დაესრულებინათ ქალაქის ათწლიანი ალყა და ომში საბოლოო გამარჯვება მოეპოვებინათ. ამბავი მართლაც შთაბეჭდავია. ბერძენთა მშვენიერი დედოფალი ელენე ტროელთა უფლისწულმა პარიოსმა მოიტაცა და ტროაში წაიყვანა, სადაც მამამისი პარიოსი მეფობდა. ბერძენთა მეფე აგამემნონი სათავეში ჩაუდგა ბერძენთა ფლოტს ტროას დასალაშქრად და მშვენიერი ელენეს დასაბრუნებლად. ქალაქის ალყა ათწელიწადს გაგრძელდა და მასში როგორც ბერ-

ძენი (აიაქსი, აქილეუსი), ასევე ტროელი (ჰექტორი) არაერთი გმირი მონაწილეობდა. ბერძენებმა რჩეული მეომრები ხის ცხენში ჩასხეს და ქალაქის კარიბჭის წინ დატოვეს, თვითონ კი ვითომ იქაურობას გაეცალნენ. წინასწარმეტყველი ქალის, კასანდრას (პარიამოსის ქალიშვილი) გაფრთხილების მიუხედავად, ტროელებმა ცხენი ქალაქში შეიტანეს. დამით ცხენიდან მეომრები გამოვიდნენ, კარიბჭე გააღეს და ბერძენები ქალაქში შეუშვეს. მართლაც შესანიშნავი ისტორიაა, მაგრამ შეესაბამება კი ის სინამდვილეს?

ჰომეროსი იდუმალეობით მოცული პიროვნებაა. ჩვენ ძალიან ცოტა რამ ვიცით ამ კაც-



ზე ან იქნებ ქალზე. შემორჩენილია მხოლოდ მისი ორი ეპიკური პოემა „ილიადა“ და „ოდისეა“, რომლებიც დაახლოებით ძვ.წ. 730 წელს დაიწერა (თავად ამბები, რომლებიც მასშია მოთხრობილი, ზეპირსიტყვიერებით გადაეცემოდა თაობებს). პოემების გადარჩენაში დიდი წვლილი მიუძღვით რომაელებს, რომლებიც მოხიბლული იყვნენ ჰომეროსით. რომაელებს, რომელთაც მოგვიანებით ბერძნები დაამარცხეს, სჯეროდათ, რომ ტროას ომში გადარჩენილთა შთამომავლები იყვნენ, — იმათი, ვინც დაცემული ქალაქიდან გამოქცეულებმა, იტალიას შეაფარა თავი.

ტროას ომის ამბავი საუკუნიდან საუკუნეს გადაეცემოდა და არაერთხელ გამხდარა მეცნიერების შესწავლის საგანი. ერთხანს სწავლულები ერთსულოვნად ამტკიცებდნენ, რომ ეს ლეგენდა იყო.

მართალია, ჰომეროსმა დაწვრილებით აღწერა ტროა და მისი შემოგარენი, თანამედროვე მსოფლიოსთვის მაინც უცნობი იყო ქალაქის ზუსტი ადგილმდებარეობა. მეცნიერთა ვარაუდით, ქალაქი უნდა ყოფილიყო თანამედროვე თურქეთის ჩრდილოეთ-დასავლეთ სანაპიროზე, სადღაც დარდანელის სრუტის შესასვლელთან, მაგრამ სახელდობრ სად, ვერავის დაედგინა.

XIX საუკუნის შუა ხანებისთვის ქალაქის ადგილმდებარეობის შესაძლო ვარიანტად განიხილებოდა ჰისარლიყის ბორცვი (თურქეთში), მაგრამ არ არსებობდა ხელჩასაჭიდი საბუთი იმის დასამტკიცებლად, რომ ზუსტად


გილს მიაკვლიეს. 1871 წელს გერმანელმა მეწარმემ და მოყვარულმა არქეოლოგმა ჰაინრიხ შლიმანმა (1822-1890 წწ.) ჰისარლიყის ბორცვის გათხრა დაიწყო.

ჰომეროსის დიდი თავყანისმცემელი შლიმანი, გარდა იმისა, რომ არქეოლოგიით იყო დაინტერესებული, მილიონერიც გახლდათ.

ბევრ რამეს, რაც მისი ვარაუდით, ტროას ომს არ უკავშირდებოდა, ყოფილი დიდვაჭარი უარყოფდა. ამიტომ მან მოპოვებულ მასალათა უმრავლესობა დაუდევრად გაანადგურა და კულტურული ფენებიც ძალიან დააზიანა.




*ტროაში დღეს
ლეგენდარული ცხენის
უზარმაზარი ასლი
დგას*



ტროას არქეოლოგიური გათხრები



ტროას გათხრებისას ნაპოვნი ტეტრადრაქმა ელიზურ ქალღმერთ ათინასა და მისი სიმბოლოს, ბუს გამოსახულებით



პრესა ინტერესით აშუქებდა შლიმანის აღმოჩენებს

შლიმანს აღმოჩენების თაობაზე ბევრ სიცრუესაც სწამებდნენ და როგორც ამბობდნენ, უკანონოდ, მალულად გაკქონდა ქვეყნიდან გათხრებისას ნაპოვნი ძვირფასი ნივთები. თუმცა მან მართლაც აღმოაჩინა ტროა და ამას ისტორიკოსებიც ადასტურებენ.

სინამდვილეში შლიმანმა იმაზე მეტი გააკეთა, ვიდრე უბრალოდ აღმოჩენა იყო. ჰისარლიყი, როგორც მას თანამედროვე არქეოლოგები უწოდებენ, არის ბორცვი, რომელიც დასახლებათა რამდენიმე ფენისგან შედგებოდა.

შლიმანმა ცხრა ფენა აღმოაჩინა, რომელთაგან ყველაზე ძველი ძვ.წ. 3000 წლით თარიღდება. მეორე ფენაში შლიმანმა ტროას არსებობის ყველაზე მეტი ნივთმტკიცება იპოვა. მათ შორის სკიური, განუზომელი ღირებულების ოქროს განძეულით, რომელიც მისი აზრით, ტროელთა მეფე პრიამოსს ეკუთვნოდა. მანვე იპოვა იმის მტკიცებულებაც, რომ მეორე ფენასაც იგივე ბედი ეწია, რაც ჰომეროსის ქალაქს, — იგი ერთიანად გაენადგურებინათ. ეს საკმარისი აღმოჩნდა შლიმანისთვის, რათა დაესკვნა, რომ მან სწორედ ტროა აღმოაჩინა.

შემდგომმა გამოკვლევებმა ცხადყო, რომ შლიმანი მართალი გახლდათ, თუმცა ზოგიერთი მნიშვნელოვანი საკითხის დეტალებში ცდებოდა. მეორე ფენა საკმაოდ პატარა იყო, უფრო ადრეულ ხანას განეკუთვნებოდა და საეჭვოა, ის ბერძნების მიერ ალყაში მოქცეული კოშკები ყოფილიყო.

შლიმანის შემდგომი არქეოლოგები ჰომეროსის პოემაში მოხსენიებულ ქალაქად მეშვიდე ფენას მიიჩნევდნენ, რადგან ფიქრობდნენ, რომ მისი ასაკი და ზომა ზუსტად შეესაბამებოდა იმ ეპოქას. თავდაპირველად მის განადგურებას მიწისძვრას მიაწერდნენ, მაგრამ ახლა ფიქრობენ, რომ ეს იმ ძველამოსილი ლაშქრის ნამოქმედარი იყო, რომელმაც ქალაქი ალყაში მოაქცია.

შლიმანის აღმოჩენა აღიარეს. ცინიკოსები კი ქილიკობდნენ და კითხულობდნენ: თუ ჰისარლიყი ტროა იყო, მაშ სადღა იყო მისი მტრების ნაშთები? არ არსებობდა რამე სამხილი, გარდა ჰომეროსის მონათხრობისა, რომ ხალხი, რომელმაც ტროა დაარბია, ბერძნები იყვნენ. შლიმანმა, ჰომეროსის მონათხრობზე დაყრდნობით, აგამემნონის ქალაქის ადგილმდებარეობის დასადგენად გათხრები მიკენში დაიწყო და მიადწია კიდევ წარმატებას. მან აღმოაჩინა კარგად გამაგრებული ცი-


ხესიმაგრე და მდიდრული სამეფო სამარხები. მოყვარული არქეოლოგი დარწმუნებული იყო, რომ ბერძენთა მეფის სასახლე იპოვა. მან სხვა ადგილებიც გათხარა და საფორტიფიკაციო ნაგებობებსა და ნეშტებს მიაგნო. შლიმანის აზრით, ეს სწორედ იმ მეომართა ნეშტები იყო, რომლებიც ხომალდებით მიადგნენ ტროას და ალყაში მოაქციეს. როგორც არქეოლოგები აცხადებენ, იმ დროისთვის გაბატონებული უარყოფითი აზრის მიუხედავად, შლიმანის თეორიები სწორი აღმოჩნდა.

ხმელთაშუა ზღვის რეგიონში წარმართულმა უამრავმა არქეოლოგიურმა გათხრამ ცხადყო, რომ ზღვაოსანი ხალხი საბერძნეთში დაახლოებით ძვ.წ. 1550 წელს გამოჩნდა.

მატერიკის დაპყრობის შემდეგ მიკენელები, როგორც მათ უწოდებდნენ, შეიჭრნენ კრეტაზე და დაეპატრონნენ მინოსის უდიდეს ცივილიზაციას, რომელიც ამ კუნძულზე არსებობდა. დაახლოებით ძვ. წ. 1350 წელს მიკენელთა ძალაუფლება განუსაზღვრელად გაიზარდა. ისინი გაცხოველებულ ვაჭრობას მისდევდნენ და ხმელთაშუა ზღვის აღმოსავლეთ რეგიონშიც იჭრებოდნენ.

ეს თარიღები იყო რეალური საფუძველი იმის დასამტკიცებლად, რომ მიკენელები და ჰომეროსის ბერძნები ერთი და იგივე ხალხი იყო. განსაკუთრებით მაშინ, როცა ტროაში მიკენელთა თიხის ჭურჭლის ფრაგმენტები აღმოჩნდა. როგორც ბევრს მიაჩნდა, ამის ყველაზე თვალსაჩინო მტკიცებულებაა თიხის ფირფიტებზე მიკენურ ენაზე შესრულებული წარწერების გამოფერა, რომელიც ხაზოვანი დამწერლობა B-ს სახელით არის ცნობილი. ეს კი, ეჭვგარეშეა, ბერძნული ენის ადრეულ ფორმას წარმოადგენდა. ფირფიტები გვამცნობს, რომ მიკენელები მეზობელი მონათმფლობელები იყვნენ, რომლებსაც სწორედ ისეთივე გემები ჰყავდათ, როგორიც ჰომეროსმა აღწერა. არქეოლოგებმა აღმოაჩინეს აგრეთვე მიკენელთა ბრინჯაოს საჭურველი და ტახის ეშვებისგან დამზადებული მუზარადი. მისი აღწერილობა ზედმიწევნით ემთხვევა „ილიადაში“ აღწერილს.

ახლა უფრო ნაკლებად საეჭვო ჩანდა, რომ მიკენელები და ბერძნები ერთი და იგივე ხალხი იყო. მართალია, უამრავი საბუთი არსებობდა ამ მოსაზრების განსამტკიცებლად, მაგრამ ზოგიერთი მეცნიერი ცდილობდა, დაეკნინებინა ჰომეროსის მონათხრობი და აცხადებდა, რომ ის ნაკლებად შეესაბამებოდა რეალურ



ჰაინრიხ შლიმანი



ტროას ნაშთები დღეს



ილიონის ციხესიმაგრე

ამბავს. მადლობა ღმერთს, უამრავი ნივთმტკიცებაა აღმოჩენილი. ისინი, ვისაც ეჭვი ეპარებოდათ, ცდებოდნენ.

გერმანელი არქეოლოგი, დოქტორი მანფრედ ოსმან კორფმანი, რომელიც 1988 წლიდან ინტენსიურ გათხრებს წარმართავდა ტროაში, დარწმუნებულია, რომ მიაკვლია საფუძვლიან მტკიცებულებას — ქალაქი გაცილებით დიდი და მნიშვნელოვანი იყო, ვიდრე ეგონათ. კორფმანის აზრით, ქალაქი, რომლის მოსახლეობა დაახლოებით 10 ათას კაცს შეადგენდა, რაც იმ დროისთვის მართლაც შთამბეჭდავი ციფრი იყო, გვიანი ბრინჯაოს ხანის უმდიდრეს ცენტრს წარმოადგენდა, რისთვისაც ბრძოლა ღირდა. კორფმანის აზრით, ჰომეროსის ეპიკურ პოემებს აქვს, როგორც ის უწოდებს, „ისტორიული ფესვები“, თუმცა მისი აღმოჩენები დეტალებში განსხვავდება იმ აღწერილობისგან, რასაც ჰომეროსი იძლევა. მეცნიერი მიუთითებს საფორტიფიკაციო ნაგებობების სიმრავლეზე, რომლებსაც ტროელები ქალაქის სტრატეგიული მნიშვნელობიდან გამომდინარე აგებდნენ, რათა თავიანთ კონტროლქვეშ მოექციათ ეგეოსისა და შავ ზღვებს შორის გამავალი საზღვაო გზები. მეცნიერის აზრით, ტროელებს მრავალი ბრძოლის გადატანამ მოუწიათ და სწორედ ეს ომები დაედო საფუძვლად ჰომეროსის ეპიკურ პოემებს.

ზოგიერთი არქეოლოგი კორფმანის მოსაზრებას სადავოდ მიიჩნევს. ასევე სადავოდ მიჩ-

ნიათ ხეუბის კულტურის ცნობილ მკვლევართა, ფრენკ სტარკისა და დევიდ ჰოკინსის დასკვნები, რომლებიც ხეუბის იმპერიის სამეფო ციტადელის არქივში ნაპოვნი მასალების საფუძველზე გაკეთდა.

ხეუბის სახელმწიფო მნიშვნელოვანი პოლიტიკური ძალა იყო ცენტრალურ ანატოლიაში (თურქეთი). მათ მაღალგანვითარებული ცივილიზაცია შექმნეს და ომის დროს დიპლომატიის გამოყენების ხელოვნებასაც ფლობდნენ. ჩანაწერებში, რომელიც ძვ.წ. XIII საუკუნეს განეკუთვნება, დეტალურად არის ასახული, როგორ საგარეო პოლიტიკას წარმართავდნენ ხეუბი მეზობელ ქვეყნებთან.

სტარკისა და ჰოკინსის მტკიცებით, ხეუბის იმპერიის ჩრდილოეთ-დასავლეთით, დარდანელის სრუტის შესასვლელში, არსებობდა ეკონომიკურად დამოუკიდებელი სახელმწიფო ვილუსა (Wilusa). თუ ამ სახელს წინა W-ს ჩამოვაცილებთ (ბერძნები ამ ასოს არ იყენებდნენ), მაშინ ილუსა ძალიან წააგავს ილუმს, იმავე ილიონს. ამ სახელითაც მოიხსენიებს ხოლმე ჰომეროსი ტროას. ხეუბმა იცოდნენ, რომ ვილუსას დასავლეთით ცხოვრობდნენ აქაველები (ასე უწოდებს ჰომეროსი ბერძნებს).

ხეუბი იმპერატორები აქაველთა მეფეებს, როგორც თანასწორნი თანასწორებს, ოფიციალურ მიმოწერაში უწოდებდნენ „მეფე ძმას“.

სტარკსა და ჰოკინსს თავიანთი მოსაზრებების განსამტკიცებლად მაგალითად მოჰყავთ

ხეთების მეფე ხათუსილის წერილი, რომელიც მან აქვევლთა მეფეს გაუგზავნა. ხათუსილი ტროას დაცემის პერიოდში მართავდა ხეთების სამეფოს. წერილში აღნიშნულია, რომ ომში, რომელიც ქალაქ ვილუსას გამო წამოიწიეს, შეთანხმებას მივალწიეთო. ფირფიტებზე გადმოცემული ინფორმაცია მწირია, არაფერია ნახსენები იმის შესახებ, თუ რა იყო ომის დაწყების მიზეზი, რამდენ ხანს გრძელდებოდა კონფლიქტი ან როგორი იყო შეთანხმების პირობები. ხეთური ჩანაწერიდან კარგად ჩანს, რომ ჰომეროსმა მხოლოდ 500 წლის შემდეგ აღწერა ეს ისტორია.

გასაკებაია, რომ ბერძნული და ხეთური ვერსიები ზედმიწევნით არ ემთხვევა ერთმანეთს. მიკენელებისთვის ეს დიდი გამარჯვება იყო, ხეთებს სულ კუდით ქვა ასროლინეს და ამიტომაც ამბები უფრო გაზვიადებულია. რაც შეეხება ხეთებს, ტროას ომი მათთვის მხოლოდ გამაღიზიანებელი ეპიზოდი შეიძლება ყოფილიყო და ისიც მარჯვე იმპერიული დიპლომატიის მეშვეობით მოგვარდა.

ცხადია, რომ მართლაც არსებობდა ტროა და ომიც ნამდვილად მოხდა, შესაძლოა, არაერთიც, და მასში ჩართული იყვნენ ძველი ბერძნები. თანამედროვე გეოგრაფიული და გეოლოგიური მონაცემები გვიჩვენებს, რომ ჰომეროსის მიერ აღწერილი ტროა და მისი შე-

მოგარენი ზედმიწევნით ზუსტია. ერთადერთი, რასაც ვერასოდეს გავიგებთ, არის ის, მართლაც ათ წელიწადს გრძელდებოდა თუ არა ომი. ნამდვილად იმ მიზეზით დაიწყო ბრძოლა, როგორც ჰომეროსი აღწერს — როცა ღმერთებმა და ქალღმერთებმა სხვადასხვა მხარე დაიჭირეს — თუ ეს იყო ბრძოლა მხოლოდ კომერციული უპირატესობის მოსაპოვებლად.

როგორც ჩანს, ტროას ცხენის არსებობის იდეას მყარი საფუძველი აქვს, რომელიც ახლა ჩვენთვის ცნობილი მიკენელთა სამხედრო ტექნოლოგიის მიხედვით შეიქმნა. ძვ. წ. XIII საუკუნეში ომის დროს უკვე იყენებდნენ ხის სააღყო კოშკურებსა და კედლის სანგრეე მორებს (იგივე ტარანი). ჰომეროსის პოეტური ენით გადმოცემულ ამბავში ის, რამაც ტროას კედელი შეანგრა და შიგ შესვლა გააადვილა, თავისუფლად შეიძლება იყოს ცხენი ყოფილიყო. ჰომეროსისთვის დამახასიათებელი იყო ამბის შელამაზებით გადმოცემა. ის უფრო პოეტი გახლდათ, ვიდრე ისტორიკოსი. სწორედ მისმა პოემებმა შემოინახა ტროაზე და ტროას ომების შესახებ ამბავი, რომელმაც საუკუნეებს გაუძლო.

მომზადებულია National Geographic-ის გამოცემა „ისტორიის საიდუმლოებანის“ მიხედვით

კადრი კინოფილმიდან „ტროა“



რუსტამი — ნაპოლეონის მამლუქი

ნაპოლეონის მამლუქის, რუსტამის სახელი ქართველი საზოგადოებისთვის საკმარისად ცნობილია, მაგრამ რუსტამის წარმომავლობის შესახებ ისტორიულ ლიტერატურაში აზრთა სხვადასხვაობა არსებობს. ერთნი ფიქრობენ, რომ რუსტამი თბილისელი და ქართველი იყო, მეორენი კი მას სომეხად მიიჩნევენ. რა ელსაფუძვლად ამ გაუგებრობას?

„რუსტამ რაზა“. ფაკ ნიკოლა პაიო დე მონტაბერი, 1806



ნაპოლეონის მსახური კონსტანი თავის მემუარებში „ნაპოლეონის პირადი ცხოვრების აღწერა“, ხაზგასმით აღნიშნავს, რომ რუსტამი დაიბადა თბილისში და წარმოშობით ქართველი იყო. იმავეს წერს რუსტამის ერთ-ერთ ბიოგრაფი ჰექტორ ფლეიშმანი წიგნში „რუსტამი — ნაპოლეონის მამლუქი“. რუსტამის ქართველობის ვერსიის მომხრეთა მთავარ ამოსავალ წერტილს, ცხადია, ის ფაქტი წარმოადგენს, რომ იგი თბილისში დაიბადა. ფრანგი ისტორიკოსი ჟან საენი წიგნში „მამლუქები და ნაპოლეონი“ დასძენდა: „რუსტამს ქართველს უწოდებენ იმიტომ, რომ დაიბადა თბილისში“. თბილისში დაბადება, ბუნებრივია, არ ნიშნავდა მის ქართველობას.

რუსტამის ქართველობის ვერსიას, ცხადია, ფართო გამოძახილი ჰქონდა საქართველოში. ეს იდეა გვხვდება როგორც სამეცნიერო ლიტერატურაში, ისე სიტყვაკაზმულ მწერლობაში. მიხეილ ჯავახიშვილი რომანში „არსენა მარაბდელი“ გამჭვირვალედ მიგვანიშნებს რუსტამის ქართველობას. არსენა წერილს უგზავნის რუსტამს, როგორც ტომით ქართველს. ქართულ ისტორიოგრაფიაში ამ მოსაზრების მთავარ ტონის მიმცემად ცნობილი ქართვე-

ლი ისტორიკოსი გივი ჟორდანიას გვევლინება. მისი აზრით, იგი იყო ქართველი როსტომ რაზმაძე.

უნდა ითქვას, რომ მტკიცების თვალსაზრისით რუსტამის ქართველობის ვერსია მოიკოჭლებს. თბილისში დაბადება სულაც არ ნიშნავს, რომ ის აუცილებლად ქართველი იყო. სასურველს შესაძლებლად ხომ არ მივიჩნევთ?

ამ საკითხში ქართულ ისტორიოგრაფიაში ერთსულოვნება არ არსებობს და ამისთვის გვერდის ავლა, ალბათ, სწორი არ იქნებოდა. აქ, რა თქმა უნდა, ვგულისხმობთ ისტორიკოს ილია ტაბაღუას თვალსაზრისს. ჩანს, ის რუსტამის ქართველობის ვერსიას სექპტიკურად უყურებდა. იგი არ უარყოფს, რომ რუსტამი თბილისელია, მაგრამ არ აკონკრეტებს, ქართველია თუ სომეხი.

არსებობს სხვა მოსაზრებაც. ფრანგ ისტორიკოსთა მეორე ნაწილი უფრო იმ აზრისკენ იხრება, რომ რუსტამი სომეხი უნდა იყოს. რას ემყარება მათი შეხედულება? რა არგუმენტაცია არსებობს რუსტამის სომხური წარმომავლობის სასარგებლოდ? ამ ვერსიის მომხრეები უმთავრესად ვერდნობიან რუსტამის მემუარებს, რომელშიც იგი პირდაპირ ამბობს, რომ

ყოველ პარასკევს,
 ჟურნალ „საბავშვო
 ჟარუსელთან“ ერთად,
 დიდი ქართველების
 ბიოგრაფიების
 თითო წიგნი!



9 - დან -
 16 სექტემბრამდე

მაღე გამოკვა:

- 20 ქაქუცა ჩოლოყაშვილი
- 21 ნატო ვაჩნაძე
- 22 მეფე ერეკლე II
- 23 პეტრე მელიქიძე
- 24 გიორგი ბრწყინვალე
და სხვა დიდი
ქართველები



წიგნის ფასი 2.50
 (ჟურნალთან ერთად 3.50)

დიმიტრი უზნაძე

შემდეგი
ქაქუცა
ჩოლოყაშვილი



გამოქანილი
აღამიანების ბიოგრაფიები

წიგნების სერია ბავშვებისთვის



„საპატიო ორდენის ლეგიონის პირველი ვადაცემა 1804 წლის 5 ივლისს“. ჟან-ბატისტ დებრე, 1812

სომეხია. მისი მამა იყო რაზა უნანი, ხოლო დედა – ბუღჩი ვარი. მისი ნამდვილი სახელია როსტომ რაზა. საფიქრებელია, რომ აქედან მოდის ვერსია, თითქოს ის იყო როსტომ რაზ-მაძე, რაც ერთობ ხელოვნურია. მშობლები ვაჭრები იყვნენ და ცხოვრობდნენ თბილისში. ამიტომ მწელია დავეთანხმით კონსტანს, თითქოსდა „რუსტამი წარჩინებულ ქართულ ოჯახს ეკუთვნოდა“.

უახლესი ქართული ისტორიოგრაფია უფ-

რო იმ თვალსაზრისისკენ იხრება, რომ რუს-ტამი თბილისელი სომეხი უნდა იყოს. ამ მოსაზრებას იზიარებს საქართველოში ნაპოლეონის საზოგადოების თავმჯდომარე, პროფესორი ალექსანდრე მიქაბერიძე ნაშრომში „გვიპტური კამპანია. ნაპოლეონი მამლუქების წინააღმდეგ“. ამ მოსაზრებას უჭერენ მხარს ქართველი აღმოსავლეთმცოდნეები. პროფესორი გოჩა ჯაფარიძეც ფიქრობს, რომ რუსტამი თბილისელი სომეხი იყო.

* * *

ნაპოლეონის მამლუქი რუსტამი დაიბადა 1780 წელს თბილისში. 11 წლისა იყო, როდესაც მოიტაცეს. 1794 თუ 1795 წელს გატაცებული ბიჭი იყიდა ერთმა ვაჭარმა ჩრდილოეთ კავკასიიდან. მცირე ხნის შემდეგ იგი მოხვდა კონსტანტინეპოლის მონათა ბაზარზე, სადაც მამლუქთა ერთ-ერთი თავკაცის, სალა-ბეის ნდობით აღჭურვილმა პირმა შეიძინა. ასე აღმოჩნდა რუსტამი ეგვიპტეში. 1799 წელს იგი უკვე შეიხ ელ-ბეკრის ამაღალშია. როგორც ჩანს, ნაპოლეონს რუსტამი პირველად შეხვდა 1799 წლის 14 ივნისს. ეს მოხდა ქალაქ კაიროში. თანამედროვენი აღნიშნავენ, რომ ელ-

9 juin 2007: Année de l'Arménie en France
 A Roustam RAZA.
 arraché à 13 ans à sa famille arménienne
 par l'Empire Ottoman et vendu 7 fois comme esclave.
 Offert à l'Empereur Napoléon I^{er} par un sheik égyptien
 en août 1799, il a participé à toutes les campagnes
 et a servi fidèlement l'Empereur pendant 15 ans.
 L'Association des Anciens Combattants
 et Résistants Arméniens. reconnaissante

ბეკრიმ ნაპოლეონს აჩუქა შავი არაბული ცხენი და რუსტამი. ნაპოლეონს სურდა, რომ მის ამაღლაშიც ყოფილიყო მამლუქი. ნაპოლეონმა რუსტამი თავის პირად დამცველად დანიშნა. ამის შემდეგ იგი ნაპოლეონს გვერდიდან აღარ მოსცილებია.

რუსტამი ნაპოლეონთან ერთად იბრძოდა, მონაწილეობდა სამხედრო აღლუმებში, საზეიმო ცერემონიალებში. ცხადია, ესწრებოდა ნაპოლეონის იმპერატორად კორონაციას 1804 წლის 2 დეკემბერს პარიზის ღვთისმშობლის ტაძარში. გამოჩენილმა ფრანგმა მწერალმა ონორე ბალზაკმა მას „სახელგანთქმული მამლუქი“ უწოდა.

ნაპოლეონი პატვის სცემდა რუსტამს. მან მამლუქს საკმაოდ მაღალი ანაზღაურება დაუნიშნა. ყოველი სამხედრო ოპერაციის შემდეგაც გულუხვად აჯილდოებდა. ცნობილია ისიც, რომ 1806 წელს რუსტამის ქორწილის ხარჯები მთლიანად ნაპოლეონმა გაიღო.

რუსტამის მცდელობა, მოექებნა თავისი მშობლები, უშედეგო აღმოჩნდა...

დადგა 1814 წელი. ნაპოლეონის ერთგული რუსტამი ამჯერად იმპერატორის მოღალატეთა შორის აღმოჩნდა. მართალია, შემდგომ შეეცადა შეცდომის გამოსწორებას, თუმცა ამოდ დაშვრა. „ასი დღის“ დროს რუსტამმა ნაპოლეონს შესთავაზა თავისი სამსახური, მაგრამ ნაწყენმა იმპერატორმა ცივი უარით გაისტუმრა.

თეთრ ტერორს, რომელმაც იმსხვერპლა მიშელ ნეი და ბრუნი, რუსტამი როგორღაც გადაურჩა, მაგრამ ხელისუფლებაში დაბრუ-

უახლესი ქართული ისტორიოგრაფია უფრო იმ თვალსაზრისისკენ იხრება, რომ რუსტამი თბილისელი სომეხი უნდა იყოს. ამ მოსაზრებას იზიარებს საქართველოში ნაპოლეონის საზოგადოების თავმჯდომარე, პროფესორი ალექსანდრე მიქაბერიძე. ამ მოსაზრებას უჭერენ მხარს ქართველი აღმოსავლეთმცოდნეები. პროფესორი ვოჩა ჯაფარიძეც ფიქრობს, რომ რუსტამი თბილისელი სომეხი იყო

ნებული ბურბონები მას ეჭვის თვალით უყურებდნენ. როგორც ისტორიკოსები აღნიშნავენ, ბურბონთა რესტავრაციის დროს რუსტამს პოლიცია მეთვალყურეობდა.

1830 წლის რევოლუციის შემდეგ რუსტამი თავისი მეუღლის მამულში, ღურდანში დასახლდა. რუსტამი კიდევ ერთხელ გაიხსენეს 1840 წლის 15 დეკემბერს, წმინდა ელენეს კუნძულიდან პარიზში ნაპოლეონის ნეშტის გადმოსვენებისას. იგი, ცხადია, ამ ისტორიულ ცერემონიაში მონაწილეობდა.

რუსტამი გარდაიცვალა 65 წლის ასაკში, 1845 წელს ღურდანში და დაკრძალეს იქვე. ისტორიკოს ვარუჟან პოლოსიანს მოჰყავს ერთი საინტერესო ფაქტი. მის გარდაცვალებას გამოეხმაურა მხითარიანული კონგრეგაციის ჟურნალი, რომელიც გამოიცემოდა იტალიაში, ვენეციაში. სხვათა შორის, არსებობს ვერსია, რომ ამ ეკლესიის გადარჩენაში წვლილი რუსტამსაც მიუძღვის.

მერაბ კალანდიაძე



„ტიფლისის ხედი“
ივან აივაზოვსკი, 1868



ლუდი

თრიალეთის
ვორლანზე
აღმოჩენილი
ვერცხლის თასი

სამართვალოს მთის წმინდა სასმელი

თრიალეთის ყორღანზე, გასული საუკუნის 30-იან წლებში აღმოჩენილმა ქართული ტყეღური ხელოვნების შედევრმა, ვერცხლის თასმა მრავალკომპოზიციანი სიუჟეტით, ჩვენი შორეული წინაპრის თანაზიარობა ძველი აღმოსავლეთის მაღალ ხელოვნებასა და რელიგიასთან კიდევ ერთხელ დაადასტურა. თასზე შესრულებულია სარიტუალო მსვლელობა წმინდა სასმელით, ის ძვ.წ. XVIII-XVII საუკუნეების საკულტო და სამეურნეო ურთიერთობებზე მნიშვნელოვან მინიშნებებს შეიცავს.

ვერცხლის თრიალეთური თასი ე.წ. უნაკერო ნაკეთობაა, ჩარხზე ერთი მთლიანი ფურცლისგან არის დამზადებული და ამ მხრივაც უნიკალურია. ბრტყელძირა და მუცელფართო სასმისი ორ ნაწილადაა გაყოფილი. დაბალ ფრიზზე დედალ-მამალი ცხრა ფურირეში განაყოფიერების საერთო მინიშნებით ერთი მხრისკენ მიემართება. ზემოთ, მეორე ფრიზზე ოცდაორი ნიღბიანი მამაკაცია, ხელში მაღალი თასებით უფროსი ღვთაებისკენ მიმავალნი. მათ მოკლე ქულაჯები და ჭვინტიანი ფეხსაცმელი აცვიათ — ხეთური ხელოვნების ძეგლებზე გამოსახული ფიგურების მსგავსად. ნიღბები ოსირისის დღესასწაულის წარმართველ ქურუმთა ცხოველის ნიღბებს წააგავს. უფროსი ღვთაება სავარძელში ზის და მასაც ხელში მაღალი თასი უჭირავს. მის წინ დიდი ფეხიანი ჭურჭელია, ხოლო ჭურჭლის იქით და აქეთ სამსხვერპლო ცხოველები. ღვთაების უკან სიცოცხლის ხეა — ყველა დროის ხალხთა უნივერსალური სიმბოლო...

მეცნიერ-მკვლევართა უმეტესობა, ვინც თრიალეთის თასის სიუჟეტის ახსნას შეეცადა, მიიჩნევს, რომ ის ღვინისთვის უნდა ყოფილიყო განკუთვნილი. ეს ბუნებრივია მეღვინეობის უძველესი ქვეყნისთვის, თუმცა ასევე შეგვეძლოს გვეფიქრა, რომ ამ თასს არა მხოლოდ წმინდა სასმელად შერაცხილი ღვინით

აღავსებდნენ, არამედ ლუდიც, რომელიც ასევე წმინდა სასმელად მიიჩნეოდა უძველესი დროიდან და რომლის სამშობლოს ძიებას შუამერთა ქვეყანაში მივყავართ.

ძველი ქართული ტერმინი „ქაშქი“ აღნიშნავს ნადუღარი ქერის წვეს, რაც სხვა არაფერია, თუ არა ლუდი. მეცნიერები ფიქრობენ, რომ ქართული „ქაშქი“ მიღებული უნდა იყოს შუმერული ტერმინისგან „ქაშ“, რომელიც შუმერში სხვადასხვა სახეობის ლუდის სახელწოდება იყო. იმ დროისთვის შუმერები თვრამეტი სახეობის ლუდს მაინც ხარშავდნენ.

ამ მოსაზრებათა სასარგებლოდ თრიალეთის თასის სიუჟეტი შესაძლოა შევადაროთ იზოლირებულ გარემოში — საქართველოს მთაში შემონახულ საწესო-სარიტუალო დღესასწაულებს.

უძველესი ხალხებიდან ლუდს შუმერების გარდა ხარშავდნენ ხეთები, ეგვიპტელები, ებრაელები, სპარსელები, ურარტუელები და მოგვიანებით სომხებიც. მაღე სომხებში ლუდმა დეგრადაცია განიცადა, ხოლო ქართველებში პირიქით, მისი წარმოების კულტურა განმტკიცდა და მთიელთა საკულტო ტრადიციულ წეს-ჩვეულებებში უდიდესი ადგილი დაიჭირა.

დღეს უკვე დანამდვილებით შეიძლება თქმა, რომ ლუდის სამშობლო ძველი ცივილი-

ლუდის სმა
ლერწმის
ღერებით. ძველი
შუამდინარეთი



მთაში არა მარტო სარიტუალო დღესასწაულები, არამედ, ფაქტობრივად, ყველაფერი მნიშვნელოვანი ლულს უკავშირდებოდა და ლულით იყო განწმენდილ-გაპატიოსნებული — ვაჟიშვილის ძეობიდან დაწყებული, მოჩხუბარ-მოშულართა შერიგებით დამთავრებული.

ზაციის აკვანი — შუამდინარეთია. ორიენტაციისტმა სემიუელ კრამერმა შუემერში წერილობითი ძეგლის ნაშთებს მიაკვლია — მიწათმოქმედის, ანუ გლეხის კალენდარს, სადაც ვკითხულობთ: „როცა შენ მარცვლის ლექვას შეუდგები, ხალხი მოაშხადე, კალო კარგად მოასწორე, საზიდრები გამართე, პირი გაეხსნება მარცვალს და კვერით გაილექება იგი, რა-

თუში დეკანოზი სალულე ქვაბთან



საც ხუთი დღე მოუნდები, შემდეგ კი გამოაცხვე კვერები“. ეს ტექსტი ორი გლეხის საუბარს ჰგავს. ლულზე ტექსტში ჰირდაპირ არაფერია ნათქვამი, თუმცა ჰამურაბის დროინდელ ბაბილონურ საბეჭდავზე ასახულია ლულის გამოყენების ცერემონიალი, რომელიც საღმრთო სასმელის ზიარების რიტუალს უნდა გამოხატავდეს.

ამ მოსაზრებისკენ გვიბიძგებს ერთ-ერთი ხეთური საბეჭდავის შედარება თრიალეთის თასთან. აქაც ერთი ფიგურა საგანგებო სკამზე ზის, იქვეა საკრალური ცხოველი, სიცოცხლის ხეთა სქემატური ვარიანტები და დიდი ჭურჭელი, რომლიდანაც ლერწმის ღეროებით მიერთმევენ ლულს დიდი და მცირე ღვთაებანი. ვფიქრობ, ამ ორი სიუჟეტის შედარებაც ადასტურებს ძველი შუამდინარეთისა და კავკასიის ხალხთა ეთნოკულტურულ ნათესაობას.

ძვ.წ. III ათასწლეულის დამდეგიდან ეგვიპტეში ლულის წარმოება უკვე ეჭვიუტანლად დასტურდება. ამ საქმეში პრიორიტეტი ქალებს მოუპოვებიათ.

„ჰამურაბის კანონებში“ ლულს საგანგებო ადგილი აქვს მიჩენილი. სასჯელის უმაღლესი ზომა იყო გათვალისწინებული მელუდისთვის, რომელიც სასმელის ფალსიფიცირებას შეეცდებოდა.

* * *

საჟურნალო სტატია საშუალებას არ გვაძლევს ვრცლად მიმოვიხილოთ ის არგუმენტები, რომლითაც დგინდება, ვისგან უნდა გადმოედოთ ქართველებს ლულის წარმოების ტრადიცია. ყველა გზა ძველი აღმოსავლეთისკენ მიდის და ქართული ლულის გენეზისის უძველესობას ადასტურებს. რატომ შემოინახა მთამ ლულის მოხმარების ჩვევა და არა ბარმა, ეს უბრალო მიზეზით აიხსნება: საქართველოში უმთავრესი ყურადღება გადატანილი იყო ბარის მევენახეობა-მეღვინეობაზე. სხვათა შორის, ქართული ეთნოგრაფიული მეცნიერებაც იმ ტერიტორიას, სადაც ვაზი ხარობს, ბარად მიიჩნევს, ხოლო სადაც არა — მთად.

კახეთში ხვესურებს, არცთუ იშვიათად, ხატის მამულეები გააჩნდათ. იქ კახელებს ღვინოს აყენებინებდნენ და დიდი ხატობისას ხვესურეთში აჰქონდათ. მაგრამ ამას ფრაგმენტული ხასიათი ჰქონდა. მთიელები: ხვესურები, თუშები, მოხვევები და ფშაველები ძირითადად თავიანთი გამოხდილი ლულით დღესას-

წაულობდნენ. დღესასწაული კი გაგიხარია, საკმარისად იყო...

ლუდის გამოხდის ტრადიცია საქართველოში დღეს ყველაზე კარგად დაცულია ხევსურეთსა და განსაკუთრებით თუშეთში. მას აქვს სენონური ხასიათი და დაკანონებული ვალდებულებები: თუ თუშს შულტობა (იგივე დეკანოზობა, აქ კი რიტუალის ხელმძღვანელობა) მოუწევს, იგი ვალდებულია ავიდეს სალოცავში, ლუდი მოადლოს და სადღესასწაულოდ მისულთ უმასპინძლოს.

ხევსურეთსა და ფშავეში გავრცელებული იყო ხატისადმი მამულის შეწირვის წესი. შემწირველი, ერთ-ერთი დღეობის დროს თავისი მამულიდან წამოიღებდა ერთ მუჭა მიწას და საკლავსაც მიუმატებდა. საკლავს დაკლავდნენ, შემომწირავი მიწას ხატის ეზოში მოაბნევდა და დაილოცებოდა. ამის შემდეგ ეს კაცი მამულზე ხელს იღებდა და იგი უკვე ხატის საკუთრებად ითვლებოდა.

პირიქითა ხევსურეთში გადაიხდებოდა დღეობები „საბურდუხაო“ და „საიმედურო“. ამ სახელის მატარებელნი იყვნენ ოჯახები, რომლებიც სხვადასხვა მიზეზთა გამო ამოწყდნენ და მათი მიწა ხატისად იქცა. სანაცვლოდ, ჯვარში მათ სულებს იხსენიებდნენ: მათ მამულებზე მოწეული ქერიდან საგანგებოდ გამოიხდებოდა ლუდი. დანიშნულ საღამოს ხუცეს-დასტურნი ლუდიან კოდთან დადგამდნენ ტაბლებს, აანთებდნენ სანთლებს, ამოიღებდნენ თასით ლუდს და ხუცესი შეუდგებოდა „სულის ხუცობას“, ანუ მამულის გარდაცვლილ პატრონთა მოსახსენებელს, რის შემდეგაც ყველა იქ დამსწრე, მორიგეობით ახსენებდა გარდაცვლილს და შესვამდა ლუდს.

ხატის მამულზე მოწეული ხორბლეული წმინდად ითვლებოდა. თუ ხატს საკუთარი ბედელი ჰქონდა, მოსავალიც იქ ინახებოდა, თუ არადა, რომელიმე გამორჩეული სახლის ჭერხოში. ამ ხორბლეულის მოპარვა, მითვისება ან რამე ფორმით განიავება ყოვლად დაუშვებელი იყო. სახატე ხორბლის ძირითადი ნაწილით ხდიდნენ ლუდს, უპირველეს სარიტუალო სასმელს ყველა დღესასწაულისას. უმისოდ დალოცვაც ვერ ითქმებოდა.

ხატის მიწას იმ გათვლით ამუშავებდნენ, რომ რიტუალისთვის სალუდე მასალა საკმარისი ჰქონოდათ. თუ ხატი უმამულო იყო, მაშინ ხევსებური მოუწოდებდა ხალხს და ამათ უნდა მიეტანათ ხატში თავისი წილი სალუდე ფორი, შეშა, წყალი და სხვ.



საზარე



საკოლე



ხასმისები



სახუცო კოჭობი

სალოცავში სხვადასხვა სარიტუალო დარბაზისა და სადგომის გვერდითაა სალუდე ნაგებობა: სიპი ქვისგან აგებული, ზოგან ორფერდა, ზოგან კი ბანური — სიპებითვე გადახურული. სალუდე-საქვაბეს აქვს ერთი შესასვლელი, საიდანაც შუქიც შედის. საქვაბეში გამართულია სპილენძის ორი დიდი ქვაბი. ქვაბს შემოწვობილი აქვს სიპი ქვები, იგი ჩაშენებულია და უძრავადაა, ამიტომ მის გამოსარეცხად შიგ ჩადიან და საგულდაგულოდ ხეხენ. ზოგან ქვაბი დიდი რკინის ჯაჭვით მსხვილ

ძელზეა ჩამოკიდებული, მაგრამ გვერდებიდან მასაც ქვებით ამაგრებდნენ. ქვაბის ძირში შესისთვის ადგილია დატოვებული. სადღეობო ლუდის სახარში ქვაბების ტევადობა 300-დან 700 ლიტრამდეა!

ზოგან ცალკეა და ზოგან სალუდეშივე საკოდე, სადაც ინახება ლუდის ჭურჭელი — ხისგან გამოთლილი სხვადასხვა ზომის კოდები, ქვაბები, ჩხუტები, ხის დიდი კოვზები, ლათბანუ გეჯა, რომელშიც ლუდი უნდა გაიწუროს და სხვ.



ხატის ყანებში მოწეული მარცვლეული ინახება ხატისვე ბელელში, სადაც სხვადასხვა სათავსში იყრება დახარისხებული მარცვლეული როგორც ლუდის, ასევე ქადა-ხმიადებისთვის. ლუდს მთიელები ხდიან როგორც სარიტუალოდ, ასევე ოჯახისთვისაც.

ქართველი მთიელები ლუდს ძირითადად ქერისგან ადულებდნენ. გამოხდისთვის უპირველესია ალაოს, ანუ ფორის მომზადება. ეს გულისხმობს ქერის მარცვლის დაღობას, დაღვივებას, გახმობასა და დაფქვას. გამხმარი ქე-

რი წისქვილში მსხვილად დაიროშება, ტომრებში ჩაიყრება და ბნელ ადგილას შეინახება. ლუდის დუღებისთვის სამზადისი დღესასწაულამდე შვიდი-რვა დღით ადრე იწყება, რასაც ხვესურეთში „ქვაბების დაყრას“ უწოდებენ, თუშეთში კი „ქვაბების შეკიდებას“. საუკეთესო პროპორციად მიიჩნევა ერთ საწყაო ფორის ფქვილზე ერთი საწყაო წყალი. თუმცა კი ხშირად ერთ წილ ფორს ორ წილ წყალს ასხამენ.

* * *

შერეულ მასას სალუდე ქვაბში განუწყვეტლივ ურევენ ჯოხით. მას ბოლოზე რკინის თხელი ფირფიტა აქვს დამაგრებული, მორვეისას რომ სიმტკიცე ჰქონდეს. როცა წყალი და ფორი კარგად აირევა, ცეცხლს აანთებენ. ქერისა და წყლის ნაზავს გამუდმებით ურევენ, რათა ფქვილი არ შეიკოლტოს. ცეცხლიც ზომიერი უნდა იყოს, მასა რომ ნელ-ნელა ადუღდეს. ამას ყველაფერს აკონტროლებენ დასტურები. როცა მასა ადუღებისკენ წავა, „შეიბუჯდება“, მომატებს და თუ ადუღდა, ქვაბიდან გადმოსვლაც დაიწყებს... სანამ ეს მოხდება, ლუდის მდუღებელი ამ ქაფიან მასას დიდი ხის კოჯხით, ე.წ. კოშით მოხსნის და სხვა ქვაბში გადაიტანს. როცა ქაფი მთლიანად მოეხდება, ქერის წვენი მთოუხთუხე შედაპირი გამოჩნდება, რითაც ზომიერი დუღილის პროცესი იწყება.

სალუდე მასა, როგორც წესი, დუღილისას ჯერ იმატებს და რომ არ დაიღვაროს, შემოთა ნაწილი ცალკე ქვაბში გადააქვთ, შემდეგ რომ ისევ დაუმატონ. როცა მთლიანი მასა სასურველ დონემდე დავა, ხარშვა უნდა დასრულდეს. ქვაბს ცეცხლს გამოუნელებენ და წვენსაც გემოს გაუსინჯავენ. იგი მოტკბო, სქელი და წებოვანი უნდა იყოს.

ქვაბს ადროვებენ, რომ ნახარშის უხეშმა მასამ ძირზე დაიწყოს დაღექვა. ზედა ნაწილი მალე ისე გაიწმინდება, რომ გაწურვა არც სჭირდება და პირდაპირ გადაიღებენ სხვა ჭურჭელში. ტკბილის მღვრიე ნაწილს კი წურავენ ძელზე ჩამოკიდებულ თხის მატყლის ტომრებში, რომლებიდანაც გაწურულ-გაფილტრული წვენი ხის ან სპილენძის გეჯაში — ლაბიბში უნდა ჩავიდეს. თავდაპირველად წვენი თავისით გადმოდის, მაგრამ დარჩენილი სქელი მასა უკვე უნდა გამოიწუროს...

დადუღებულ და გაწურულ ტკბილს (სისწვენი, ზისწვენი) ჩაასხამენ ხელახლა გასუფთავებულ ლუდის ქვაბში და სვეს (სვიას) დააყრიან.



ხატის
დროშები

**რაოდენობის ნახევარი მაინც
დაეყრება. ასეთი პროპორცია ლუდს
„სიმწარესა და დათრობას“ სძენს.**

ქვაბებში ტკბილსა და სვიას კვლავ ადუღებენ, სანამ არ მოიხარშება და შხად არ იქნება საფუებლად. ლუდის გამოხდისას ფუება ყველაზე მნიშვნელოვანია — იმდენად, რომ აქამდე ჩამოთვლილ პროცედურებში ძირითადად დასტურები და შულტები მონაწილეობენ, სვიის ფუებას ხვეისბერი წარმართავს. აქ უკვე შემოდის ერთგვარი მისტერიული სულისკვეთება, იმის აშკარა გამოხატულებით, რომ ფუება შეუძლია მხოლოდ იმ კაცს, ვინც ღმერთსა და ხალხს შორის შუამაჟღერია. აქედან იკვეთება ლუდის, როგორც სარიტუალო სასმელის ხასიათი.

საფუვრად გამოიყენება ადრე მოდულებული ლუდის ქაფი (ხვესურულად ჭიჭი, ფშაურად ჩამა, თუშურად წვერის თხლე). ხვეისბერმა გამოცდილებით იცის, რა ტვეადობის კოდს რამდენი საფუარი მოუნდება. საფუვრის სისწვენში შერევას ფშავ-ხვესურნი „მაყრას“ უწოდებენ.

მესაფუვრე ხვეისბერი ყოველი კოდის ასადულებლად გაშნადობისას უნდა განიბანოს — ლუდი სარიტუალო სასმელია, ამიტომ ლუდის გამოხდელი სუფთა უნდა იყოს სხეულითაც და სულითაც.

საფუარმიცემულ კოდებს სუფთა ფარდაგებს მჭიდროდ გადააკრავენ. ფუილი, ანუ ლუდის დუღილი ზამთარში ექვს-შვიდ დღეს გრძელდება, ზაფხულში კი ორი-სამი დღეც ჰყოფნის. კარგად ნადუღარ ლუდს ჭიჭი-ქაფი შემოდან ადგეს თხლად, ხოლო თუ კარგად ვერაა ნაფუები და დაწმენდილი, იმით მიხვდებიან, რომ ქაფი მაღლაა წამოსული და ლუდი — ამღვრული. ასეთ შემთხვევაში კოდინან ერთ ჩხუტ ლუდს ამოიღებენ, გააცხელებენ, უკანვე ჩააბრუნებენ და ერთი დღე-ღამის განმავლობაში ფუება უნდა დასრულდეს, ამის შემდეგ ლუდი უნდა დადგეს და კოდებიც გაიხსნება.

ხვეისბერნი და დასტურნი ადიდებენ და ლოცავენ ლუდიან კოდს. მოაშორებენ ქაფს, ლუდს ვერცხლის სახუცო თასით ამოიღებენ და კოდთან დადგამენ. რამდენიმე სანთელს ერთად გადაახვევენ და კოდზე დააკრავენ. პატარა სანთლებს ვერცხლის ლუდიან თასს მიაკრავენ და ხვეისბერი დაიწყებს მთავროვნის დიდებას. ლოცვის შემდეგ ლუდს მოსვამს,

■ სვია უძველესი დროიდან ხარობდა საქართველოში, მაგრამ მთაში ის ძალიან ცოტაა. ხვესურები და ფშაველები მას ყიდულობდნენ ან ნატურალურ საქონელზე ცვლიდნენ. ძირითადად ქართლიდან, კახეთსა და ჩრდილოეთი კავკასიიდანაც კი მიჰქონდათ და კარგად გამოშრალს ინახავდნენ. ლუდი საუკეთესო მაშინ გამოვა, თუკი სვია ფორის

მერე წრეში დაატრიალებს და საბოლოოდ მას-
თან მისულს თავადვე გამოცლის.

ახალდადუღებული ლუდი საუკეთესო გე-
მოვნებით გამოირჩევა. მთიელმა კარგად იცის
ლუდის ფასი. მისი ცხოვრების ბედნიერი დღე-
ები სწორედ ლუდს უკავშირდება. ერთი მისი
ნატვრა ლუდის გამოუღველობაცაა: „დგომაც
ქნა შავის ლუდისა, გათავდის — წესიმც არ
იყვა“.

მთაში არა მარტო სარიტუალო დღესას-
წაულები, არამედ, ფაქტობრივად, ყველაფერი
მნიშვნელოვანი ლუდს უკავშირდებოდა და
ლუდით იყო განწყობილი-გაპატიოსნებული —
ვაჟიშვილის ძეობიდან დაწყებული, მოჩხუბარ-
მოშულართა შერიგებით დამთავრებული.

* * *

თითქოს აღარ იყო იმედი, რომ ქართველი
მთიელი სალოცავში ზარებს დააჟღერებდა,
სალუდებში ქვებებს „დაყრიდა“, კოდებს დააუ-
სებდა და ღვთის სადიდებელს წარმოთქვამდა,
მაგრამ გადაიარეს ღვარცოფიანმა ქარიშხ-
ლებმა და ბარში ჩასუდრულმა თუშმა და ხვე-
სურმა, ფშაველმა და მოხვევმ თავისი სალო-
ცავები გაიხსენა, აღარ დააყენა სახლში ლა-
შარის ჯვარის ჩვენებამ, აიკიდა მცირე ბარგი
და კვლავ გაახშირნა შამში ჩაყურსული ნა-
სახლარები, სალუდები, საკოდები და დიდი
სალოცავები.

მოვა თუ არა ათენგენობა-ათნიგენობების
დღესასწაულები, ბარელები შეამზადებენ სურ-
სათ-სანოვანს და მამა-პაპათა სალოცავებში
გასწვენენ. ვინ ცხენით, ვინ ხარ-ურმითა და ვინ
მანქანებით...

სადღეობო სუფრებზე ღვინოც ბლომად
ჩანს, მაგრამ ყველანი მოუთმენლად ელოდე-
ბიან „მშობლიურ“ ლუდს, რომელსაც კეტ-
გაყრილი დიდი ქვებებით გამოიტანენ ახალ-
გაზრდები. ხვეისბერი მოკრძალებით შეამზა-
დებს სახუცო კოჭობს, აუვსებენ უკვე ნაკურ-
თხი ლუდით, ისიც ხატსა და ჯვარს თავს და-
უდრეკს, დაამწყვალობებს, კიდევ ერთხელ მო-
იხსენიებს სალოცავებს: კოპალას, იახსარს,
ლაშარს, ჭიხალეს, წმინდა გიორგის, მთავა-
რანგელოზს, დედა მარიამს... მერე სახუცო
კოჭობს მადლა ასწევს, ჯვარიონს ხატობას
მიულოცავს და იწყება ხალხური დღესასწა-
ულის ზეიმური დინება, სადაც სიუხვე, სიყ-
ვარული და ერთიანობის უძვირფასესი გან-
ცდაა...

ელდარ ნალირაძე

ხატი



ლუდის ხარშვა



სარიტუალო ლუდის თასი



ხობოხ ბაქინან ხავხასიანი აბხანეები

ერთ-ერთი დიდი ერის მემკვიდრედ უდიანის მხირარისხოვანი ეთნოსი უამოჩა...

უდიები (უტიები) სამხრეთ კავკასიის ერთ-ერთი ძველი, მკვიდრი ეთნოსია. ცხოვრობენ აზერბაიჯანსა (სოფლები ვართაშენი, ახლანდელი ოღუზი და ნიჯი) და საქართველოში (ყვარლის რაიონის სოფელი შინობიანი). საქართველოში უდიები 1920-1922 წლებში ვართაშენიდან გადმოსახლდნენ. სოფლის თავკაცმა შინობი სილიკაშვილმა თანამემამულეები სისხლიან დაპირისპირებას გამოარიადა. მათ მშვიდობიანი თავშესაფარი საქართველოში იპოვეს: აზერბაიჯანის მოსაზღვრე საქართველოს ყვარლის რაიონში დასახლდნენ. უდიებს აქ მუხნარი ტყე გაუკაფეთ და ახალი სოფელი — შინობიანი დაუარსებიათ. უდიები დღეს ცხოვრობენ აგრეთვე რუსეთის ფედერაციის როსტოვის ოლქსა და კრასნოდარის მხარეში. აქ უდიელთა მიგრაცია ძირითადად 1980-იან წლებში მოხდა.



უდი მამაკაცი სოფელ ნიჯიდან (აზერბაიჯანი). მას ტილკეს ნახატი



უდი ქალი სოფელ ნიჯიდან (აზერბაიჯანი).
მაქს ტილკეს ნახატი

დღეს უდიების რაოდენობა 7-დან 8 ათასამდეა. უდიების დაახლოებით 80% აზერბაიჯანში, სოფელ ნიჯში ცხოვრობს (5400 კაცი ნიჯში და 700 — ვართაშენში. უკანასკნელი მონაცემებით, ვართაშენში, ანუ ოლუზში მხოლოდ 100-მდე უდიელი დარჩა). საქართველოში, სოფელ ზინობიანში კი უდიების რაოდენობა დაახლოებით 300 კაცს შეადგენს. 1989 წელს რუსეთის ფედერაციაში 1,1 ათასი უდიელი იყო აღრიცხული.

1886 წლის საოჯახო სიებით, აზერბაიჯანში (ნუხის მაზრაში) უდიები 7201 სულს შეადგენდნენ. XIX საუკუნეში უდიები, ნიჯს გარდა, ცხოვრობდნენ აგრეთვე სოფელ მელიკში (198 სული), ყაზახის მაზრის სოფელ ყირზენეში (160 სული). ყირზენის მკვიდრი უდიები გვიან გასომხებულან. ყირზენის მოსახლეობა 1886 წელს უდიებად იყო ჩაწერილი, 1910 წლის „კავკასუსი კალენდარი“ კი მათ სომხებად მოიხსენიებს. დასავლეთ აზერბაიჯანში არცთუ დიდი ხნის წინ სვადასხვა სოფელში იყვნენ მოხუცები, რომლებმაც უდიური იცოდნენ.

უდიური ენა კავკასიურ ენათა ოჯახის ნახურ-დაღესტნური ჯგუფის ერთ-ერთი ენაა. უდიები კავკასიის ალბანელთა შთამომავლები არიან. მიიჩნევენ, რომ დღევანდელ აზერბაიჯანელებში უფრო მეტნი არიან ძველ ალბანელთა ფიზიკური მემკვიდრეები, ვიდრე თურქული წარმოშობისანი.

უდიები ქრისტიანები არიან. სოფელ ვართაშენისა და საქართველოს მკვიდრი უდიები მართლმადიდებლობას მისდევენ, ნიჯელები — მონოფიზიტობას. ნიჯელი უდიებიც თავის დროზე მართლმადიდებლები იყვნენ და სომხურ-გრიგორიანული აღმსარებლობა გვიან მიიღეს, რამაც მათი იდენტურობის შენარჩუნება განაპირობა. XIX საუკუნეში უდიებში შემონახული იყო გადმოცემა XV საუკუნის ქართველი მქადაგებლის — იოანეს მოღვაწეობის შესახებ. სოფელ ვართაშენში 1822 წელს უდიებმა წმინდა ელისეს მართლმადიდებლური ეკლესია ააგეს (წმინდა ელისე II საუკუნეში ალბანეთში, უტიკის ტერიტორიაზე — ქრისტიანობას ქადაგებდა).

V საუკუნის ბოლოს ალბანეთის ეკლესიას თავისი არქიეპისკოპოსი ჰყავდა, რომლის რეზიდენციაც ქალაქ პარტაუში (ბარდაუში) იყო. VIII საუკუნის დასაწყისში ალბანეთის ეკლესიამ ავტოკეფალია დაკარგა; ის სომხურმა ეკლესიამ დაიქვემდებარა. უდიელთა ზო-



უდიელთა ყველა გვარს თავისი სალოცავი („კვილისა“) ჰქონდა. სანდრო შანიძის ფოტოგრაფია

გიერთი ჯგუფი მართლმადიდებლობას მისდევდა, რამაც მათ გასომხებისგან თავის დაღწევის საშუალება მისცა. უდიელთა შორის ბოლო დრომდე შემორჩენილი იყო ტრადიციული რწმენა-წარმოდგენებიც. ვართაშენთან წმინდა გიორგის სალოცავთან ლოცულობდნენ როგორც მართლმადიდებლები, ისე გრიგორიანელები. ფერცვალების დღესასწაულზე ვართაშენელი გოგონები კრეფდნენ ხილს და მინდვრის ბალახებისაგან ჯვრებს წნავდნენ. განთიადისას ხილი, რომელზედაც ყვავილების ჯვარი იყო, ნაცნობებსა და ნათესავებთან მიჰქონდათ.

ალბანელთა შორის წამყვანი იყო ოთხი ეთნოგრაფიული ერთეული (უტიები, გარდმანელები, გარგარელები და წავდელები). XIX-XX საუკუნეებში გამოთქმულმა მასაზრებამ, რომ ძველი ალბანელების ერთადერთი მემკვიდრეები უდიები (უტიები) არიან, უკანასკნელ წლებში, აკადემიკოს ზაზა ალექსიძის მიერ სინას მთაზე აღმოჩენილმა ძველი ალბანური დამწერლობის ძეგლებმა და მათი უდიური ენის საშუალებით გაშიფვრამ, ეს ვარაუდი საბოლოოდ გაამართლა და არცთუ მცირერიცხოვან სკეპტიკოსთა მიერ გამოთქმულ საწინააღმდეგო შეხედულებებს არსებობის ყოველგვარი საშუალება მოუსპო. ამდენად, კავკა-

სის ალბანეთის ისტორია უდიების (უტიების) მცირერიცხოვანი ეთნოსის კუთვნილებაა.

მეოცეულის დასაწყისი

VII საუკუნის მეორე ნახევარში ალბანეთში არაბები შეიჭრნენ. VIII საუკუნის 30-იან წლებში არაბებმა ალბანეთი საბოლოოდ და მთლიანად დაიპყრეს. 866 წელს ალბანელმა მთავარმა ჰამამმა ცოტა ხნით აღადგინა ალბანეთის სამეფო. ამ დროიდან იწყება ალბანური ეთნოსის დეეთნიზაციის პროცესი, რომელიც XI საუკუნეში თითქმის მთლიანად დასრულდა. ალბანეთის სამეფოს მოსახლეობის ნაწილის დეეთნიზაციის პროცესი უფრო ადრეც მიმდინარეობდა. IV-V საუკუნეებში არმენიზებულ იქნა არცაზი (ყარაბაღი). VI-VII საუკუნეებში ასევე მნიშვნელოვნად იყო არმენიზებული უტიციც. რაც შეეხება თურქიზაციას, მას ინტენსიური ხასიათი XI საუკუნიდან ჰქონდა და ძირითადად გამოწვეული იყო ალბანეთის ტერიტორიაზე თურქ-ოღუზების გადმოსახლებით.

ქრისტიანობის მიღებამდე ალბანელები მთავრესა და მზეს ეთაყვანებოდნენ. ალბანელებს შორის კარგა ხნის განმავლობაში შემორჩენილი იყო ქრისტიანობამდელი რწმენა-წარმოდგენები, რომლებიც ბუნების ძალ-

თა აღორძინებასთან იყო დაკავშირებული.

ალბანელებმა ქრისტიანობა IV საუკუნის დასაწყისში მიიღეს. რამდენადაც ალბანეთის სამხრეთ-დასავლეთი ნაწილი (არცახი, უტიკი) ხშირად სომხეთის პოლიტიკური გავლენის ქვეშ იყო, ალბანური ეკლესიაც ხშირად მათი გავლენის ქვეშ ექცეოდა. სომხურმა მონოფიზიტურმა ეკლესიამ ალბანეთის დიდ ნაწილში ქალკედონისტობასთან ბრძოლაში საბოლოოდ განსაზღვრულ წარმატებებს მიაღწია. თუმცა იბერიის (ქართლის) მოსაზღვრე დასავლეთ ალბანეთის ტერიტორიაზე, დიოფიზიტობამ გაიმარჯვა, განსაკუთრებით შექის სამთავროში, იქ, სადაც დღეს ძველი ალბანელების (უდიელების) ორი სოფელია შემორჩენილი.

უდიელთა წინაპარ ალბანელებს V საუკუნიდან ჰქონდათ საკუთარი ანბანი, დამწერლობა. ქრისტიანობის მიღება ალბანელებში არა მარტო ხალხის სოციალურ, არამედ კულტურულ დაწინაურებაზეც მიუთითებს. V-VIII საუკუნეებში არსებობდა ორიგინალური სასულიერო ლიტერატურა. ალბანურმა დამწერლობამ დაახლოებით ოთხ საუკუნეს იარსება და ეთნიკური პროცესების შედეგად, VIII საუკუნეში არსებობა შეწყვიტა.

ამდენად, ძველი ალბანელების ერთადერთი უშუალო მემკვიდრეები უდიეები არიან, რომლებმაც დღემდე შემოინახეს წინაპართა ენა. ალბანელთა ეთნოგრაფიულმა ერთეულებმა — გარგარელებმა, გარდმანელებმა, წავდელებმა, არცახელებმა, აგრეთვე ქართული წყაროების სახელდებულმა მოვაკანელებმა, რანებმა — ჩვენამდე ვეღარ მოაღწიეს. მათი დიდი ნაწილი ფიზიკურად არ გადაშენებულა; დროთა განმავლობაში ისინი სხვა ეთნოსთა (სომხების, აზერბაიჯანელების, ქართველების) ნაწილი გახდნენ.

ალბანეთი განვითარებული მეურნეობის ქვეყანა იყო. მისდევდნენ მესაქონლეობასა და მიწათმოქმედებას. ალბანეთის საზამთრო საძოვრებზე ცხვარს ჩრდილოეთკავკასიელი მთიელებიც კი აბალახებდნენ. ალბანელთა შთამომავლების, უდიების ტრადიციული სამეურნეო საქმიანობა სარწყავი მიწათმოქმედებაა. თესდნენ ხორბალს, ქერს, ფეტვს, განვითარებული იყო მევენახეობა (უდიეები აყენებდნენ მაღალი ხარისხის ღვინოს). ფრიად განვითარებული იყო მეაბრეშუმეობაც. უდიებში მესაქონლეობას დიდი მასშტაბი არ ჰქონია. საქართველოში გადმოსახლებულმა უდიელებ-



უდიელები კრამიტს დღესაც აშენებენ

მა მეურნეობის ტრადიციული დარგები განავითარეს, განსაკუთრებით კი მეაბრეშუმეობა და მევენახეობა.

აზერბაიჯანში მცხოვრები უდიეები კრამიტის დამზადების შესანიშნავი ხელოსნები იყვნენ. ძველ ალბანელთა შთამომავლებში გავრცელებული იყო აგრეთვე მეთუნეობა.

აზერბაიჯანში უდიელთა სოფლები მთისწინა ზოლშია განლაგებული. უდიელის კარმიდამო მოიცავს არა მარტო საცხოვრებელ კომპლექსს, არამედ სამეურნეო ნაგებობებს, ხილის ბაღს. კარმიდამო, ჩვეულებრივ, შემოლობილი ჰქონდათ წნული ღობით ან ქვის გალაენით. ბაღებში ბევრი აქვთ მოშენებული კაკალი, თხილი, წაბლი. უდიეები ნაწილობრივ ვაჭრობასაც მისდევდნენ. გასაყიდად გაჰქონდათ აბრეშუმი, აბრეშუმის პარკი, წვეკო, კაკალი, თხილი, ბრინჯი, წაბლი, ბლის კერკი...

ფერიცვალების დღესასწაულზე უდიელი გოგონები კრეფდნენ ხილს და მინდვრის ბალახებისგან ჯვრებს წნავდნენ. განთიადისას ხილი, რომელზედაც ყვავილების ჯვარი იდო, ნაცნობებსა და ნათესავებთან მიჰქონდათ.

უდიელი პატარძალი აუცილებლად ქალწული უნდა ყოფილიყო. წინააღმდეგ შემთხვევაში უდიებს ჰქონდათ ტრადიცია არაქალწული პატარძლისთვის ქურქის უკუღმა ჩაცმისა და მამის სახლში დაბრუნებისა.

უდიებს ქვის ან აგურის ერთსართულიანი საცხოვრებელი სახლები ჰქონდათ. სახლები კრამიტით ჰქონდათ გადახურული. უფრო ადრე იშვიათი არ ყოფილა ჩალით გადახურული სახლები. XIX საუკუნეში უდიელთა სახლებში სინათლე, ჩვეულებრივ, ერდოდან შედიოდა. საცხოვრებელი სახლის შუაში მოწყობილი იყო კერა. კერა არასოდეს არ ქრებოდა. აქ ამზადებდნენ საჭმელს. სახლის კედლებში ოსტატურად გამოჰყავდათ თაჩხები, სადაც ლოგინს, ჭურჭელს, მწნილიან ქოთნებს ათავსებდნენ. ფეკილს თიხისგან დამზადებულ ყუთებში ინახავდნენ. საქართველოში გადმოსახლებული უდიები თავდაპირველად ხის სახლებს აგებდნენ. საერთოდ, უდიები ხის დამუშავების კარგი ოსტატები იყვნენ.

XIX საუკუნის ბოლოს ყოფიდან გაქრა უდიელთა ტრადიციული ტანსაცმელი. 1800-იანი წლებში უდიელთა და ყარაბაღელი სომხების ტანსაცმელი ერთნაირი იყო. ორ ხალხს შორის კულტურის ამ ელემენტის მსგავსება საერთო წარმომავლობით უნდა აიხსნას.

უდიების ტრადიციული საკვები მცენარეული პროდუქტები იყო: ლობიო, ბრინჯი, კაკალი, ბოსტნეული, ხილი, კენკრა. პურს, ჩვეულებრივ, ხორბლის ფეკილისგან თორნეში აცხობდნენ. განსაკუთრებით პოპულარული იყო ფლავის სხვადასხვა სახეობა, მოხალული და მოხარშული წაბლი, რომელსაც უდიები თბილისელ და ბაქოელ შემსყიდველებზე ყიდდნენ. ნიგვზისგან ხდიდნენ ზეთს.

XIX საუკუნეში თითქმის ყველა უდიურ ოჯახს ასამდე ქათამი მაინც ჰყავდა. მოხარშული ფეტვით გასუქებულ ქათამს ბრინჯით ტენიდნენ და ბუხარში წვაავდნენ. უდიების საკვების მნიშვნელოვან ნაწილს რმის პროდუქტები (მაწონი, არაჟანი, კარაქი, ერბო) შეადგენდა. დღესასწაულზე და სტუმრიანობისას აუცილებელი იყო ხორციანი კერძები (ჩიხირთმა, ტოლმა). ძალიან გავრცელებული იყო თევზის კერძები. კვების რაციონში აუცილებლად იყო თაფლი და ჰაღვა. სხვადასხვა ხი-



ლისგან (ყურძენი, მსხალი, ვაშლი, თუთა, შინდი) იცოდნენ არყის გამოხდა. დახელოვნებული იყვნენ მწნილების დამზადებაში.

გვარები უცხო დააოლოვაგებით

ისევე როგორც კავკასიის სხვა ხალხები, უდიეებიც უაღრესად სტუმართმოყვარენი არიან. ტრადიციულია ასაკით უფროსისადმი, მოხუცისადმი პატივისცემა და მოწიწება. უდიელთა წინაპარ ალბანელებში ამ წეს-ჩვეულებების შესახებ ბერძენი გეოგრაფი სტრაბონიც წერდა: „ალბანელები მოხუცებულობას მეტი სმეუტად სცემენ პატივს, არა მარტო თავისი მშობლებისას, არამედ სხვებისასაც“. სტუმართან სუფრაზე ვაჟი არ ჯდებოდა. ის სუფრის სიახლოვეს ტრიალებდა და ემსახურებოდა. ქალები კაცებთან ერთად არ სადილობდნენ. მესობელთან ან სტუმრად წასვლისას ქალს ქმრისგან აუცილებლად ნებართვა უნდა მიეღო.

უდიეები დიდ მნიშვნელობას ანიჭებდნენ ნათესაობას. გვარი ერთ სანათესაო წრეს წარმოადგენდა. ის ეგზოგამიური იყო. ქორწინება მკაცრად იყო აკრძალული შვიდი თაობის განმავლობაში. სომხურ-გრიგორიანული ეკლესია საქორწინო აკრძალვას ოთხი თაობით განსაზღვრავდა. შვიდ თაობამდე საქორწინო ურთიერთობის აკრძალვა კი იმ ფაქტზე მიუთითებს, რომ ნიჯელი უდიეები მართლმადიდებლები იყვნენ და გვიან გახდნენ მონოფიზიტები. უდიეებში მკაცრად იყო აკრძალული ქორწინება დედის მხრიდან ნათესაეებზე.

ახერბაიჯანში მცხოვრები უდიეების გვარსახელები ორი სუფიქსით ბოლოვდებოდა. ნიჯელთა გვარები სომხური სუფიქსით (-იან) ბოლოვდებოდა, ხოლო ვართაშნელებისა — რუსული (-ოვ) სუფიქსით. ბოლო დროს ბევრმა უდიელმა გვარ-სახელის მაწარმოებელი სომხური სუფიქსი ტრადიციული უდიური ან ახერბაიჯანული ფორმანტით შეიცვალა, მაგალითად, კოჩარიანი — კოჩარლი და სხვ. რაც შეეხება საქართველოში მცხოვრებ უდიებს, მათი გვარები ძირითადად ქართულ -შვილი სუფიქსს ირთავენ. აღნიშნული სუფიქსებით ნაწარმოები უდიელთა გვარ-სახელები ოფიციალურ იურიდიულ დოკუმენტებშია შეტანილი. უდიეები დედაენაზე როცა მეტყველებენ და ამა თუ იმ გვარს ახსენებენ, უდიურ გვარებს სომხურ, ქართულ და რუსულ სუფიქსებს არ ურთავენ. ჩვეულებრივ, თითოეულ უდიურ გვარ-სახელს უდიური ფორმა აქვს. ნიჯელი



უდიელთათვის კვების რაციონში თაფლი დღესაც შეუცვლელია...



ზინობიანის მუზეუმში



სოფლის გზაზე



სოფელ ზინობანის სალოცავი

დალაქიანების გვარის უდიური ფორმაა და-
ლახო, ხამიანებისა — ხამარხო, ვაზირიანი-
სა — ვაზირხო. ვართაშნელი კანანჩოვის გვარს
გამოთქვამდნენ როგორც კანარჩი, პაჯიკოვი-
სას — პაჯიკი და სხვ. ვართაშენიდან გადმო-
სახლებულებს გვარებიც აქედან გადმოჰყვათ,
ოდონდ გვარ-სახელები -შვილი სუფიქსით გა-
იფორმეს: პაჯიკი — პაჯიკიშვილი, ნემუში —
ნემუშიშვილი...

უდიელთა ყველა გვარს თავისი სალოცავი
(„ჯილისა“) ჰქონია. ნიჯელებს საერთო სა-
სოფლო სალოცავი არ ჰქონიათ. მათთვის ასე-
თი სალოცავი იყო ვართაშენის „იელიშ არა-
ქელ“. ვართაშენიდან საქართველოში გადმო-
სახლებულ უდიებს თან სალოცავის ნიში
(„ეველ“) გადმოუტანიათ, რომელიც ვართაშ-
ენის სალოცავ „წიმერიდან“ წამოღებული ქვის,
მიწისა და ჯვრისგან შედგება.

კავკასიის სხვა ხალხების მსგავსად, უდი-
ებმაც იცოდნენ ხელოვნური დანათესალება.
შვილის შერჩენის მიზნით, სცოდნიათ ბავშვის
„ყიღვა-გაყიღვა“. ძალიან დიდ მნიშვნელობას
ანიჭებდნენ ნათლიას („ხაშბაბა“). უდიებში

ნათლიაობა მეძველდროებითი ყოფილა, ამი-
ტომ ქორწინება იკრძალებოდა არა მარტო
ნათლიისა და ნათლულის ოჯახის წევრებს,
არამედ მათ შთამომავლებს შორისაც. ნათ-
ლია ყველაზე პატივსაცემ სტუმრად ითვლე-
ბოდა. ის საქორწილო რიტუალშიც ერთ-ერთ
მთავარ როლს ასრულებდა. „ხაშ“ უდიურად
მთვარეს, ნათელს ნიშნავს, შესაბამისად,
„ხაშბაბა“ — ნათლიას, ნათლიმამას, მთვა-
რე-მამას. ასე რომ, „ხაშბაბა“ მთვარის ღვთა-
ებას უკავშირდება. ძველი ალბანელებისთვის
კი მთვარე ერთ-ერთი მთავარი ღვთაება იყო.

პატარძალი აუცილებლად ქალწული უნ-
და ყოფილიყო. წინააღმდეგ შემთხვევაში
უდიებს ჰქონდათ ტრადიცია არაქალწული
პატარძლისთვის ქურქის უკუღმა ჩაცმისა და
მამის სახლში დაბრუნებისა. ისევე როგორც
კავკასიის სხვა ხალხებისთვის, უდიებისთვისაც
დამახასიათებელი იყო უძმრახობის წეს-
ჩვეულება. დღეისთვის ეს ტრადიცია დავიწ-
ყებას მიეცა.

გარდაცვალებისთანავე მიცვალებულს გან-
ბანდნენ, სუღარაში ახვედნენ, შემდეგ მღვდელს
იწვევდნენ წესის ასაგებად. წესის აგების შემ-
დეგ, მიცვალებული ლეიბით ეზოში გამოჰქონ-
დათ და საგანგებოდ გაეთუბულ კიბეზე აწვენ-
დნენ. აქედან ცხედარი ეკლესიაში მიჰქონდათ.
ღამე იქ ტოვებდნენ. მეორე დღეს, ლიტურგიისა
და გლოვის შემდეგ, მიცვალებულს კრძა-
ლავდნენ. ქელქებს მხოლოდ მამაკაცები ესწრე-
ბოდნენ. ტრაპეზი ყველის, პურის, მონარაშუ-
ლი ხორცის, ყაურმისა და შილაფლაგისგან
(„შილახუა“) შედგებოდა.

როლანდ თოფჩიშვილი



უდი ქალი
სოფელ
ვართაშენიდან
ტრადიციულ
სამოსში.
1883 წლის
ფოტო



ზაზა კორინთელი:

„არტბენი“ მარტო ჩვენ აღარ გვიკუთვნის, სახალხო ზეიმი გახდა!

მერვე წელიწადია, „არტბენი“ სახალხო ზეიმიდ იქცა. თბილისელთა ერთი ნაწილი ყოველ ზაფხულს კუს ტბის მახლობლად „ამენებულ“ პატარა საქართველოში — ეთნოგრაფიულ მუზეუმში ატარებს ათიოდე დღეს, სივრცელსა და ქართული გენეტიკური ხელოვნების გარემოცვაში.

ზაზა კორინთელი (ზუმბა), *(მუსიკოსი და ფესტივალის ორგანიზატორი):* — „არტბენი“ 2004 წელს დაფუძნდა და მას აქეთ დაზებირებული ვიქტორები, რომ იგი ფიქრი და სიყვარულია ეროვნული მემკვიდრეობის გადარჩენის, პოპულარიზაციისა და განვითარებისა. უფრო ზუსტად, ფესტივალია, რომელიც გენეტიკური ხელოვნებას მოიცავს. ეთნოგრაფიული მუზეუმში კი სწორედ ის ადგილი აღმოჩნდა, სადაც ეს ფესტივალი უნდა დაბადებულიყო. აქ ხომ მთელი საქართველო თავმოყრილი...

სანამ ღია ცის ქვეშ მუზეუმში ამოვიდოდეს, „არტბენი“ ღამის მთელ ქვეყანას მოივლის. ეს არის ექსპედიციები საქართველოს სხვადასხვა კუთხეში, რომელიც შეარჩევს ტრადიციულ მუსიკალურ ოჯახებს, ხალხური შემოქმედების ანსამბლებს, ცალკეულ მომ-

დერალსა თუ მუსიკოსს, ხალხური თამაშობებისა და საბრძოლო ხელოვნების, ასევე ხალხური რეწვის ოსტატებს. „არტბენი“ მოიძიებს და დანარჩენ საქართველოს აცნობს საუკუნეების განმავლობაში ხალხში დაგროვილ ცოდნასა და გამოცდილებას და ბუნებრივია, ხელს უწყობს წინაპართა ნაოსტატარის ახალი თაობისთვის გაცნობას. დასკვნით კონცერტებზე კი სახალხო ანსამბლებსა და მომღერალ-მოცეკვავეებს პოპულარული მუსიკალური ჯგუფები და შემსრულებლებიც უერთდებიან. მათ შორისაა „ზუმბალენდი“, ნინო ქათამაძე, ნიაზ დიასამიძე, სუხიშვილები...

„არტბენის“ სახე

მარიამ ზედგინიძე-ფუფუნაძე (ხალხური რეწვის ოსტატი ახალციხის რაიონიდან):



მარო ბაბო: — ადგილის ჯეჯიმის მოქსოვაც ვიცი, საჩოხე შალისაც...

„ცოცხის თესლი აგურისფერს აძლევს მატყლსა, ენდრო და ხახვის ქერქი — მკვეთრ წითელს. ენდროს თუ კაკლის წენგოს დაუმატებ, ოქროს წყალში ამოვლებულს დაემგანება ძაფი, შიგაც თუ ხახვის ქერქია, ხო სუ ბზინავს და ბზინავს. თავშავა თუ ბევრხანი წყალში იქნება, მზე რო გაახუნებს შავ ცხვარსა, აი, ისეთ ფერს მიიღებს... შენ თუ არ აარჩიე, რომელ ორნამენტს რა ფერი შაუხამო, შენ ნაქსოვს ზედ არავინ შეხედავს. მე კი აგე, 78 წლისა ვარ და არტგენის სახეს მემახის ჩემი ზუმბა. ჩემი შვილობილია, მამ. მაგან მიპოვა თბილისობაზე და მერე სულ თან დამატარებს... ამ საჩქელ რათ უყურებ, აქაცა ვჩეჩავ, შვილო! ხან ვჩეჩავ, ხან ვართავ, ხან კიდევ ვქსოვ. აბა, უსაქმოდ რო დავჯდე, პურს ვინ მაჭმევს. რა გეცინება, ახლაც ჩემი შრომითა ვმოულობ პურის ფულს“.

თუ ერთხელ მაინც ყოფილხართ ფესტივალ „არტგენზე“, მარო ბაბოს (ყველა ასე ეძახის) ცნობა არ გაგიჭირდებათ. თვითონაც ყოველ მომსვლელს გულღია მასპინძელივით ეგებება.

— მარო ბაბო, გუებნებიან, „არტგენის“ სახე რომ ხართ?

— ჰოო! თავიდან მიკვირდა, რა სახე აიტყხეს-მეთქი და მერე და მერე შევეჩვიე.

— ძნელია „პოპულარობა“?

— რათა, შვილო! უბრალოდ, აქ ყველა მიცნობს. მეც მთელი საქართველო გავიცანი. ესეც ხომ ბევრი რამ არის! შარშან დარეკეს, მარო ბაბოსთან ამოვალთ, ფილმს გადავიღებთო...

— მერე, ამოვიდნენ?

— არა, მაგრამა... მაგათ ლოდინში ბარე სამი წყვილი წინდა დაექსოვე ისევ მაგათვის. არ ამოვიდნენ, ისევ მაგათ იდარდონ. მე კიდევ, ზუმბას ფილმებში ყველგანა ვარ!

— კიდევ რას ქსოვ?

— ეს ფარდაგო, ეს ხალიჩაო, ხურჯინი, ჯეჯიმი, ჯვალო, მათრამა... წინდები ისე, გასართობადა! ადგილის ჯეჯიმის მოქსოვაც ვიცი, საჩოხე შალისაც... ძაფს კიდევ იმდენი შრომა სჭირდება. ჯერ ჩეჩვაო, მერე დართვა, დაგრება, ხიფებიც გინდა შესაღებად, საღებავიც ხომ გითხარი, შენვე უნდა დაამზადო, აბა, მაღაზიაში ნაყიდი ქიმიური ჭყეტულებით ხო არ გავაფუჭებ ნაწვალე მატყლს. ჰოო, ეს შედეგა-გამრობაო, ეს გორგლება დახვევაო...

— თქვენს სოფელზე რას იტყვი?

— *სოფელ მუსხიდან მოვედი, / ჩვენზე არა სთქვამთ ავია, / მაშინ მოვაკვდი მუსხელნი / არ მოვაწონოთ თავია...* მაინცდამაინც არ გვიღიხნის მუსხელებს, მაგრამ ბედს არ ვემდურით. რომ დავემდურით, რა გამოვა... ცოტა მეტი დახმარება და ხელის წამოშველება გვჭირდება და არც ჩვენ შევირცხვენთ თავს. ხო ამ ხნის ქალი ვარ, მზე ვერ მასწრებს ადგომას. ეთნოგრაფიული მუზეუმიც მაქვს სოფელში, ძველი შენობა დაგვენგრა და საბავშვო ბაღს შეეკედლეო, ისიც დანგრევის პირასაა. მერე რო იცოდე, რა ექსპონატები გვაქვს, სუ ჩვენი ძველების ნაკეთებ-ნაფერები, ახლებსაც ვუმატებთ. მართო ტირიფისგან და თხილისგან ისეთ ჭურჭელსა „ქსოვენ“ ჩვენს სოფელში... იმ ყველაფერს ხო მოვლა და შენახვა უნდა.

მარო ბაბოს ფოტოების „კოლექციას“ კიდევ რამდენიმეს ვუმატებთ.

...მეც გამომიგზავნეთ სურათები, ჩემ მოსწავლეებს ვაჩვენებ, ნახეთ, როგორ მოსწონთ ჩვენი ძველებური ხელსაქმ-მეთქი, ვეტყვი და ისინიც უფრო გულს დაუდებენ ქსოვას, თორემ მართო ერთი ქალი რას გავწვდები ამოდენა სართავ-საქსოვსაო...

2.500-ლოლარიანი

„პრეზიდენტის დანა“

როლანდ ოდიშელიძე შეიარაღდა, უფრო ზუსტად, მჭველე-მესაჭურველ. დუშეთში გაზრდილს ნადირობაც უყვარს და სანადირო დანების კეთებაც. ფესტივალის დაარსებიდანვე მისი უცვლელი „გმირია“.

— რომ მკითხობ, როდის ისწავლე დანების დამზადებაო, ვერ გიპასუხებთ, რადგან რაც თავი მახსოვს, ხელში სულ დანა მიჭირავს (ოღონდ ხუმრობითაც არავინ დამიკვწნავს). ძალიან მინდოდა ქართული იარაღის დამზადების ხალხური წესები მცოდნოდა და ხან ერთ მჭედელთან მივიდიოდი, ხან მეორესთან. ამ სიარულში მოხვდი კახა ზარნაძის სახელოსნოში და იმდენად მრავალფეროვანი ნაკეთობები ვიხილე, გაოგნებისგან ხმას ვერ ვიღებდი. მე კი ერთი დანები გამომყავდა და გრდემლიც არ მქონდა საკუთარი. ჰოდა, გრდემლს რომ თვალი ვერ მოვწვიტე, მიხვდა, რაც მაწუხებდა. წაიღე, შენი იყო, მე მეორეც მაქვსო, — მითხრა და ძალით გამომატანა. კახა მოულოდნელად წვიდა ამქვეყნიდან სრულიად ახალგაზრდა და მთელ საქართველოს, „არტგენის“ ყველა გულშემპატივარს დაწვიტა გული...

— **მითხრეს, პრეზიდენტისთვის აპირებდა თავისი გამოჭედილი დანის ჩუქებასო...**

— ვინ მიმიშვებდა პრეზიდენტთან დანით. კი ვიძახე, უნდა ვაჩუქო-მეთქი, მაგრამ...

რომ იცოდეთ, მართლა საპრეზიდენტო დანა დავამზადე, ე.წ. ლეგიონბუღი ფოლადისგან. ქარქაში კაკლის ხისა ჰქონდა, ტარიც კაკლის ხისა. ბაჯადლო ვერცხლით იყო ინკრუსტირებული და მოსევადებული. ინკრუსტაცია გიგა გორდიაშვილის ნახელავი გახლდათ... ერთი სიტყვით, მაგარი სანადირო დანა იყო.

— **იყო და აღარ არის?**

— ასე გამოდის! ხომ იცი, მეიარაღეებს მაინცდამაინც არ გვიღობინს. ერთ მშვენიერ დღეს მეც გამიჭირდა და ერთ უკრაინელ ბიზნესმენს მივეცილე ჩემი საპრეზიდენტო დანა.

— **ფასი ალბათ საიდუმლოა...**

— არა, რატომ! 2.500 დოლარი გადამიხადა! არც ცოტაა და არც ბევრი. არც შემევაჭრებია, ალბათ ხუთი ათასიც რომ დამეფასებინა, უსიტყვოდ გადამიხდიდა... აგერ, ფოტო დამრჩა იმ დანის... ისე, დიდხანს კი ვაშაადებდი...

— **„არტგენზე“ თუ ვიღით დანებს?**

— ძალიან იშვიათად. სხვათა შორის, აქ უფრო ისეთი ხალხი ამოდის, ხელოვნება და კულტურა რომ უყვართ, ტრადიციას რომ დიდ პატივს სცემენ. მაგრამ ასეთების უმეტესობას, ხომ იცით, იმდენი ფული არ აქვთ, ძვირფასი სუვენირები რომ შეიძინონ...

— **თქვენს ხელობას ვინ განაგრძობს?**

— სანდრო, ჩემი 9 წლის შვილიშვილი! მისი იმედი მაქვს. ორწლიანხვედრისა იყო, რომ



როლანდ ოდიშელიძე: — ძალიან მინდოდა ქართული იარაღის დამზადების ხალხური წესები მცოდნოდა



2.500 დოლარად გაყიდული „პრეზიდენტის დანა“



ფაფურზე გადატანილი „ქართული კალიგრაფია“



დემურ ჯალალონია: — 350 ცალი ჩონგური მარტო ამერიკის შეერთებულ შტატებში „გავამგზავრე“

„დამპირდა“, — პაპა, მიმიშვი, დანებს ახლა მე გავაკეთებო!

ხუთი ათასი რომ გამოვთალე, მერე აღარც დამითვლია...

დემურ ჯალალონია ჩხოროწყეულია, სოფელ სარაქონიდან. ხალხურ საკრავებს ამზადებს. მისი ნახელავი ფანდური და ჩონგური (როგორც კლასიკური, ასევე ხალხური), ჩანგი, სალამური არაერთ ქართულ ოჯახს ამშვენებს, საზღვარგარეთაც უკვე პოპულარული გამხდარა. ჩემი ხელით გამოთლილი და ამღერებული 350 ცალი ჩონგური მარტო ამერიკის შეერთებულ შტატებში „გავამგზავრე“, გვიმხელს ოსტატი. სალამურს ჯონჯოლის, კაკლისა და თუთის ხისგან თლის, სხვა საკრავებისთვის ვერხვი საუკეთესოა, კიდევ ერთი ხეა, იშვიათი ჯიშის, ღრუხეს ეძახიან სამეგრელოში, ჭანისწყლის პირას ხარობს. საუკეთესო მასალა გამოდის საკრავებისთვისო...

— ჩანს, დიდი მოთხოვნაა თქვენს ნახელავზე...

— ასე გამოდის. ხუთი ათასი ჩონგური და ფანდური რომ გამოეთალე, მერე აღარ დამითვლია... მარტო ქართველები კი არა, უცხოელებიც ყიდულობენ ჩვენებურ საკრავებს. 350 ცალი ჩონგური მარტო ამერიკის შეერთებულ შტატებში „გავამგზავრე“ ბოლო წლებში. ინტერნეტით მიკავშირდებიან საფრანგეთიდან, თურქეთიდან... ხუთას ცალამდე გაჩუქებულიც მაქვს.

— ისეთ ციფრებს ასახელებთ, ძალიან ბევრი არ არის?

— ბევრი კი არა, ცოტაა. აბა, რამდენი ოჯახია საქართველოში. ხალხური საკრავი კი ყველას როდი აქვს. არადა, ხომ უნდა ჰქონდეთ... ფანდურსა და ჩონგურს თითოეულ ჩამოსათვლელი ოსტატები თლიან. ბევრი ხანში შესულია, მათ საქმეს კი გამგრძელებელი არ ჰყავს. ამ მხრივ მე გამიმართლა, ჩემი ვაჟი კლასიკურ ფანდურებს ამზადებს და მგონი ჩემზე უკეთესადაც.

— ფესტივალზე თუ ყიდიო ფანდურებს?

— იშვიათად. აქ უფრო ჩემი ძველი მეგობრების სანახავად ჩამოვდივარ. „არტგენმა“ ძიუღი საქართველოს ოსტატები დაგვაძმაკაცა... თან ამ ბოლო დროს რაიონებშიც გადმოინაცვლა ფესტივალის დღეებმა და ხომ იცით, ქართველ კაცს ყველაზე მეტად ერთად ყოფნა და ერთმანეთისთვის გულის გადაშლა უყვარს... ღია ცის ქვეშ მუშუქები კი გვაერთიანებს ამ მართლა ღია ცის ქვეშ თავმოყრილ ხალხური ხელოვნების ოსტატებს, ისე რომ, შეიძლება ითქვას, ფესტივალიდან ფესტივალამდე ლოდინით ვცოცხლობთ...

კალიგრაფიები „მოლიან“...

ხელნაწერთა ეროვნული ცენტრი და განათლებისა და მეცნიერების სამინისტრო არასამთავრობო ორგანიზაცია „წამთან“ (წარსული, აწმყო, მომავალი) ერთად მეორე წელია აწყობს კონკურსს „ქართული კალიგრაფია“. კონკურსის მიზანია ქართული კალიგრაფია მხოლოდ ფურცელზე კი არ დარჩეს, არამედ გადავიდეს ტყავზე, კერამიკაზე, ქსოვილზე...

ახალგაზრდა კალიგრაფები ფესტივალზეც ამოსულან და დამთავლიერებელთა ყურადღების ცენტრშიც მოქცეულან.

ჭრელი ფესტივალი

იზოლდა გაბიტაშვილი (ხალხური რეწვის ოსტატი): — რაც ეს ფესტივალი არსებობს, ყოველი ზაფხული ჩემთვის „არტგენით“ იწყება... ვქსოვ, ვქარავ, ყველა ნამუშევარში ვიცავ ხალხური, ტრადიციული ხელსაქმის სხვადასხვა მეთოდს. ორნამენტებიც ტრადიციული გამომყავს თუშურ თუ ხევსურულ ჩითებზე, ქუდებზე, ჩანთებზე, ხელთათმანებზე... ეთნოგრაფიულ თოჯინებსაც „ვქსოვ“, სამაჯურებსაც, ყელსაბამებსაც. ახლახან, მექსიკაში, სანტა-ფეს ფესტივალზე წაიღეს ჩემი თოჯინები და ყველა გაიყიდა... ძირითადად სელის ძაფითა და აბრეშუპით ვმუშაობ. სულ ძველი მასალით. ჯერ ისევ არის აქა-იქ შემორჩენილი და ხან ვყიდულობ, ხან მჩუქნიან. არადა, ერთი



ზუმბა თავყანისმცემლებთან
(ზაზა კორინთელის ფოტორეჟიჟიდან)

ქუდის მოსაქსოვი ახალშემოტანილი მასალისთვის 20 ლარი მაინც გჭირდება. ჩემს ნაშუქვერებს ძირითადად მშრალ ხიდთან და სხვადასხვა გამოფენაზე თუ გაყვითი, „არტგენს“ მყიდველი არ პყავს. აქ უმთავრესად უფულო ხალხი მოდის. ძალიან უნდათ ჩემი ნაქსოვ-ნაქარგის ყიდვა, მაგრამ... ამიტომაც მყიდველი ძირითადად უცხოელია. გული მწყდება, ზოგჯერ ისეთ ლამაზ ჩითებს „ვიმეტებ“ სხვა ქვეყანაში გასასტუმრებლად.

ნელი არაბული (სუვენირების ოსტატი): — ვაზხადებ მოზაიკურ პანოებსა და ქალაქურ ზედებს ძვირფასი ქვებითა და მძივებით. „ჩემს სფეროში“ პოპულარობა არ მაკლია. მთელი წლის დაღლილი, „არტგენზე“ ვისვენებ. აქ ყველას ვიცნობ და თავსაც შინაურულად ვგრძნობ. სუვენირების გაყიდვაზე არც ვფიქრობ. უფესტივალოდ ზაფხული ვერ წარმომიდგენია...

შინდისფერ კაბებში გამოწყობილი ქალები ღია სცენისკენ მიეშურებოდნენ, თუმცა დიქტოფონისა და ფოტოაპარატის დანახვისას სიამოვნებით დაგვთანხმდნენ ბლიცინტერვიუზე და გვეთხრეს, რომ მათაც გურიიდან ხალისით მოეჩქარებათ მუზეუმში. სახელდახელოდ რამეს ზომ არ გვიმღერებთ-მეთქი, უბრალოდ ვიკითხე და რამდენიმე წაშში უკვე ზარივით დასჭექეს „მარიკულა, ჯაშის ქალო“. ჩვენც სახელდახელოდ შემოერთებულ მაყურებელთან ერთად სიამოვნებით დაუკარიოტაში მშვენიერ მომღერალ ქალებს და მათი გვარ-სახელით თანამიმღერობით ჩავიწერეთ: დლი კეკელიძე, მაკა ჩხიკვაძე, ლონდა ჭკუასელი, ნანა საჯაია, ლედი რამიშვილი, ლეილა კოტრიკაძე (ანსამბლის ხელმძღვანელი), ზოია გოგოლაძე და მთვარისა კეკელიძე.

სალოცი ზოზიტაშვილი



მღერის ჩოხატაურელ ქალთა
ფოლკლორული ანსამბლი „მანდილი“
ავტორის ფოტორეჟი

„ილბოვ, სრემლეხად ნადენო“ ..

მეორე მსოფლიო ომის დროს გოგია ჭიჭოშვილი ყაჩაღად გაჟარდნილა. მარტო არ ყოფილა. მის ორგანიზებულ ჯგუფში ომიდან დაბრუნებული ან თავარიღებული ბიჭებიც შედიოდნენ.



გოგია
ჭიჭოშვილი

გოგია ჭიჭოშვილი თიანეთელი იყო, ლი-
შოში დაიბადა, იქვე ცხოვრობდა და სოფ-
ლის სკოლაში ასწავლიდა. კარგი მოლექსე
იყო. მისი ლექსები სწრაფად ვრცელდებო-
და ხალხში. ხელნაწერები შემორჩა თუ არა,
არავინ იცის. შესაძლოა ვინმეს გადანახუ-
ლიც ჰქონდეს, სადმე ეწყოს მტკვერწყარილი,
მიჩქმალული. ამის თქმის უფლებას გვაძ-
ლევს კიდევ ერთი მოლექსის, მიხა ხელაშ-
ვილის ხელნაწერთა ბედი. როგორც ქაქუცა
ჩოლოყაშვილის თანამებრძოლი ალექსან-
დრე სულხანიშვილი იგონებს, მიხა თან და-
ატარებდა ხელნაწერი ლექსებით სავსე აბ-
გას. მიხას სიკვდილის შემდეგ ეს ნაწერები
ხელში ჩაეპარდნია ვანო ხორნაულს. მთელი
სამოცი წელი ინახავდა და ღრმად მოხუცე-
ბულს მიხას ქალიშვილისთვის გადაუცია ეს
მართლაც ძვირფასი განძი...

გოგია ჭიჭოშვილის ლექსები ხალხმა ისე
შეიყვარა, რომ უამლექსებოდ არც ქორწილი
ჩაივლიდა და არც დღეობა. ახლაც ასსოვთ და
მღერაან ამ ლექსებს.

გოგიას გაყაჩაღების მიზეზს სხვადასხვა-
ნაირად ხსნიან. თვითონ კი ამბობდა, კომუ-
ნისტებს ვებრძვიო. თუმცა მის ტკივილს ყვე-
ლაზე უკეთ მისივე ლექსები გამოხატავენ:

*ჭიჭოშვილ გოგიაი ვარ,
სოფელ ლიშოში მდგარია,
ძმებიჭის მოსიყვარულე,
მეზობლის უწყინარია.*

*ბაღების მასწავლებელმა
ტყეს შევაფარე თავია.
თანა მყავს ბარის ლომები
დისწული-დედიძმანია.
მეოთხე გვეყავის თომაი,
ქორ-შეჟარდენი ჩქარია,
მიზანში სწორად მსროლელი
ბიჭია ნაფრონტალია.
ერთხელ ჩაგხედე დურბინდებს,
მთებს შემოვალე თვალია,
ჩამოხეთქილა ზოვები,
კლდეებს ჩამასდის წყალია.
გამოღმა საქართველოა,
გადაღმა დადესტანია.
ჩვენი ბინები იქ არის,
სადაც თუშების ცხვარია,
სადაც იყრება ერთადა
ალაზანი და მტკვარია.*

— ჩვენი ბინები იქ არის, სადაც თუშების
ცხვარიაო, — ამბობს გოგია და მუდმივი ბინა
ყაჩაღად გაჭრილს სადღა ექნებოდა. გამუდ-
მებით დევნიდნენ და ამის გამო ხან ოფრის ხე-
ობაში აღმოჩნდებოდა, ხან არაგვის სათავე-
ებში გადავიდოდა, ჩავიდოდა სოფელ ახადში,
ესტუმრებოდა მიხა ხელაშვილის ძმადნაფიცს,
იაკობ გორელაშვილს. მასთან საიმედოდ და-
იგულედა თავს, კედელზე მიაყუდებდა თოფს
და დანდობილად ქეიფობდა. იაკობისგან ის-
მენდა მიხას ტრაგიკული ცხოვრების ეპიზო-
დებს და ფიქრობდა, როგორ მიეზლო სამაკი-

ერო ლეკა მარცვალაშვილისთვის, რომელიც ხალხში თავადებული დადიოდა და კომუნისტ ხელისუფალთა წინაშე ხელაშვილის მკვლელობით ამაყობდა. ახადიდან ახმეტაში გადავიდოდა, იქიდან კი თუშეთის მთებს მიაშურებდა. და იყო ასე დაუსრულებელ ფორიაქში. შშვიდი ცხორებდა და თბილი კერა უცხო გამხდარიყო მისთვის.

*მე ჭიჭოშვილი არა ვარ,
შვილი ვარ მყინვარებისა! —*

ამბობს ერთ ლექსში.

გოგია არას ერჩოდა ალალ და პატიოსან ხალხს. საბჭოთა ხელისუფლებასა და მის თავგამოდებულ დამცველებს უპირისპირდებოდა. აკი თვითონაც ამბობს:

*ბევრ უჭკვოს დავაჭკვიანებ,
ზმასაც არ გავცემ ჭკვიანსა,
ბევრის შუბლს გავაზვრუტინებ
ჩემი ვინტოვკის ტყვიასა.
ყაჩაღებ პოლიტიკები
შავეფარებით ტყვიანსა.*

უბრალო ხალხს უყვარდა გოგია ჭიჭოშვილი, თავშესაფარს სთავაზობდნენ, სურსათსანოვარს უგზავნიდნენ და მოსალოდნელი საფრთხის შესახებაც ატყობინებდნენ. თიანე-

თის რაიონის მილიციის უფროსს, სულაბერიძეს ყაჩაღის შეპყრობა განუზრახავს, გოგიას კი ასეთი ლექსი გაუგზავნია მისთვის:

*თიანეთს სულაბერიძე,
მარჯვენამც დაგმიწებია.
ლიშოში ჩემი დაჭერა
ტყუილად დაგიკვებია,
ვისაც ჩემს სიკვდილს ავალებ,
ჩემი ძმები და დებია,
მოვლენ და მამახარებენ,
რასაც შენ შაკვირდებიან.*

გოგია ხალხს უყვარდა, თუმცა იყვნენ ისეთებიც, რომლებიც მართალია მისგან სიკეთე ახსოვდათ, მაგრამ მაინც ღალატობდნენ. ერთხელ ახლობელი ქალის ხელით გაუგზავნეს მოწამლული ქადა-პურები. ქალმა კი არ იცოდა... გოგია მოიწამლა, მაგრამ სიკვდილს გადაურჩა. მომჯობინდა თუ არა, ქადა-პურების მიმტან ქალზე შური იძია. მოგვიანებით კი, როცა ყველაფერი გაარკვია, ძლიერ ინანა და კვლავ ლექსს გაანდო თავისი გულის წუხილი:

*ჭიჭოშვილ გოგია ვარ,
დამღვარი მრუდე გზაზედა.
ჩონგურ ავასხი ღარები
ჩენხიმის ხეობაზედა.*

სახლი, სადაც ცხორებდა გოგია ჭიჭოშვილი
სოფელი ლიშო, თიანეთის რაიონი



ისტორია და ფოლკლორი

*აგკარ-ჩამოეკარ თითები,
აჩქამდა ზარის ხმაზედა.*

ჭიჭოშვილის შეპყრობას ლამობდა ახმეტის რაიონის მილიციის უფროსი რუბენ ალხაზოვიც, რომელსაც გოგია ალხატოს სახელით მოიხსენიებს ლექსში. როცა ალხაზოვი თავისი რაზმით ივრის ხეობაში ეძებდა, გოგია ილტოში აფარებდა თავს და იქიდან ეხმიანებოდა:

*ილტოვ, ცრემლებად ნადუნო,
საით რა მიიჩქარია?*

*თუ ბარი მოეწონს, ტიალო,
ძიებცი ხო შენი მხარია.*

*წერილს გაგატან, ოხერო,
ალხატოს აუტანია.*

*აჰყაროს შევი რაზმები,
ჭულახვეს მეომარია.*

*სახლში ნურავინ დაბრუნდეს
ამ ამბის ჩამამტანია,*

წიოდეს კარაბინაი,

კლდეებს გაჰქონდეს ჩქამია.

*წამოველ ჩემსა სოფელსა,
გამოვახანენ ვზანია.*

გააუებულან წყელულები,

გულში მჭირს ნატყვიარია.

*ძლივ სადამ მოიანდევუ
მამ-პაპათ ნასახლარია,*

*ჩამოშლილიყენენ ყორენი,
ჩამასდიოდათ წყალია.*

გოგია ერთხანს შირაქს აფარებდა თავს. ეს გაიგო ხელისუფლებამ და მწყემსები შეიარაღა, ჯილდოსაც დაჰპირდა. შირაქში გაჩნდა ლუკა მარცვალაშვილიც. იმედი ჰქონდა, რომ ხელაშვილის მკვლევლობიდან ოცი წლის შემდეგ ჭიჭოშვილსაც მოუღებდა ბოლოს, მაგრამ გოგიამ მეგობარი მწყემსებისგან შეიტყო ყველაფერი. ჩაუსაფრდა გზაში. როცა მარცვალაშვილი მოუახლოვდა, გოგია საფარიდან გამოსტა და შესძახა:

— შესდექ! შენ მოჰკალ ხელაშვილი?

— მე! — უნებლიეთ წამოსცდა მომაჯალს და უცებ მიხვდა: მის წინაშე იდგა, ვისაც ეძებდა და მხარზე თოფს წაეტანა, მაგრამ გოგიამ დაასწრო და იქვე გააფრთხობინა სული. მერე მწყემსების ბინაში ჩამოვიდა და უთხრა: ტყეში ღორი შემომაკვდა, წამოდით და გაათრიეთო.

აილო გოგიამ საქართველოს დამოუკიდებლობისათვის მებრძოლი მიხა ხელაშვილის სისხლი, მაგრამ რას გახდებოდა იმხელა იმპერიასთან!

ჭიჭოშვილიც მოკლეს, სამხეოზე კი დარჩა მისი მშვენიერი ლექსები...

ტრისტან მახაუერი

ივრის ხეობა, სადაც გოგია ჭიჭოშვილი აფარებდა თავს

„ისტორიანი“

საქართველოსა და მსოფლიოს ისტორიის ნაცნობი და უცნობი ფაქტები, პიროვნებები, მოვლენები-ახალი კუთხით!



თოქოვუს ავტორი და წამყვანი ჯაბა სამუშია

ჩვენთვის გაბუღადებული თემები არ არსებობს!



უსვინათ!

FM 103.9

www.palitratv.ge

უყურეთ!



ყოველ საშუაგათს
16.00 სთ-ზე
განმეორებით კვირას
17.00 სთ-ზე



ჟამი სიმღერისა და ჟამი ლოცვისა

თამაზ ნიხიაიძე: ბიძონიან საჭიხო მამინას ხი, სიხვილი ხომ მოვა, ხმით უნდა ბაეზებო...

იცით, რატომ იხდიან ადამიანები ბოდიშს? ალბათ იმიტომ, რომ რამეს აშავებენ ან რაღაც ეშლებათ, არა? ზოგჯერ კი ამ მიზეზების გარეშეც, მხოლოდ გულახდილობის გამო იხდიან ბოდიშს, რადგან გულახდილი საუბარი გაცილებით მეტია, ვიდრე უბრალოდ სიტყვათა თანამიმდევრობა. ეს არის ზღვარის წაშლა და სახლის იმ კუნჭულში შეხედვა, სადაც ალბათ არასოდეს შეახედებდით ვინმეს...

თემურ წიკლაურმა სწორედ ამიტომ მოიბოდიშა:

— დიდი ბოდიში მკითხველს, რომ ასე გულახდილად გიყვებით ყველაფერს და რომ შეიძლება თავსაც ვახვევ ჩემს ცხოვრებას. ამას ვიტყვი თავშიც და ბოლოშიც...

არ უთქვამს, რა რთულია ილაპარაკო საკუთარ თავზე, თანაც გულახდილად; არ უთქვამს, რომ ამას გამბედაობა და ვაჟკაცობა სჭირდება... ამას ყველა თავად მიხვდება.

წლების წინანდელ ფოტოებს დაჰყურებს. საოცარია, მაგრამ მისი ხმა სიმღერასავით უღერს მაშინაც, როცა სულაც არ მღერის და ძალიან სევდიან ამბებს იხსენებს. ეს ბედისწე-

რასავითაა. ვუსმენ, როგორ მიაბობს კოჯრის სკოლაზე, რომელიც წითლების შემოსვლის შემდეგ დანგრეული ეკლესიის ქვებით აუგიათ. მერე როგორ ინგრევა ის სკოლაც, იმიტომ რომ სხვაგვარად შეუძლებელია მოხდეს... როგორ პოულობენ წყაროს უკან გადაყრილ ჩუქურთმიან ქვებს და როგორ მიაქვთ იქ, სადაც მათი ადგილია — დაშლილი ეკლესიის მიწაზე. ქვები ღუმან და თავის ჟამს ელიან...

ცხოვრებაშიც არის რაღაც იდუმალი, ისიც თავის ჟამს ელის... წლების წინ, მაგალითად, როცა კოჯრის ტყეში მიდიოდა გიტარაზე მალულად დასაკრავად, სხვას რომ ეთქვა, ალბათ არ დაიჯერებდა, ერთ დღეს სტიქარს თუ ჩაიცვამდა. ვერც ამას დაიჯერებდა, რომ სტიქაროსნობამდე ცნობილი მომღერალი გახდებოდა.

ვინ იცის, რას მოიტანს ჟამი ახალს... ჩვენ იმაზე ვისაუბრეთ, რაც უკვე მოიტანა...

* * *

— კოჯორში ვცხოვრობდი. სკოლაში კარგად ვსწავლობდი, VII კლასამდე — ხუთებზე.

დამპირდნენ, თუ ხუთებზე ისწავლი, ველოსიპედს გიყიდითო. ველოსიპედი კი ჩემი ოცნება იყო. ეტყობა, მეგობრებში დავიტრაბახე კიდევ, ნახეთ, მალე ველოსიპედი მექნება-მეთქი. არადა, მშობლებს ისე გაუჭირდათ, ველოსიპედი კი არა, არაფრის საშუალება აღარ იყო. მეწყინა, პირობა რომ არ ამისრულეს და აღარ ვსწავლობდი... ახლა მეცინება, რომ მახსენდება...

ფიზიკური შრომა თუ გამომიცდია? როგორ არა! დიდი ბოსტანი გვექონდა, კარტოფილს ვრგავდით. მეათედ ჰექტარზე რომ დამაყენებდნენ და ვთოხნიდი, უნდა გენახათ. ტყეშიც დავდიოდი შეშაზე... „ტარზანი“ რომ შემოვიდა, ბიჭები მივდიოდით ტყეში, ვკიდებდით თოკებს და იყო ერთი ტყაპატყუპი. დაჟეჟილი ვბრუნდებოდით სახლებში.

ერთი ამბავიც მახსოვს: შინ მართო დაგვტოვეს 97 წლის პაპასთან. მინდოდა გავფრენილიყავი. ეზოში დიდი წაბლის ხე იდგა. ავიტანე ორი-სამი ქოლგა ამ ხეზე, გავშალე და გადმოვხტი. ესენი დაიკეცა და მე ღობის ეკლიან მათულებზე ჩამოვეკიდე მუცლით. დავიწყე ბლავილი. სანამ პაპამ გაიგონა და მოვიდა... კიდევ კარგი, გაიგონა. ახლაც ამ ნაიარევს რომ დავხედავ ხოლმე, პაპა მახსენდება.

ღმერთი მწყალობდა ყოველთვის. აუცილებლად მინდა ვახსენო ხალხი, ვისაც დიდი ღვაწლი მიუძღოდა ჩემს ჩამოყალიბებაში.

ნათელა პატარიძე ამოდიოდა თბილისიდან. სკოლაში სიმღერის გუნდი შექმნა. ისეთი გუნდი დადგა, ოლიმპიადებზე სულ პირველ ადგილზე გავდიოდით. ის მინერგავდა, მონაცემები გაქვს, ხმა გაქვს და მიჰყვებიო...

ბიჭები ამოვიდნენ კოჯორში, გიტარაზე დაკვრას ასწავლიდნენ, მათგან ვისწავლე დაკვრა. მერე ერთად ვიყავით „ციცინათელაშიც“ და „ივერიაშიც“... პირველად ეს სიმღერა ვისწავლე: „შემოხტი და გამიფრინდი, ჩემო თოლია“. გიტარა არ მქონდა. ჩუმაღ ვიყიდე. მშობლებს არ უნდოდათ კატეგორიულად: ჯერ გიტარაზე დაკვრას ისწავლის, მერე გალოთდება და რა გვეშველებაო. გიტარას ტყეში ვმაღავდი. მივდიოდი და იქ ვმეცადინებოდი.

საკმაოდ ხელმოკლედ ვცხოვრობდით.

1964 წელს უცხო ენების ინსტიტუტში ჩავირიცხე.

თბილისში რომ ჩამოვედი, ორი წელი პროფესორ ოთარ ზენაიშვილის სახლში ვცხოვრობდი. მან შემიფარა, კოჯორში ისვენებდა და იქიდან მიცნობდა... ბატონი ოთარი და მი-



დედასთან

სი მეუღლე თავს მეველებოდნენ, რომ კარგი ადამიანი დავმდგარიყავი... დიდად დამეხმარა პრორექტორი გოგი შიომვილიცი. იქაც გუნდში მოვხვდი. დეკანი ნელი კრავიშვილი მყავდა. ის მეუბნებოდა, წადი, კონსერვატორიაში ჩააბარეო... ვერა და ვერ გადამაწყვეტინეს. რატომღაც დიპლომატობა მინდოდა სოფელელ ბიჭს და ამისთვის ენა უნდა მესწავლა.

ოჯახიდან დღეში მანეთს მაძლევდნენ. კვირაში 7 მანეთი მეკუთვნოდა, მეტი არა. თავი უნდა გამეტანა როგორმე. კიდევ ვიმეორებ, მაღლობა უფაღს, რომ მიცავდა ყოველთვის. მეგობარმა მომაკითხა — არნოლდ ნანობაშვილიმა: პლენანოზე დიდი უნივერსიტეტი იყო. იქ ანსამბლი ჰყავთ და მოდი, ვიმღეროთო. ხელფასს მოგვცემენ 66 მანეთსო. მივედით დირექტორთან, ასლან ხარბუღიასთან. ფოთში რომ პირველი ფეხბურთელები იყვნენ, იმ პერიოდის ფეხბურთელი იყო. რომ გვანახა უწყვერულვამო ბავშვები, გაგვაფორმა. მე გალანტერეის საწყობში ვიყავი მუშად. ხელფასიც მომცა... ამას სტაჰენდიაც ემატებოდა და 100 მანეთი კი გამომიდიოდა. ეს ჩემთვის დიდი ფული იყო. უკვე გამიჩნდა შესაძლებლობა, საჩუქრებიც კი მეყიდა გოგონებისთვის. ყოველ დღით მივდიოდი საწყობში, ვებმარებოდი საწყობის გამგეს, ცხრის ნახევარზე ინსტიტუტში გავ-



„გიტარა ჩემად ვიყიდე. მშობლებს არ უნდოდათ კატეგორიულად: ჯერ გიტარაზე დაკვრას ისწავლის, მერე გალოთდება და რა გვეშველებო“ (სურათზე: ანსამბლი „ციცინათელა“)

რბოდით. მერე მივდიოდით რუპეტიციაზე... მერე ისეთ განყოფილებაში გადამიყვანეს, სადაც გეგმა სრულდებოდა. უკვე 100 მანეთი მქონდა ხელფასი.

1967 წელს შეიქმნა ანსამბლი „ციცინათელა“. სოსო ებრალიძე იყო ხელმძღვანელი. დამიძახა. იქ შევხვდი ჩემს მომავალ მეუღლეს, ლილის. სამი კურსი ზომ ზუთოსანი ვიყავი... „ციცინათელასთან“ ერთად გასტროლებზე წავიყვანი და წავიყვანი ხელიდან. უკვე თავის გამოჩენა მომიწია, სიმღერა გახდა მთავარი... ბევრი იფიქრებდა ჩემმა დეკანმა, ისწავლე რა, ზომ შეგიძლიაო, — მაგრამ ვერ მიმაბრუნა... დამამთავრებინა მაინც როგორღაც...

საოცარია, მაგრამ სცენაზე გასვლა უსახლეროდ მიჭირდა ყოველთვის. ახლაც მიჭირს. სიცილით კვდებიან, ვსველდები, ხელებიდან წურწურით მომდის ოფლი, სიტყვები არ მახსოვს, ხმა ზომ არ დაუკარგე, — მეშინია. გავალ სცენაზე, ამოვიღებ ხმას და მერე მიდის და მიდის... არ ვიცი, როგორ ავიხსნათ...

დავქორწინდით. ორივე ვმუშაობდით. ამოვისუნთქე... ახლა რომ ვაკვირდები, რა იყო ეს ამოსუნთქვა? არაფერი. სიყვარულის ფონზე გაჩენილი თვითდაჯერება, რომ არაფერი გვაკლია.

ცხოვრება პრაგმატული გახდა... მაგრამ რაც გამოცდილი მქონდა, არასოდეს დამვიწყებია. ახვედი თუ ჩამოხვედი კიბის საფეხურებზე, მნიშვნელობა არა აქვს. შენ ზომ იცი, რა არის ხელმოკლეობა, განსაცდელი... რა არის, როცა კუჭი „თავისას ითხოვს“ ან ჩა-

საცმელი არაფერი აქვს კაცს. ამას ყველაფერს ვხვდები, სულ არ მჭირდება, რომ ვინმემ მიამბოს. მე ზომ ეს გზა გავიარე... ეს რომ არ გამეველო, ვაი, რა ძნელი იქნებოდა სულის დაამება!

ჯემალ ბაღაშვილს კოჯრიდან ვიცნობდი. ამოდიოდა, უკრავდა ხოლმე. თითებიდან სისხლი სდიოდა და არ ჩერდებოდა მაინც. ძალოსანი იყო. კრივიც იცოდა. როგორ, თბილისში რომ ჩამოხვალ, ყველაფერი უნდა შეგეძლოსო. დამაწყებინა ვარჯიში. თბილისში უკვე მაშინ შევხვდით ერთმანეთს, როცა „ციცინათელაში“ ვიყავი. „ივერია“ უნდა შეგქმნათ და ერთად ვიქნებით, ჩემთან წამოდიო... გადავწყვიტე, გადავსულიყავი. დალატი არ ვიცი. მაპატიონ ბიჭებმა, ვინც დაუტოვე, მაგრამ პირობები იყო ისეთი, იძულებული გაგზდი...

მოვიარე მსოფლიო „ივერიასთან“ ერთად. ეტაპობრივად ყველა ჯურის ხალხს შევხვედრივარ ქუჩაშიც, ცხოვრებაშიც... ყველანაირი გზა მაქვს გავლილი. პროფესიონალურ სცენაზე გამოსვლა რომ დავიწყე, ხშირად გვიხდებოდა კოლონიებში კონცერტების ჩატარება. შემდეგ მივხვდი, ეს ქრისტიანულია: პატიმარიც უნდა მონახული და ავადმყოფიც... ჰოდა, მთელ შავ და ფერად სამყაროს კი ვიცნობდით... სხვათა შორის, კონცერტის მერე პურმარილი იშლებოდა...

მარტო ჩემთვის კი არა, მთელი „ივერიისთვის“ ჩემი შვილის ამქვეყნიდან წასვლა დიდი ტკივილი იყო. მაშინ „არგონავტებს“ ვდგამდით. მე აიეტის როლი მქონდა. ვფიქრობ,

ასეთი კარგი მიუზიკლი სხვა არც არის, მაგრამ აღარასოდეს მივბრუნებოვართ.

ძალიან სასიამოვნო მოგონებები მაქვს „იფორიაზე“. „ფიროსმანი“ დაუდგით. ჯეშალმა, შენ იცი, ფიროსმანი შენ ხარო... გადავწყვიტე, 21 დღე არ მეჭამა, რომ მივახლოვბოდი ნიკალას სულის მდგომარეობას, როცა ის შიმშილობდა, როცა ის არავის უნდოდა, მასზე საშინელებას წერდნენ გაზეთში... ავიღე წიგნები ნიკალაზე, ლოცვები და დაუიწყე შიმშილი. მივდიოდი კოჯორში ჩემს წყაროზე, იქიდან მომქონდა წყალი დასალევად. ეს სიჩუქე და მარტობა შეუდარებელია ჩემს ცხოვრებაში. მერე, როცა 21 დღის მერე პირველად გავედი, ჯეშალმა: აი, ფიროსმანი მოვიდაო.

რამდენ ქვეყანაში ვყოფილვარ. დარჩენა არსად მნდომებია. კა-გე-ბე დაგვევებოდა. ღამით გარეთ არ გვიშვებდნენ. ქართველი თუ მოვიდოდა, გამარჯობა არ უნდა გვეთქვა, სამშობლოს მოღალატეაო. გამარჯობასაც ვამბობდით და ქეიფიც მიდიოდა. „კაგებეშნიკიც“ საქეიფოდ მიგვეყავდა ხოლმე...

ერთხელ ვენესუელაში ვიყავი ექვს თვეს ტრიო „საუნჯესთან“ ერთად. კონცერტები ხულო იგლესიასის მენეჯერმა დაგვიგეგმა. ვუკრავდით, ვირუჯებოდით და ვიყავით, მაგრამ ვაი ამ ყოფნას! გასკდა თავი, გული! სახლში მინდოდა ჩამოსვლა. მაშინ შემომთავაზეს დარჩენა, მსოფლიო სახელი გექნებაო... არაფრით არ ვქენი. მხოლოდ ერთი წელიწადიო. არ შემიძლია-მეთქი... ვერ დავრჩი.

როცა ჩემი თავი ესტრადაზე ვეღარ ვიპოვე, ოპერას მივმართე. „აიდაში“ ამონასროს პარტია უკვე მზად მქონდა, „ტრაგიატა“ დამუშავების პროცესში იყო... ამონასროს უნდა მემდერა, მაგრამ აირია ყველაფერი. როცა საქართველო კარგ ხასიათზე იქნება, მაშინ ვიმდერებ. ამით იმისი თქმა მინდა, რომ წლებს არა აქვს მნიშვნელობა. სული და გული არ უნდა დაბერდეს.

ორი წლის წინ დავობლდი... 96 წლის დედა გარდაემეცვალა. ის იყო ჩემი იმედიც, ძალაც, სიმშვიდეც... მინდოდა, დედაჩემი და მისი დედმამიშვილები ერთად შემეყარა და ყველასთვის მომეგლო. ჭაღარა შვილი რომ მივიდოდი და მეტყოდა, მოგიკვდეს დედა, როგორ დაიდალეო... ამას ვერაფერი შეცვლის.

უკან რომ ვიხედები, ყველაზე მეტად იცი, რა მიხარია? იერუსალიმში შევიძინეთ ონ პექტარი მიწა. სოსო ხარებოვის დახმარებით ვი-



წლების წინ სხვას რომ ეთქვა, ალბათ არ დაიჯერებდა, ერთ დღეს სტიქარს თუ ჩაიცვამდა. ვერც იმას დაიჯერებდა, რომ სტიქაროსნობამდე ცნობილი მომღერალი გახდებოდა.





„ჩემი შვილიშვილი, ანდრია ჩემსავით სტიქაროსანი გახდა. ლურჯ მონასტერში ვდგავართ ერთად...“

ყიდეთ. ეს მიწა საპატრიარქოს გადაეცემა. ახლა იერუსალიმში ქართულ ეკლესიას თავისი ღამის გასათუფი აქვს.

სოსო ხარებოვის დახმარებით გაიხსნა „სოსლენდი“, სადაც 1500 ბავშვს ვასწავლეთ და მათგან ორასს უკვე სამსახური აქვს, ხომ ბედნიერებაა?..

ჩემთვის უზარმაზარი გზა გავიარე თავისი აღმართებითა და დაღმართებით. ახალგაზრდა ვიყავი და დროს ყურადღებას არ ვაქცევდი... ახლა, როცა დრო აჩქარდა, თუ ჩემი გონი იწვის ჩქარა ამ დროში, მაინც ვერ აღვიქვამ, როგორ გადის დრო. ახალი წელი გაივლის და უცებ მეორე ახალი წელია...

მიმწუხრს მომავალში არ ველოდები, რადგან უკვე განვსაზღვრე, მწუხრი რა არის, როცა სიკვდილმა თავისი პირი მაჩვენა. შვეიცარიაში, რომ უნდა გარდავიცვალო. აქ მოსულს არაფერი მომიტანია და აქედანაც ვერაფერს წავიღებ...

1983 წელს წავიდა ჩემი ბიჭი, გიორგი... მას მერე მისი სულის ძებნა დავიწყე. ვეძებდი ყველგან — დედამიწაზე მოცემულ ყველა ფილოსოფიასა და რელიგიაში. მხოლოდ ასე დამშვიდდებოდა ჩემი სული და გონი. წავიკითხე ყველაფერი: დაოიზმი, ბუდიზმი, მუსლიმანური რელიგიის საფუძვლები. ისევ მართლმადიდებლობასთან მოვედი. მხოლოდ აქ დავმშვიდდი... მივხვდი, უფალმა ჩემი შვილის წასვლით უფრო დიდი რაღაცისთვის მომაძადა...

ხვალ არ ვიქნები... მერე რა? ყველაფერს ვაკეთებ, რომ დღეს ასე თუ ისე სრულფასოვანი ვიყო, ვაკეთო ის, რაც შემიძლია. ვცდილობ, ვიცხოვრო ფიქრმრავალი და სულიერებით აღსავსე ცხოვრებით.

იყო ჩემს ცხოვრებაში სიჩუმის პერიოდი. სამყარო ჩემია ჩემს წარმოდგენაში. ის რომ ლაპარაკობს, მღერის, ხმაურობს, სიცოცხლის გამოა ყველაფერი... მაშინ მივხვდი, ბრძოლაა საჭირო მაშინაც კი, სიკვდილი რომ მოვა, ჩაბარება არ არის საჭირო, ხმლით უნდა გაეგებო.

რა მენატრება?..

გაზაფხულზე, იების ამოსვლის წინ მიწა რომ გაიბერება, ვერ წარმოიდგენთ, რა სუნი დგას ტყეში. ვერა და ვერ მოგახერხე ადრე გაზაფხულზე, რომ ტყეში ვიბოდიადლო.

და კიდევ: ჩემს შვილიშვილს — ანდრიას ვზრდი ისე, რომ ჯერ უფალი უყვარდეს, მერე ქვეყანა, მერე ჩვენ... ისიც სტიქაროსანი გახდა ჩემსავით. ლურჯ მონასტერში ვდგავართ ერთად და ვემსახურებით უფალს. ანდრია უნდა იცოდეს, თუ არა უფლის სიყვარული, სამშობლოს სიყვარული, ხალხის სიყვარული, — მას არავინ შეიყვარებს. ჩემი გამოცდილება ასეთია.

ყველაზე დიდი ბედნიერებაა, ამბროსი ხელაიას სიტყვების თქმა შეგეძლოს კაცს: „სული ჩემი — ღმერთს, გული — საქართველოს, ხორცს კი რაც გინდათ, ის უყავით!“

ლელა ჯიყაშვილი

პირველი წიგნი, რომელიც ძალიან მოეწონა, დანიელ დეფოს „რობიზონ კრუზო“ იყო. ეს ნაწარმოები ჯერ კიდევ მეორეკლასელმა წაიკითხა. ისტორიული რომანების გაცნობა უოლტერ სკოტის „აივენპოთი“ დაიწყო. ძალიან უყვარს ისტორიული რომანები, განსაკუთრებით კონსტანტინე გამსახურდიას „დავით აღმაშენებელი“. ბოლო დროს ისტორიული ნარკვევებით დაინტერესდა. აღიარებს, რომ ყმაწვილკაცობისას მეგობარს ფრანც კაფკას წიგნი მოჰპარა, თუმცა შემდეგ „დანაშაული“ აღიარა. წიგნი მისთვისაც მოუპარავთ, თანაც არაერთხელ. ამ ყველაფერს ექსპერტი კავკასიის საკითხებში მამუკა არეშიძე იმით ამართლებს, რომ ადრე წიგნის კითხვა მოდური იყო, კარგი წიგნები კი ძნელად იშოვებოდა...



მამუკა არეშიძე:

ადრე წიგნის კითხვა მოდური იყო, კარგი წიგნები კი ძნელად იშოვებოდა...

- ბატონო მამუკა, ახლა რას კითხულობთ?
- კავკასიელი ხალხების განვითარების ისტორიას.
- როგორ ფიქრობთ, კავკასიელი ხალხები სხვებისგან რით განირჩევიან?
- ბრძოლისუნარიანობით. მიუხედავად იმისა, რომ კავკასიას უამრავი მტერი ჰყავდა და დამპყრობლებმა კოლონიადაც გაიხადეს მისი ესა თუ ის კუთხე, ხალხმა მაინც შეინარჩუნა თავიანთი ენა, ისტორია, კულტურა, ტრადიცია, რომელიც ასეთი მრავალფეროვანია. რაც ყველაზე მთავარია, არ გამქრალან, როგორც მსოფლიოს სხვა არაერთი ხალხი.
- ხომ არ გახსოვთ, რომელ წლებში გადაასახლეს რუსებმა უბიხები თურქეთში?
- XIX საუკუნის 60-70-იან წლებში. ვერ ვიტყვით, რომ უბიხები მთლიანად განადგურდნენ, ისინი ჩერქეზულ ტომებსა და თურქებში გაითქვიფნენ. ბოლო უბიხი, რომელიც მშობლიურ ენაზე ლაპარაკობდა, 1984 წელს სტამბოლში გარდაიცვალა.
- გადავიდეთ კითხვარზე. ცნობილია, რომ

- ევგიპტელები კავკასიელ ტყვეებს გვარდიის შესაგსებად ვიდულობდნენ. ტყვეები დროთა განმავლობაში ისე გაძლიერდნენ, რომ ევგიპტის მმართველ ძალად ჩამოყალიბდნენ. ვინ იყვნენ ისინი?
- მამლუქები.
- რას ნიშნავს ქართულად მამლუქი?
- მებრძოლს.
- რას ეწოდებოდა დავალები?
- ისტორიულ მხარეს შუა საუკუნეების საქართველოში.
- რომელი საუკუნიდან გადმოვიდნენ ამ ტერიტორიაზე ჩრდილოეთკავკასიელი ოსები?
- XIII საუკუნის შემდეგ.
- „ჩემი მორღუ აფხაზეთში იზრდებოდა თარბებთან, / ბადეს შლიდა... და მშვილდ-ისრით ტყეში ნადირს არბევდა. / ხეიჩას ზრდიდნენ აფხაზები ჩაუქად და რაინდად, / ბეჭზე ორბად შეუფრინეს „ურაიდა რაიდა“. ვის ეკუთვნის ეს ლექსი?
- ეს შოთა ნიშნიანძის „აფხაზური კანტატაა“.
- დიან. ჭოროხი, მტკვარი, ენგური, თურ-

*კავკასიელი ხალხები სხვებისგან
ბრძოლისუნარიანობით განირჩევიან.
მიუხედავად იმისა, რომ კავკასიას
უამრავი მტერი ჰყავდა, ხალხმა მაინც
შეინარჩუნა მრავალფეროვანი კულტურა*

გი — ჩამოთვლილი მდინარეებიდან რომელი მოედინება მხოლოდ საქართველოში?

— ენგური.

— „ფეიქრობ, ისტორია ლმობიერი იქნება ჩემ მიმართ, რადგან თავად ვაპირებ დაეწერო იგი“, — ვის ეკუთვნის ეს სიტყვები?

— ისეთი ამბიციური ნათქვამია, ნაპოლენი იქნებოდა.

— არა, ეს უინსტონ ჩერჩილის ნათქვამია... რომელ ბრძოლაში დაამარცხეს ქართველებმა რუმის სულთანმა?

— თამარის მეფობის დროს, ბასიანის ბრძოლაში.

— ახლა რომელი ქვეყნის ტერიტორიაზე ბასიანი?

— თურქეთის.

— რა ერქვა თამარ მეფის დედას?

— არ მახსოვს.

— ბურდუხანი. რომელ ქართულ ტაძარშია შემონახული შოთა რუსთაველის ფრესკა?

— იერუსალიმის ჯვრის მონასტერში.

— ამერიკელები ამაყობენ, რომ არც ერთ მათ პრეზიდენტს ეს ნაკლი არ ჰქონდა. რას გულისხმობდნენ ისინი?

— ხეიბარი რომ არც ერთი ყოფილა, ეგ ვიცი. სხვას ვერაფერს ვიტყვი.

— ისინი არ იყვნენ მელიტები... დაასახელებეთ ქართველი სახალხო პოეტი, რომელიც 1920 წელს, 25 წლის ასაკში, საბჭოთა ხელი-სუფლების მიერ დაქირავებულმა მეგობარმა მოკლა. იგი „შეფიცულთა რაზმის“ წევრი იყო.

— მიხა ხელაშვილი.

— რამდენი ქართველი ემსხვერპლა რუსეთის წინააღმდეგ 1924 წლის აჯანყებას?

— ათი ათასი.

— ბრძოლის წინ სიმხვევისთვის ნიფრის გალას ჯვაროსნები იკიდებდნენ თუ გლადიატორები?

— გლადიატორები.

— ვინ იყო გლადიატორი, რომელმაც გაქცეულ მონათა და გლადიატორთაგან შედგენილი რაზმით რომაელთა ლაშქარი დაამარცხა?

— სპარტაკი.

— სადაური იყო წარმოშობით სპარტაკი?

— თრაკიელი. თრაკია არის დღევანდელი ბულგარეთის ტერიტორია.

— რომელი ზღაპართა კრებული გადმოგვცემს შაჰრიარ მეფისა და მისი ვაზირის ასულის — შაჰრაზადას ამბავს?

— „ათას ერთი ღამე“.

— ალექსანდრე მაკედონელის მიერ მოწყობილმა ასპარეზობამ 41 კაცის სიცოცხლე შეიწირა, გამარჯვებულმა პრომაქოსმა, რომელსაც მეფემ ოქროს გვირგვინი დააღდა თავზე, სამ დღესაც ვეღარ იცოცხლა. რაში შეაჯიბრა ერთმანეთს ალექსანდრე მაკედონელმა მოასპარეზებები?

— არ ვიცი.

— ღვინის სმაში... ეს ციხე ისტორიულ წყაროებში პირველად XIII საუკუნეში იხსენიება. სტრატეგიულ სიმაგრეს წარმოადგენდა. მისი დაუფლება მთელ შიდა ქართლზე ბატონობას ნიშნავდა...

— გორის ციხე.

— ვისი მეფობის დროს მიეცა გორის ციხეს დღევანდელი სახე?

— ეგ არ მახსოვს.

— ერეკლე მეორის დროს... გახსოვთ, რა ქწერა ერეკლეს ხმაღზე?

— კი, ეგ მახსოვს — „მე ვარ ავი მუსაიფი, კახთ ბატონის ირაკლისა“.

— რისი სახელებია „გორგასლიანი“, „დავითიანი“, „თამარიანი“?

— დროშების.

— მან მთელი ცხოვრება ირანელთა წინააღმდეგ ბძოლას შეაღია, მაგრამ ბედისწერის გამო ყიზილბაშთა ტყვეობას ვერ გადაურჩა და აღსასრულიც ტყვეობაში პოვა. ქართველებმა მისი ნეშტი ალავერდის ტაძარში დაკრძალეს. დაასახელებთ ტრაგიკული ბედის მქონე ეს მეფე.

— ტყვეობაში ვინ აღესრულა? სვიმონი, გიორგი მესამე, როსტომი (ფიქრობს).

— ის ერთ-ერთი წამებული დედოფლის შვილი იყო

— ქეთევანის შვილი? თეიმურაზ პირველი, არა?

— დიახ... ჩერენეკო, ანდროპოვი, სრუმჩოვი, ბრუენევი: დაალაგეთ ქრონოლოგიურად ყოფილი საბჭოთა კავშირის ცეკას გენერალური მდივნები.

— სრუმჩოვი, ბრუენევი, ანდროპოვი, ჩერენეკო.

— ვინ იყო თურქეთის რესპუბლიკის პირველი პრეზიდენტი?

- ქემალ ათათურქი.
- დიახ. აბუ-დაბი, აჯმანი, დუბაი, ფუჯა-ირა, შარმაჯა, რას ალ-ხაიმა, შარჯა, უმ ალ-ქუვანი — რა ჰქვია ამ ყველაფერს ერთად?
- არაბთა გაერთიანებული საამიროები.
- ბერძნულ მითოლოგიაში არის ქალღმერთი თემიდა. რომელი ქალღმერთი შეესაბამება მას რომაულ მითოლოგიაში?
- ესე იგი, კანონიერების ქალღმერთი?
- დიახ.
- არ მახსოვს.
- იუსტიცია... რა ერქვა ძველ რომში მოქალაქეთა თავშეყრის ადგილს?
- არენა? არა, ეგ არ იქნება, მაგის პირველი ასოც მითხარი.
- ესეც ასობგერა „ფ“ გახლავთ.
- ფორუმი.
- გამოიცანით. რა ეროვნებისა იყო მურვან-ყრუ?
- არაბი.
- რა გახდა პაპ კლიმენტი V-ის, პაპ კლიმენტი VII-ისა და საფრანგეთის მეფე ფილიპე II-ის სიკვდილის მიზეზი?
- მოწამულა?
- ამ მიზეზით საფრანგეთის მეფეთა შვილები ხშირად იღუპებოდნენ.
- დიზენტერია, მუნი. სხვათა შორის, მე მაქვს ისტორიული ნარკვევი, სადაც წერია, რომ ლუვრის შენობაში საპირფარეო არ არსებობდა და ფრანგი დიდებულები პირდაპირ კარებთან ან კიბეებთან ისაქმებდნენ. თუ არ ვცდები, XVIII საუკუნემდე ევროპელები ბანაობაზეც უარს ამბობდნენ.
- XIX საუკუნის შუა ხანებში ინგლისში გადასახადი უცნაური პრინციპით იკრებოდა, რაც სახლებს კიდევ უფრო პირქუშს ხდიდა. როგორ გროვდებოდა გადასახადი?
- საღებავში იყო საქმე?
- არა, გადასახადი ფანჯრების რაოდენობისა და სიდიდის მიხედვით გროვდებოდა.
- ალბათ ჩვენმა მთავრობამ მათ მიჰბაძა, ფანჯრების შეცვლისთვის გადასახადი რომ დააწესა...
- რომელ სახელმწიფოს აქვს საზღვარი მხოლოდ ესპანეთსა და საფრანგეთთან?
- იტალიას.
- რომელ რაიონშია თავმოყრილი ისტორიული ძეგლები: წულრულაშენი, ქვეშის ციხე, ორბელიანთა კარის ეკლესია?
- დმანისში.
- რა ერქვა ინდოეთის იმ ნაწილს, რომე-



ლიც ძვირფასი შალის ქსოვილის წარმოებით იყო სახელგანთქმული?

- ქაშირი.
- საფრანგეთში ვალუათა დინასტია რომელმა დინასტიამ შეცვალა?
- ბურბონების.
- რა ერქვა სახელმწიფო საიდუმლო პოლიციას გერმანიაში?
- გესტაპო.
- ვინ იყო ქართველი სამხედრო, რომელიც 2008 წლის რუსეთ-საქართველოს ომის დროს ოსებმა და რუსებმა სასტიკი წამების მიუხედავად ვერ აიძულეს, შეურაცხყოფა მიეყენებინა ქართული დროშისთვის.
- გიორგი ანწუხელიძე.
- დიახ. „მე არც ბოლშევიკების გენერალი ვარ და არც მენშევიკების, მე საქართველოს გენერალი ვარ“ — ვის ეკუთვნის ეს სიტყვები?
- გიორგი მაზნიაშვილს.
- სად არის დაკრძალული გენერალი პეტრე ბაგრატიონი?
- პეტრე ბაგრატიონი ჯერ სოფელ სიმში (ვლადიმირის გუბერნია) დაკრძალეს, შემდეგ ბოროდინოს ველზე, საბოლოოდ მისი ძვლები ამოთხარეს და გადაყარეს.
- დაასრულეთ კონსტანტინე გამსახურდიამ ფრაზა „არავინ ისე მამაცურად არ იბრძვის სხვის ომში, როგორც...“
- სულელი?
- დიახ, სულელი.

სატიუნა ბახტურიძე

სამოსი

37

ყველა ეგვიპტელი ატარებდა თილისმას, ანუ ავგაროზს. სჯეროდათ, რომ ავგაროზი ადამიანს ავი სულებისგან იცავდა და ბედნიერება მოჰქონდა. ყველაზე პოპულარული თილისმა ღვთაება ჰორუსის თვალი გახლდათ. ბავშვები ატარებდნენ თევზის ფორმის ავგაროზებს, რომლებსაც ისინი ნილოსში დახრჩობისგან უნდა დაეცვა.

▼ ჰორუსის თვალი ეგვიპტელთა საყვარელი ავგაროზი იყო. ღმერთ სეთთან ბრძოლისას ჰორუსმა ცალი თვალი დაკარგა და სიბრძნის ღმერთმა და მკურნალმა თოტმა მას ყოვლისმხილველი თვალი აჩუქა. ჰორუსის თვალს ჯანმრთელობა და ძალა მოჰქონდა, ასევე მსხვერპლმწიროვსაც ასახიერებდა, რადგან ჰორუსმა თვალი ბოროტებასთან ბრძოლისას დაკარგა.



38

ძველ ეგვიპტეში მამაკაცებიცა და ქალებიც თვალებს იხატავდნენ. თვალის საღებავს, სახელად კოლს, სხვადასხვა მინერალის ფხვნილისა და ზეთისგან ამზადებდნენ. ეგვიპტელებს სწამდათ, რომ კოლს მაგიური და სამკურნალო თვისებები ჰქონდა, შეეძლო მხედველობის ნაკლის გამოსწორება და თვალის ინფექციათა განკურნება. ეგვიპტელები ფერ-უმარილს, ტუჩის საცხს, პუდრს, ფრჩხილისა და თმის საღებავებსაც იყენებდნენ.

◀ დიდგაროვანი ქალბატონი პარკის მორგებამდე თვალებს იღებავს



39

სამოსის უმეტესობა ღია ფერის ტილოსგან მზადდებოდა. ქალები ტილოს გრძელ, ნაოჭასხმულ კაბებს იცვამდნენ. დიდგვაროვანი ქალების კაბები საუკეთესო ქსოვილისგან მზადდებოდა და მძივებით ირთებოდა. მამაკაცებს ეცვათ ფართო, ბალახონის ტიპის გრძელი სამოსი ან თქმულზე შემოიხვევდნენ ტილოს გრძელ ნაჭერს, რომელსაც წელზე კოხტად ინასკვავდნენ.

► ამ ღამაზე კაბას თან ახლავს გამჭვირვალე მოსასხამი, რაც მიუთითებს, რომ ეგვიპტელები ცხელ ამინდში ხალკათად იცვამდნენ



დაამოყადე მაგიური ავგაროზი

სამისოდ დაგჭირდება:

მოხელილი თიხის გუნდა, ტყავის თასმა, პლაკატის საღებავები, ფუნჯი და ლაქი.

1. მოზილე თიხა, სანამ არ დარბილდება და მიეცი ავგაროზის ფორმა.



2. ჩასვი თვალში თიხის პატარა ბურთულა — გუგა. ავგაროზს თიხისგან მარყუჟიც გაუკეთე.

3. დაცადე თიხას გამაგრება და ლურჯად შეღებე, ზემოდან კი წითელი საღებავით არშია შემოაგლე.

4. ავგაროზს გასაპრიალებლად ლაქი გადაუსვი.

5. გაუყარე მარყუჟში ტყავის თასმა და ატარე ბენდიერების მომტანი ავგაროზი.

40

შედლებულ ეგვიპტელთა პარიკებს ამზადებდნენ ადამიანის თმისგან ან მატყლისგან, რომელთაც სპეციალურ სადგამებზე ჩამოცმულს, ყუთებში ინახავდნენ. ბავშვებს — გოგონებსა და ბიჭებს — თავს პარსავდნენ, მხოლოდ ერთ ან რამდენიმე კულულს უტოვებდნენ: გოგონებს კეფაზე, ბიჭებს კი მარცხენა საფეთქელთან უწნავდნენ.



პარიკები

▲ პარიკების დამუშავება დიდ ოსტატობასა და დროს მოითხოვდა, არც მათი მოვლა გახლდათ ადვილი საქმე. ეგვიპტელები პარიკს ხის ან სპილოს ძვლის სავარცხლებით ვარცხნიდნენ, ზოგჯერ აკულულებდნენ კიდეც.



სავარცხელი



სავარცხელი



თმის სარკები

41

სანდალს პაპირუსისგან ან ლერწმისგან ამზადებდნენ. დიდბულებს, მეფეებს, დედოფლებსა და კარისკაცებს ტყავის სანდალი ემოსათ. ფეხსაცმელი ფუფუნების საგანი გახლდათ და ამიტომ ღირბიბი მოსახლეობა ფეხშიშველი დადიოდა. მუმიასაც კი ფეხებზე ფერად სანდალს ახატავდნენ!



ბონიერი ეგვიპტელები

42

ეგვიპტელთა ბევრი სამარხის კედლები ფერადი სურათებითაა მოხატული, უმეტესად გარდაცვლილის ცხოვრების ამსახველი სცენებით. ქალი იყო თუ მამაკაცი, მას ახალგაზრდა, ჯან-ღონით სავსე ადამიანად გამოსახავდნენ. ეგვიპტელებს სჯეროდათ, რომ მომავალ ცხოვრებაში გარდაცვლილები ისევე იცხოვრებდნენ, როგორც კედლის ნახატებზე იყო ასახული.


ჩაღრმავებული რელიეფი



ამობურცული რელიეფი

▲ ეგვიპტელები ჩაღრმავებული რელიეფის მისაღებად ქვას ამოთლიდნენ გამოსახული კონტურის ფარგლებში, ხოლო ამობურცული რელიეფისთვის ქვის ზედაპირს კონტურის გარშემო შემოათლიდნენ.

სკულპტურულ გამოსახულებას, რომელიც ამობურცულია ბრტყელ ზედაპირზე, ამობურცული რელიეფი ეწოდება, ხოლო ქვის ზედაპირზე გამოკვეთილ გამოსახულების კონტურებს — ჩაღრმავებული რელიეფი.



44

ძველ ეგვიპტელებს სამი კალენდარი ჰქონდათ: სამეურნეო, ასტრონომიული და მთვარის. 365-დღიანი სამეურნეო კალენდარი მოიცავდა სამ სეზონს, რომლებიც ოთხოთხი თვისგან შედგებოდა. ასტრონომიული კალენდარი ვარსკვლავ სირიუსზე დაკვირვების მიხედვით იყო შედგენილი. ის ყოველთვის წყალუხვობის სეზონზე გამოჩნდებოდა ხოლმე. ქურუმები მთვარის ცვალებადობას ადვენებდნენ თვალს და ამის მიხედვით ხვდებოდნენ, როდის შეიძლებოდა მთვარის ღვთაება ხონსუს პატოვსაცემი ცერემონიის გამართვა.

43

ეგვიპტელი მოქანდაკეები ფარაონებისა და ღვთაებების ქანდაკებებს უზარმაზარი ქვებისგან აქანდაკებდნენ. მათ ხშირად სამარხის ან ტაძრის გარეთ მიუჩენდნენ ადგილს, რათა შესასვლელი დაცული ყოფილიყო. სცენებს სამარხისა და ტაძრების კედლებზე ამოკვეთდნენ. გარდაცვლილს სწორედ ისე გამოსახავდნენ, როგორადაც ახალგაზრდობაში გამოიყურებოდა და ცხოვრებით ტკბებოდა. ღვთაება ოსირისი გარდაცვლილის სულს ეხმარებოდა, უზრუნველად ეცხოვრა იმქვეყნიურ სამყაროში.



▲ ამ კალენდარზე დღეები წითლად და შავად არის აღნიშნული. შავი ფერით ჩვეულებრივი დღეებია მონიშნული, ხოლო წითლით — არასასურველი, უიღბლო.



◀ სამარხების მონატვისთვის რამდენიმე კაცი მუშაობდა. უმცროსი მონატვარი კონტურებს მონახავდა. როცა მის ნამუშევარს მთავარი მონატვარი შეასწორებდა, სხვები გამოსახულების კონტურებს აფერადებდნენ.

45

ასტრონომები ცას დამლამობით აკვირდებოდნენ. ეგვიპტელთა კალენდარი ვარსკვლავ სირიუსის მდებარეობას ეფუძნებოდა. ეგვიპტელები ასტრონომიის ცოდნას იყენებდნენ ტაძრების ასაშენებლად, რომლებსაც ვარსკვლავებისა და მზის მოძრაობის მიხედვით განალაგებდნენ.

46

ეგვიპტელმა ექიმებმა იცოდნენ, როგორ დაეფიქსირებინათ გატეხილი ძვლები და განეკურნათ ციებ-ცხელებით დაავადებულები. სამკურნალოდ მცენარეულ წამლებს იყენებდნენ, განსაკუთრებით კი ნიურისა და ღვიისგან დამზადებულს. ეგვიპტელები ზემიწვევით კარგად იცნობდნენ ადამიანის აგებულებას.



დაუჯერებელია!
ნიურის თავს გველებიდან თავდასაცავად და ადამიანის სხეულიდან ჭიების გამოსადევნად იყენებდნენ.




47

ნილოსის სიღრმის გასაზომად ეგვიპტელები იყენებდნენ მოწყობილობას, რომელსაც ნილომეტრი ეწოდებოდა. ერთმანეთისგან განსაზღვრული მანძილით დაშორებულ ნიშნულებიან ბოძებს მდინარის კალაპოტში არჭობდნენ და ასე ამოწმებდნენ წყლის დონეს წყალდიდობის სეზონზე.

დიდებული საბერძნეთი

48

ძველი საბერძნეთი პატარა ქვეყანა იყო, მაგრამ დიდი შემოქმედებითი ნიჭით დაჯილდოებულია სამშობლო. ძვ.წ. 2000 წლიდან მოყოლებული, აქ დიდებული ცივილიზაცია შეიქმნა, რომელმაც განვითარების პიკს ძვ.წ. 500-400 წლებში მიაღწია. ყველა მოქალაქეს წვლილი შეჰქონდა საზოგადოების განვითარებაში, რომელიც პატოს სცემდა ხალხის უფლებებს, ხელს უწყობდა საუკეთესო ადამიანურ თვისებათა წარმოჩენას და ბუნებასთან ჰარმონიულად თანაარსებობდა. ჩვენ დღესაც ადგაფერთოვანებს ძველ ბერძენთა მიღწევები სპორტში, მედიცინაში, პოლიტიკაში, პოეზიასა და ხელოვნებაში.



▲ ათენის აგორა (ქალაქის მოედანი) მოქალაქეთა თაშმეორისა და ბაზრობის ადგილი იყო. ბითუმად მოეჭურნი აქ ახალ ბოსტნეულსა და ხილს, ხოლო ხელოსნები — ტანსაცმელსა და თიხის ჭურჭელს ყიდდნენ.



ისტორიის წიაღში



49

ძველი ბერძნები ამაყობდნენ თავიანთი ლამაზი ქვეყნით. აქ იყო მაღალი, თოვლით დაფარული მთები, მოჩუხჩუხე ნაკადულები, დაბურული ტყეები, ყვავილებით მოჩითული მდელოები და ზღვისპირა ნაყოფიერი ველები. სანაპირო ზოლის გარშემო ათასობით კლდოვანი კუნძული ერტყა, ზოგი პატარა და ღარიბი, ზოგიც დიდი და აყვავებული.

◀ ქვაში გამოკვეთილი ქალის ეს ფიგურა კიკლადების კუნძულებზე იპოვეს. მისი დიზაინი ძალიან სადა, მაგრამ მეტად გრაციოზულია



50

ბერძნული ცივილიზაცია კიკლადების კუნძულებიდან იღებს სათავეს. დასტური იმისა, რომ საბერძნეთში განვითარებული იყო მიწათმოქმედება, კიკლადების კუნძულებზეც იპოვეს. ძვ.წ. 6000 წელს იმ ხალხმა, ვინც აქ დასახლდა, დაიწყო სოფლების გაშენება და მარცვლეულის მოყვანა. ისინი გარდაცვილ ახლობლებს განძეულით სავსე საფლაპებში მარხავდნენ. საფლავი სავსე იყო მარმარილოს ფიგურებით, ოქროვერცხლის სამკაულებითა და მზის სიმბოლოებით მოხატული თიხის ჭურჭლით.

▼ ქრონოლოგია გვიჩვენებს საბერძნეთის ისტორიაში მომხდარ მნიშვნელოვან მოვლენებს

საბერძნეთის ისტორიის ქრონოლოგია

ძვ. წ. 40,000 წ. პირველი ადამიანები საბერძნეთში. ისინი მონადირეები და შემგროვებლები იყვნენ

ძვ. წ. 2000-1450 წწ. მინოსის ცივილიზაცია კუნძულ კრეტაზე



ძვ. წ. 1250 წ. ტროას ომი

ძვ. წ. 900-700 წწ. კვლავ ძლიერდება ბერძნული ცივილიზაცია

ძვ. წ. 6000 წელი პირველი მიწათმოქმედები საბერძნეთში



ძვ. წ. 1600-1100 წწ. მიკენის ცივილიზაცია კონტინენტურ საბერძნეთში

ძვ. წ. 1100-900 წწ. სამეფოების დასუსტების ხანა; შეწყდა დამწერლობის განვითარება




ძვ. წ. 776 წ. გაიმართა პირველი ოლიმპიური თამაშები



◀ ეს თიხის ჭურჭელი დაახლოებით ძვ. წ. 900 წელს არის დამზადებული და უსახური და უბრალოა. ეს იმაზე მიანიშნებს, რომ ბერძნებს იმ პერიოდისთვის ჯერ კიდევ არ გააჩნდათ ხელოვნების განვითარებისთვის საჭირო სახსრები და საშუალებანი.

51

ძვ. წ. 1100-900 წლები საბერძნეთის ისტორიაში იღუმანებით არის მოცული. ძვ. წ. 2000-1100 წლებში საბერძნეთს ძლიერი მეფეები მართავდნენ. მათ ააგეს დიდებული შენობები და შექმნეს ხელოვნების უძვირფასესი ნიმუშები, ჰქონდათ დამწერლობაც. ძვ.წ. 1100-900 წლებში უკვე აღარ არსებობენ ძლიერი სამეფოები. რჩება რამდენიმე ახალი ნაგებობა და ხელოვნების ნიმუში, დამწერლობა კი ქვეითდება.



▲ ალექსანდრე დიდი მართავდა იმპერიას, რომელიც საბერძნეთიდან ინდოეთამდე იყო გადაჭიმული.

52

შორეულ მიწებზე მიგრანტები სახლდებიან. დაახლოებით ძვ. წ. 700 წლისთვის საბერძნეთი უკვე მჭიდროდ იყო დასახლებული. მოსახლეობას მიწები აღარ ჰყოფნიდა საკვები კულტურების მოსაყვანად, ზოგიერთ კუნძულზე კი არ ჰყოფნიდათ წყალი. ამიტომ ბერძნები ახალ მიწებზე — დღევანდელი სამხრეთ საფრანგეთის, ჩრდილოეთ აფრიკის, თურქეთისა და ბულგარეთის ტერიტორიებზე დასახლდნენ და ბერძნული კოლონიები შექმნეს.

53

როცა ქვეყანაში მეზობელი ხალხები შეიჭრნენ, ბერძენთა ძალაუფლება შეირყა. ძვ. წ. 431 წლიდან ერთმანეთთან გამუდმებული ომების გამო ბერძნული ქალაქ-სახელმწიფოები ძლიერ დასუსტდნენ. ძვ. წ. 338 წელს მაკედონიის (საბერძნეთის ჩრდილოეთი) მეფე ფილიპე II უზარმაზარი არმიით შეიჭრა საბერძნეთში. ფილიპეს გარდაცვალების შემდეგ მისმა ვაჟმა, ალექსანდრე დიდმა საბერძნეთი თავისი მძლავრი იმპერიის ნაწილად აქცია.

ძვ. წ. 700-500 წწ.
ბერძნები ხმელთაშუა ზღვის გარშემო კოლონიებს ქმნიან

ძვ. წ. 480-479 წწ.
საბერძნეთი ებრძვის სპარსულ (ახლანდელი ირანი) დამპყრობლებს

ძვ. წ. 338 წ.
მაკედონიის მეფე ფილიპე II-მ საბერძნეთი დაიპყრო

ძვ. წ. 147-146 წწ.
რომაელებმა დაიპყრეს საბერძნეთი და მაკედონია



ძვ. წ. 500-430 წწ.
ძლიერდება ათენი, რომელიც ქმნის გასაოცარ ხელოვნებას და ჰყავს დემოკრატი მთავრობა



ძვ. წ. 431-404 წწ.
ომები ათენსა და სპარტას შორის



ძვ. წ. 336-323 წწ.
ალექსანდრე დიდი, მაკედონიისა და საბერძნეთის მეფე, უზარმაზარ იმპერიას მართავს

	1	2	3	
	ლბიის პრეზიდენტი	ბუღალტერი საპლოცველი	ტერიორისტი, თვითმკვლელი	
	4		5	
	რუსეთის პრეზიდენტი 1991-99 წწ		ქართველი წინადა	
			6	7
			სიმონ ტერ-პეტროსიანის ფსევდონიმი	ანტიმარქსისტული მიმდინარეობა
8	9		10	
ფსტრალელ აბორიგენთა სატიორენი იარაღი	ამერიკელი განგსტერი ...კაპონე		ქვეყანა ცენტრალურ ამერიკაში	
11				12
საქართველოს სახელმწიფო მინისტრი				სამეურნეო მუშაკი, ეკონომი
			13	
			ქანდაკების სახეობა	
			14	15
			ღმერთების მთა	ფულის ერთული მუქსაკაში
16			17	
მონარქული სახელმწიფოს ტიპი			ისტორიული ქალაქი იტალიაში	
18	19			
ვულკანი სიცილიაზე	თბილისის მერი			
20	21			
ქალაქი საქართველოში	წერილობითი კომპიუტერი თხოვნა მთავრობისადმი			
		22		
		მუსლიმანთა ლოცვა		
		23	24	
		ისტორიულად ჩამოყალიბებული წეს-ჩვეულებანი	გერმანული სპორტული საქანლის ფორმა	
25				
...ნაყესი				

წინა ნომერში გამოქვეყნებული სკანორდის პასუხები:
 1. ალიფეი; 2. სენატი; 3. ვიკინგი; 4. ერმაკი; 5. ასკერი; 6. მაია; 7. ნინო; 8. მირკანი; 9. ნაიბი; 10. ლოფინი; 11. ბუცეფალი; 12. ბაირამი; 13. პეტრე; 14. ნაცია; 15. სეიმი; 16. ნოსტე; 17. კასტა; 18. დუელი; 19. მონტანა; 20. ალი; 21. ტაო; 22. მადონა; 23. ნაციზმი; 24. მოლა. სურათზე: ალექსანდრე მაკედონელი.